

অবকাশরঞ্জিনী ।

[কাব্য]

প্রথম খণ্ড ।

শ্রীনবীনচন্দ্র সেন

প্রণীত ।

তৃতীয় সংস্করণ ।

কলিকাতা ।

জি, সি, বসু কোম্পানি কর্তৃক বেচুচাটুর্ঘ্যের ষ্ট্রীট, ৩৩নং ভবনে

বসু প্রেসে মুদ্রিত

ও

শ্রীযোগেশচন্দ্র বন্দ্যোপাধ্যায় কর্তৃক ৫৫নং কলেজ ষ্ট্রীট,

ক্যানিং লাইব্রেরী হইতে

প্রকাশিত।

১২৯১ ।

সহোদরপ্রতিম

শ্রীযুক্ত বাবু চন্দ্রকুমার রায়, এম এ, বি এল ।

প্রিয় চন্দ্র !

আমাদের আশৈশব অকৃত্রিম বন্ধুতার এবং ভ্রাতৃনির্কীর্ষেব
স্নেহের নিদর্শন স্বরূপ এষ্ট “অবকাশরঞ্জিনী” তোমাকে উপ-
হার প্রদান করিলাম । আমার কবিতা রচনার প্রতি তোমার
অতিশয় অনুরাগ, অতএব “অবকাশরঞ্জিনী” জনসমাজে
আদৃত না হইলেও তোমার মনোরঞ্জিনী হইবে তাহার সন্দেহ
নাই । সখে ! একটী কথা মনে উদয় হইল । কথাটী শুনিলে
তুমি হুঃখিত হইবে । আমাদের জীবনের সুখদ দ্বিতীয় অঙ্ক
শেষ হইয়াছে । সংসার-সাগরের বিশাল তরঙ্গাভিঘাতে দুই
শৈশব-সহচর দুই প্রতিকূল তীরে নীত হইয়াছি । অতঃপর
যে কখন কিছুদিনের জন্যেও মিলিত হইব তাহা ভরসা
করি না ; কারণ আমি কপালক্রমে স্বদেশ হইতে এক
প্রকার নির্বাসিত হইয়াছি । তবে আমার পক্ষে এই মাত্র
সাম্বনা—আমাদের প্রণয় পার্থিব নহে, পার্থিব জীবনের পরি-
বর্তন সহ ইহার পরিবর্তন হইবে না, পৃথিবীতে ইহার শেষ
হইবে না ।

১লা বৈশাখ, }
সন ১২৭৮ । }

অভিন্নহৃদয়
গ্রন্থকার ।

স্মৃতিপত্র ।

ক্র.সং.	বিষয়	পৃষ্ঠা
১।	পিতৃহীন যুবক	১
২।	পতিপ্রেমে ছঃধিনী কামিনী	৩০
৩।	বিধবা কামিনী	৬৬
৪।	চট্টগ্রামের সৌভাগ্য	৭৮
৫।	ভগ্নাশ বিদেশী	৮৯
৬।	আকাজ্জা	৯২
৭।	প্রীতি-উপহার	৯৫
৮।	প্রতিমা বিসর্জন	৯৮
৯।	হতাশ	১০২
১০।	একটি চিন্তা	১০৪
১১।	কে বলিতে পারে	১০৮
১২।	নিরাশ প্রণয়	১১১
১৩।	সায়ং চিন্তা	১১৮
১৪।	অপ্রকৃত স্বপ্ন	১২৫
১৫।	মুমূর্ষু শয্যায় জনৈক বাঙ্গালী যুবক	১৩২
১৬।	শশাঙ্ক-দূত	১৪৩
১৭।	অবলা বান্ধব	১৪৮
১৮।	ডিউক অফ্ এডিনবরার প্রতি	১৫২
১৯।	হৃদয় উচ্ছ্বাস	১৬১
২০।	বিষন্ন কমল	১৬৫
২১।	বুড়া মঙ্গল	১৬৯
২২।	কি লিখিব ?	১৮২

ভূমিকা ।

অবকাশরঞ্জিনী সম্পর্কে পাঠকমহাশয়দিগকে দুই একটি কথা বলিতে চাহি। পাঠকগণ অনুগ্রহ করিয়া অবকাশ-রঞ্জিনী পাঠ করিলে জানিতে পারিবেন, ইহার রচয়িতা এক জন চট্টগ্রাম স্কুলের ছাত্র। চট্টগ্রামের নাম শুনিয়া, পাছে বিনা পাঠে পুস্তকখানি দূরে নিক্ষেপ করেন, এই ভয়ে যদিও তিনি, চট্টগ্রামের সঙ্গে তাঁহার কি সম্পর্ক তাহা এইখানে বলিতে ক্ষান্ত হইলেন, তথাপি ইহা মুক্ত কণ্ঠে বলিতে পারেন যে, চট্টগ্রাম সামাজিক অবস্থাতে যত-দূর অবনত হউক না কেন, ইহা প্রকৃতির সোহাগের স্থান, তাহা সকলেই স্বীকার করিবেন। বিদ্বৈষবিহীন-নয়নে যিনি এই স্থানটী নিরীক্ষণ করিয়াছেন, বোধ হয় তিনি, ইহার সৌধশির গিরিমালা, অনিবার-প্রবাহিত নিকরিনি, অন্তাচলবিলম্বিরবিকরে ইহার অনন্ত নীল ফেনীল সমুদ্রশোভা, সর্বশেষে ইহার বাড়াবনল, কখনও বিস্তৃত হইতে পারিবেন না। ফলতঃ কল্পনার চক্ষে যাহা কিছু আনন্দদায়ক হইতে পারে, সকলই চট্টগ্রামে বিরাজমান আছে। এই জন্যই আমাদের কোন এক বন্ধু এক দিন কথায় কথায় বলিয়াছিলেন—

“Oh Caledonia ! stern and wild,

Meet nurse for a poetic child.” &c.

পূর্বে বলা হইয়াছে শৈশবকালে গ্রন্থকার চট্টগ্রাম স্কুলে বিদ্যাভ্যাস করেন। আটশব কবিতা দেবীর প্রতি তাঁহার আন্তরিক প্রজ্ঞা ছিল, এবং সেই সময়ের স্কুলের পণ্ডিত প্রদ্ব্যাম্পদ শ্রীযুক্ত জগদীশ তর্কালঙ্কার মহাশয়ের যত্নে তাঁহার সেই প্রজ্ঞা সমধিক পরিবর্দ্ধিত হয়। তখন গ্রন্থকার কবিতা লিখিতেন, বন্ধুদিগকে পাঠ করিয়া শুনাইতেন, তাঁহার শুনিয়া সন্তুষ্ট হইলে যথেষ্ট ফেলিয়া রাখিতেন। কলিকাতা প্রেসিডেন্সি কলেজে পাঠাবস্থায়, এক দিন “বিধবা কামিনী” কবিতাটি রচনা করেন। অকস্মাৎ তাঁহার দুই জন প্রিয়সুহৃৎ, সংস্কৃত কলেজের ছাত্র, তাহা দেখিতে পাইয়া কবিতাটির যথেষ্ট প্রশংসা করেন, এমন কি তাঁহাদের যত্নে তাহা এডুকেশন গেজেটে প্রকাশিত হয়। প্রদ্ব্যাম্পদ শ্রীযুক্ত প্যারিচরণ সরকার মহাশয় তখন উক্ত পত্রের সম্পাদক ছিলেন, তিনি গ্রন্থকারের রচনার প্রতি অত্যন্ত অমুরাগ প্রকাশ করিতে লাগিলেন এবং কয়েক মাস প্রায় প্রতি কাগজেই তাঁহার রচনা প্রকাশিত হইতে লাগিল। তাহার কয়েকটি এই পুস্তকে নিবিষ্ট হইয়াছে। সময়ক্রমে “পিতৃহীন যুবক” তাঁহার হস্তে অর্পিত হইল এবং উহা ক্রমান্বয়ে দুই কাগজে প্রকাশ করিতে গ্রন্থকার তাঁহাকে অমুরোধ করেন। এইরূপ ঐক্যগ্রন্থ একেবারে পাঠ না করিলে পাঠকের হৃদয়ে অভিলষিত ভাবোদয় হয় না বলিয়াই গ্রন্থকার এইরূপ অমুরোধ করেন। কিন্তু তিনি কেবল অষ্ট শ্লোক মাত্র প্রথমবার প্রকাশিত করেন। প্রেসিডেন্সি কলেজের বিখ্যাত সংস্কৃত প্রফেসর পূজ্যাম্পদ শ্রীযুক্ত বাবু

কৃষ্ণকমল ভট্টাচার্য্য এই কয়েক শ্লোক পাঠ করিয়া গ্রন্থকারের কোন এক বন্ধুর নিকট তাহাদের ভূয়সী প্রশংসা করেন, এবং এইরূপ মত প্রকাশ করেন যে প্রস্তাবটী খণ্ড খণ্ড করিয়া কাগজে প্রকাশ করা অপেক্ষা পুস্তকাকারে প্রকাশ করিলে ভাল হয়। গ্রন্থকারের সেই অনন্যদয় স্নেহে তাঁহার কস্তিপয় কবিতা পুস্তকাকারে প্রকাশ করিতে অন্তরের সহিত অনুরোধ করেন, তাহাতেই অবকাশরঞ্জিনী অঙ্কুরিত হয়।

কোন এক রাজপদে নিয়োজিত হইয়া গ্রন্থকার যশোহরে প্রেরিত হন, এবং এইখানেই তাঁহার জীবন কাব্যের একটা চিরস্মরণীয় নূতন অঙ্কের সূত্রপাত হয়। এইখানে সুগভীর বিদ্বান্ ত্রীযুক্ত বাবু ক্ষেত্রমোহন ভট্টাচার্য্য মহাশয়ের সঙ্গে তাঁহার আলাপ হয়। ইঁহার সদৃশ বঙ্গভাষায় কবিতাপ্রিয় এবং তদুত্তমগ্রাহী লোক বঙ্গদেশে বোধ হয় অতি অল্পই আছেন। ক্ষেত্র বাবু অন্তরের সহিত গ্রন্থকারের রচনা ভাল বাসিতেন, এমন কি তিনি এতদূর বলিয়াছেন যে, কেবল তাঁহার কবিতা পাঠ করিবার জন্যেই তিনি আদৌ এডুকেশন গেজেটের গ্রাহক হন। সময়ে সুবিখ্যাত নাটকপ্রণেতা শ্রদ্ধাম্পদ শ্রীদীনবন্ধু মিত্র মহাশয়ের কাছেও গ্রন্থকার সৌভাগ্যক্রমে পরিচিত হন। রচয়িতা স্কৃতজ্ঞ অন্তঃকরণে স্বীকার করিতেছেন যে তিনি ইঁহার দ্বারা, বিশেষতঃ ক্ষেত্র বাবু এবং পণ্ডিতবর শ্রীশচন্দ্র বিদ্যারত্ন মহাশয়ের দ্বারা কতদূর উৎসাহিত এবং উপকৃত হইয়াছেন বলিতে পারেন না।

যশোহরে আগমনাবধি এডুকেশন গেজেটের সঙ্গে গ্রন্থকারের আর ততদূর সংস্রব রহিল না। কৃষ্ণকমল বাবুর

উপদেশ মতেই হউক, কি সম্পাদক তাঁহার অনুরোধ উপেক্ষা করিলেন বলিয়াই হউক, “শিউহীন যুবক” প্রকাশে গ্রন্থকার অসম্মত হইলেন। কিছুদিন পরে এডুকেশন গেজেট বর্তমান সম্পাদকের করে ন্যস্ত হইলে ক্ষেত্র বাবুর স্নেহে তাঁহার সঙ্গে গ্রন্থকার পত্রের দ্বারা পরিচিত হন এবং সম্পাদক আর কয়েক জন প্রতিষ্ঠিত কবির সঙ্গে তাঁহাকেও সময়ে সময়ে লিখিতে অনুরোধ করেন। গ্রন্থকার প্রতিশ্রুত হন; “সায়ং চিন্তা” এডুকেশন গেজেটে প্রকাশিত হয়। এতদ্বিন্ন তিনি যশোহরের “অমৃতবাজার” পত্রিকায় কবিতা লিখেন; তাহার অধিকাংশই স্থান ও পাত্রবিশেষ বলিয়া এই পুস্তকে প্রকাশ হইল না। ঢাকার অবলাবান্ধব নামক পার্শ্বিক পত্রিকাতেও তিনি সময়ে সময়ে লিখিতেছেন, এবং সম্পাদক আগ্রহের সহিত তাঁহার রচনা গ্রহণ করিতেছেন। প্রত্যুত অবকাশ-রঞ্জিনী এই অবয়বে যিনি দেখিয়াছেন, সকলেই মুদ্রাক্ষণের জন্য অনুরোধ করিয়াছেন। অতএব অবকাশরঞ্জিনী বন্ধু-সমাজে যেমন আদরিত হইয়াছে, জনসমাজেরও যদি অবকাশ রঞ্জন করিতে পারে, তাহা হইলে রচয়িতার ভবিষ্যৎ আশা ফলবতী হয়।

পণ্ডিতবর ও গ্রন্থকারের অনন্যসহায় পূজ্যস্পদ শ্রীযুক্ত দীপকচন্দ্র বিদ্যাসাগর এবং শ্রীযুক্ত রাজকৃষ্ণ বন্দ্যোপাধ্যায় মহাশয়েরা এই পুস্তক মুদ্রাক্ষণ সম্বন্ধে গ্রন্থকারকে অনেক সাহায্য এবং উৎসাহ প্রদান করিয়াছেন এবং বাবু দীনবন্ধু মিত্র গুরুতর রাজকার্য্যে ব্যাপ্ত থাকিয়াও চৈতন্য প্রকাশিত সংশোধন করিয়া দিয়াছেন। উপসংহারকালে গ্রন্থকার

সকলভক্ত হৃদয়ে তাঁহাদিগকে ধন্যবাদ প্রদান করিলেন। ঈশ্বর
তাঁহাদিগকে দীর্ঘজীবী করিয়া ভারতের মুখোজ্জ্বল করুন।

প্রস্থকারস্য।

অবকাশরঞ্জিনী ।

পিতৃহীন যুবক ।

১

আহা ! কিবা স্নগভীর নিবিড় রজনী !
নীরব প্রকৃতিদেবী ; অশিচল প্রায়
জীবন প্রবাহ এবে ; নির্জীব ধরণী ;
অবিষাদে অন্ধকার বিরাজে ধরায় ।
না পায় শুনিতে কণ ; না দেখে নয়ন ;
ঘোর নিদ্রা অভিভূত বসুধা এখন ।

২

যামিনীর স্নমধুর নূপুরনিকণ
ঝিল্লিরবে ভাসিতেছে দিগ্ দিগন্তর,
পাথার প্রহারশব্দ করিছে কখন,
ভগ্ন-নিদ্রা পক্ষিগণ বৃক্ষের উপর ।
কলকল রবে গঙ্গা সাগরসদন
যাইতেছে, অন্ধকারে ঢাকিয়া বদন ।

৩

আত্মহত্যা, নরহত্যা, চুরি, ব্যভিচার,
ইন্দ্রিয় বিলাস, পাপ নিশাচরগণ,—
পূরাইতে পাপ আশা, যত দুরাচার,
কম্পিত হৃদয়ে ভয়ে জ্বলিছে এখন ।
সাক্ষীর স্বরূপ নৈশ নিবিড় গগন,
চেয়ে আছে প্রকাশিয়া সহস্র নয়ন ।

৪

জীবন, পবন, এবে উভয়ে অচল ;
নিদ্রিত ধরার আর নাহি বাহে শ্বাস ;
একটি পল্লব নাহি করে টল মল,
একটি ফুলের নাহি সুরভি নিশ্বাস ।
নিদ্রার কোমল ত্রোড়ে করিয়া শয়ন,
দিবসের শ্রম মর সুড়ায় এখন ।

৫

নাহি সে বিমল স্তম্ভ কপালে আমার,
অভাগার নাহি শান্তি ঘাঘৎ জীবন ;
রাবণের চিত্তাশ্রয়, হৃদয় যাহার,
নিশীথে তেমনি জ্বলে দিবসে যেমন ।
কত করি অবিরত মাখিলু নিদ্রার,
বাঁচাইচত শান্তিরূপ শীতল ছায়ায় ।

৬

যেই দিন পিতৃশোক ছুরিকা বিষম,
ফুটিয়াছে এ হৃদয়ে জেনেছি তখন,
শুকাইবে আশালতা, শুকাবে মরম,
তড়িৎ-আহত তরু শুকায় যেমন ।
সেই দিন হতে নিদ্রা করে মা বর্ষণ,
শান্তির শয্যায়, সুখ কুহুম রতন ।

৭

সৌভাগ্যের সিংহাসনে বিহরে যে জন,
যশের মৌরভে পূরি দেশ দেশান্তর ;
যার প্রেমপাশে রমা বাঁধা অনুক্ষণ,
নিদ্রা দেবী দিবানিশি তার অনুচর ।
অশ্রুজলে কলঙ্কিত যাহার নয়ন,
সে নয়নে নিদ্রা নাহি পাতেন আসন্ন ।

৮

কণ্টকশয্যায় যদি রাখি কলেবর,
চিস্তানলে জ্বলি, ভাসি নয়নের নীরে ;
ঝরিয়াছে এক বিন্দু, ঝরিবে অপর,—
এই অবসরে নিদ্রা নয়নমন্দিরে
প্রবেশেন যদি, তবে আইসে সঙ্গিনী,
যাতনিতে অভাগার স্বপ্ন কুহকিনী ।

৯

মায়া বলে পাপীয়সী ফিরায়ে কখন
মানস তরঙ্গী মম, জীবনের স্রোতে
লয়ে যায়, যথা আহা ! শৈশব যখন
খেলিতু মনের স্রুথে ; সাগর কপোতে
খেলে যেই মতে শাস্ত স্নানীল সাগরে,
প্রসারিয়া পক্ষপুট জলধি উপরে ।

১০

সৌভাগ্যের পূর্ণ জ্যোতি, শৈশবে আমার,
খেলাইত যেই মতে উন্মিমালাসনে,
নব জীবনের জলে, চুন্নি অনিবার
আশার মুকুল শত সোণার কিরণে,—
দেখায়ে সে গত স্রুথ চিত্র মনোহর,
হাসায় এ চিন্তাক্রান্ত বিষণ্ণ অন্তর ।

১১

অমনি দেখিবামাত্র ছায়াবাজী প্রায়,
পলকে লুকায় সব চপলার গতি ;
চিত্র করে পাপীয়সী প্রেমার্জ রেখায়,
জনকের চিন্তাদঙ্ক পবিত্র মুরতি ।
দিবানিশি অশ্রুজলে ভাসিতেছে বুক,
ঋণ দায় যাতনায় অবনত মুখ ।

১২

জনকের দীনভাব করিয়া দর্শন,
উচ্ছ্বসিত হয় মম শোক পারাবার ;
বিদরে হৃদয় ছুঃখে ; সন্তরে নয়ন
শোক অশ্রুজলে ; আহা ! সহোনাকো আর,
সুদীর্ঘ নিশ্বাস সহ ভাঙ্গে এ স্বপন,
ঝরে নয়নের জল, মানে না বারণ ।

১৩

ইচ্ছা হয় তখনই মুদিয়া নয়ন,
নিরখি আবার সেই স্বপনের ছলে,
প্রেমের প্রতিমা মম, স্নেহের সদন,
দেখি, যাহা দেখিব না জীবিতমণ্ডলে ।
স্বপন, দীনের আশা, উভয় অসার,
ফলে কি সাধিলে ? কবে ফলিয়াছে কার ?

১৪

শুধু একা আমি নহি, কবিতাকাননে
পশিয়াছে সেই জন, বসিয়া বিরলে
কাঁদিয়াছে কত নর জানে সেই জনে !
আমার মতন জ্বলি, চিন্তার অনলে
পশেছে—নিদ্রার নাহি পাইয়া দর্শন—
অনন্ত নিদ্রায়, আমি পশিব যেমন ।

১৫

কিস্ত আছা । কি হইবে নিশীথসময়ে
ভাসি নয়নের নীরে ভাগিরথীতীরে,
অশ্রুতে ঈষিত যদি কালের হৃদয়,
যেতেন না পিতা মম শমনমন্দিরে ।
অশ্রুপাতে করি যদি ধরা বিদারণ,
জনকের তবু নাহি পাব দরশন ।

১৬

কি জাগ্রতে, কি স্বপনে, কি নিশি, দিবসে
কঁাদি হিমাচলশৃঙ্গে ; জলধির তলে ;
কিন্মা যথা মেঘমাঝে বজ্রাগ্নি ঝলসে,
বাড়াই জলদরাশি নয়নের জলে ;
কিন্মা মনচুঃখে, জলপ্রপাত ভীষণ
পর্যভবি অশ্রুবেগে, করিয়া রোদন ।

১৭

তথাপি সে শাস্ত মূর্তি দেখিব না আর,
শুনিব না আর সেই মধুর বচন ;
নাম ধরি অভাগারে ডাকিতে আবার,
শুনিব না আর আমি যাবত জীবন ।
মধুমাখা “বাবা” কথা বলিব না আর,
শ্রদ্ধার আলয় মম হয়েছে আধার ।

১৮

নিরন্তর এই আশা জাগিত অন্তরে—
ফিরিয়া স্বদেশে স্থখে মন কুতূহলে,
যুড়াব বিরহজ্বালা পিয়ে প্রেমভরে,
পিতার পবিত্র প্রীতি অমৃত ভূতলে ।
অচির বিরহানল নিবিবে কি আর,
ঘটিল কপালে চির বিরহ আমার !

১৯

প্রেমবিগলিত অশ্রু দেখেছিলু যাহা
আসিবার কালে আমি, এখনও ভাসে
যেন নয়নের কাছে ; শুনিয়াছি আহা !
যেই হুমধুর কথা প্রেমপূর্ণ ভাষে,
এখনো বাজিছে যেন শ্রবণে আমার,
এই জন্মে ভুলিব না, শুনিব না আর ।

২০

বৎসরেক ভারতীর সেবিয়া চরণ
লভিয়াছি যেই ফল, আশা ছিল মনে,
পাসরিতে শ্রম, গৃহে ফিরিব যখন,
উপহার প্রদানিব পিতার চরণে ।
কিন্তু বনবাস শেষে জানি নাই আর,
পিতৃশ্রদ্ধ ছিল পাপ-কপালে আমার ।

২১

যে তরু আশ্রয় করি ছিনু এত কাল,
 কালের কুঠারে যদি হইল পতন ;
 কি কাজ সহিয়া এত সংসারজঞ্জাল,
 শুকাইব এইখানে, স্যাজিব জীবন ।
 ছাড়ুক দীনতা এবে অনল নিশ্বাস ;
 কি ভয় মরিত্তে ? আমি জীবনে নিরাশ ।

২২

উত্তরীয় যেই দিন করিনু ছেদন
 জাহ্নবি ! তোমার তীরে বিষাদিতমন,
 ভেবেছিনু একেবারে কাটিব তখন,
 উত্তরীয় সহ এই সংসারবন্ধন ।
 সংসারের মায়া কিন্তু না জানি কেমন,
 দুঃখিনী মায়েরে মনে পড়িল তখন ।

২৩

চিত্রিত রবির করে, পঞ্চ সহোদর
 দেখিনু ভাসিছে যেন জাহ্নবীজীবনে ;
 শৈশব সরল ভাবে প্রসারিয়া কর,
 চেয়ে আছে অভাগারে কাতরনয়নে !
 দেখিয়া হৃদয় যেন হ'ল বিদারণ,
 ভূতলে মূচ্ছিত হ'য়ে পড়িনু তখন ।

২৪

নাহি জানি এই ভাবে ছিনু কত কাল ;
বোধ হ'লো কেহ যেন তুলিয়া আমায়
বলিল, মৃণালভুজে করিয়া বন্ধন,
সহকারে বাঁধে যথা বসন্তলতায়,—
“প্রাণনাথ ! ছঃখিনীরে ছাড়িয়া কোথায়
যাইবে বল না, মম কি হবে উপায় ?”

২৫

“কি হবে উপায় ?” আহা ! শুমিনু যখন,
বিকল তরল কণ্ঠে কহিতে আমায়,
প্রতিজ্ঞার অসি-লতা ভাঙ্গিল তখন,
কাচের ফলক যথা অনলপ্রভায় !
বিধাতার এতই কি নিদারুণ মন,
মৃত্যুও দীনের পক্ষে দুর্লভ রতন !

২৬

কিন্তু কি স্থখের তরে, চিত্ত-দ্রব-করি
গৃহরূপ রঙ্গভূমে ফিরিব আবার ?
দশমীতে ব্যোমকেশ, ত্রিদশ ঈশ্বরী
সহ গেলে স্বর্গপুরে, করিয়া আঁধার
ভকতহৃদয়াকাশ, শূন্যগৃহে পড়ি,
গুটি কত ভগ্ন ঘট যায় গড়াগড়ি ।

২৭

তেমতি জনক মম, চিন্তার অনল
 নিবাইতে, পশিলেন অমন্তজীবনে;
 সৌভাগ্য গিয়াছে সঙ্গে, হৃদয়মণ্ডল
 আধারিয়া শোকরূপ ঘন আচ্ছাদনে ।
 ভগ্ন ঘট প্রায় চিত্ত-ভগ্ন পরিবার,
 বুকে হস্ত, ভরে ত্রস্ত, করে হাহাকার ।

২৮

এই স্থানে মা দুখিনী পড়ে ধরাতে,
 বাতাহত স্বর্ণের প্রতিমূর্তি প্রায়,—
 স্থির নেত্র, স্থির গাত্র, বদনমণ্ডলে
 নাহি জীবনের চিহ্ন, অচেতন কায় ।
 দুগ্ধপোষ্য শিশু জ্ঞাতা মুখে হাত দিয়া,
 কাঁদিছে অভাগা আহা ! মা মা মা বলিয়া ।

২৯

সুকুমার ভ্রাতৃগণ বিনোদ, বিমল,
 বালেন্দুবদনকান্তি, কোমল পরাণে
 নাহি কোন চিন্তা, আহা ! অবোধ চঞ্চল,
 কি ঘটেছে অভাগারা কিছুই না জানে ।
 তথাপি স্নেহের কিবা মহিমা অপার,
 মার মুখ চেয়ে তারা কাঁদে অনিবার ।

৩৭

চঞ্চল চরণে কেহ করিয়া ভ্রমণ,
পতি-হারা-কুমারিণী-শাবকের প্রায়,
প্রতি ঘরে জনকের করে আশ্রয়ণ,
ভেবেছে জনক বুঝি আছেন কোথায় ।
ডাকিতেছে “বাবা বাবা” বলি শূন্য ঘরে
প্রতারিছে প্রতিধ্বনি “বাবা বাবা” করে ।

৩১

পথপার্শ্বে, তরুতলে, সরোবরতীরে,
বসি কেহ চেয়ে আছে চাতকের প্রায়;
ছুনয়নে অশ্রুধারা করে ধীরে ধীরে,
ভাবিছে—“সপ্তাহ শেষ জনক কোথায় ?”
মলিন কমলমুখ দেখি তরুগণ,
পত্রছলে অশ্রুরিন্দু করে বরিষণ ।

৩২

আশ্রয় পাদপ যদি প্রভঞ্জনবলে
হয় ধরাতলশায়ী, বারে পত্রগণ;
জ্বলি রবিকরে, ভিজি বরিষার জলে
আশ্রিত লতিকাপুষ্প হারায় জীবন ।
তেমতি বিগুহ ছুই ভগিনী আমার,
মরেছে আশ্রয় তরু, কে রাখিবে আর ।

৩৩

কে চাহিবে অভাগারে ? কে চাহে কখন
 রাজপথপাশে বসি দরিদ্র নিধন
 করে যবে হাহাকার ? কে করে যতন
 বিকচ কমল আহা ! শুকায় যখন ?
 যেই দিন মরেছেন জনক আমার,
 সে দিন জেনেছি পর হয়েছে সংসার ।

৩৪

সেই দিন ভিক্ষাপাত্র করিয়াছি করে,
 করিয়াছি জলাঞ্জলি কুল মান যশে ;
 ফিরিতেছি দ্বারে দ্বারে বিবগ্ন অন্তরে,
 ভাসিয়া নয়ননীরে, কি নিশি দিবসে ।
 মুখ আশা সেই দিন দিয়া বিসর্জ্য,
 চিন্তার অনল হৃদে করেছি স্থাপন ।

৩৫

প্রতিদিন ত্যজি শয্যা মুছিয়া নয়ন,
 বেড়াই মনের দুঃখে কত শত স্থানে ;
 কত পাষাণের কাছে করেছি রোদন,
 চাহিয়াছি দীনভাবে কত মুখপানে ।
 মধ্যাহ্নরবি করি দহি কত বার,
 শ্বেদ সহ অশ্রুধারা বরেছে আমার ।

৩৬

আশাপুলকিত মনে দেখি সরোবর,
পশিয়াছি কত বার বিষম দুর্গমে ;
কিন্তু নির্দয়তা-ব্যাধ,—অর্থ-অনুচর,—
হানিয়াছে অন্ত্র আহা ! এ দগ্ধ মরমে ।
কত বার ছুই কর প্রসারি গগনে,
চেয়েছি লভিতে আমি রজনীরঞ্জনে ।

৩৭

প্রভাকর তীব্র করে অনাবৃতশিরে,
নিশির শিশিরে, ডুবি ধুলির সাগরে,
বেড়াইয়া পথে পথে প্রাচীরে প্রাচীরে,
যে ফল লভেছি ভেবে হৃদয় বিদরে ।
প্রতিদিন প্রাতে যাই আশা ভর ক'রে,
প্রদোষে নিরাশ হয়ে ফিরে আসি ঘরে ।

৩৮

রজনীর কাণে কাণে দুঃখের বারতা,
কহিয়াছি কত শত বলিব কেমনে;
যামিনী শুনিয়া দুঃখ, দেখি কাতরতা,
কঁাদিয়াছে ঝিল্লিরবে শুনেছি শ্রবণে ।
আঁধার হৃদয়াকাশে তারার মতন,
ফুটিয়া শতেক আশা নিবেছে তখন ।

৩২

পুস্তক বিজয়বন্ধু, কল্পনা আলয়,
 প্রবেশি যুগ্মভে মম নিশীথযন্ত্রণা;
 নন্দনক্রাননে ভ্রমি, তবু মনে লয়,
 বাড়িতেছে অভাগার মনের বেদনা ।
 চিন্তার অনলে বার দহিছে জীবন,
 বৈজয়ন্তধাম তার বিজন কানন ।

৪০

প্রিয়তম বংশী মম প্রাণের দোসর
 আলিস্রিয়া ছুই করে, কহি তার কাণে
 বিরলে ছুংখের কথা ; বথা পিকর
 কহে ধাতুকুলেশ্বরে, মোহিয়া স্ততানে ।
 সন্তাপের স্রোত তবু গানে না বারণ,
 উচ্ছ্বসিত হয় ছুংখে, ভাসে ছু নম্রন ।

৪১

ভাসিতে ভাসিতে এই ছুংখের সাগরে,
 যেই সব তৃণ লতা করিলু আশ্রয়,
 ছিঁড়িয়াছে সব আহা ! বাচিব কি করে,
 আশিতেছে জলোচ্ছ্বাস ডুবিল নিশ্চয় ।
 আশার অঙ্কুর যত করিলু রোপণ,
 ফলবতী না হইতে হইল নিধন ।

৪২

জীবনের তরি, বিদ্যা অনন্ত সাগরে
ভাসিয়ে, যাইবে বড় সাধ ছিল মনে
যশের মন্দিরে, যথা আনন্দে বিহরে
অমর কবীশরুন্দ কনক আসমে ।
কল্পনার সূত্রে গাঁথি কবিতার হার,
সাজাইব মাতৃভাষা দিয়া উপহার ।

৪৩

প্রকাশিলে জ্ঞানচন্দ্র, ফুটিলে নয়ন,
প্রবেশিব ধর্ম্মারণ্যে; পঙ্কিল হৃদয়
চৈতন্যের ভক্তিশ্রোতে করি প্রক্ষালন
যুড়াইব অমুতাপ ; যুঝিব নিশ্চয়
বিষয়বাসনা সহ, ত্যজিব জীবন
ধর্ম্মার্থে নিহত দীন ঈশার মতন ।

৪৪

তরণী যাইতেছিল, সাহসপবনে
বিস্তারি ধবল পাখা গগনমণ্ডলে;
আশারূপ দীপাবলী উজলি সঘনে
দুরূহ, দুর্গম, পথ ; না জানি কি ছলে
দরিদ্রতা তুলি শিরঃ মৈনাকের প্রায়,
ডুবাইতে চাহে তরী কি করি উপায় ?

৪৫

অকস্মাৎ এ প্রশ্নের কে দিবে উত্তর ?
 কে বুঝিবে ভবিষ্যত ? অদৃষ্ট ছুজ্জের !
 সময়ের যবনিকা করিয়া অন্তর
 কে দেখাবে কি রয়েছে ? দেখেছে কি কেহ ?
 স্থানভ্রষ্ট সৌভাগ্যের নক্ষত্র যাহার,
 কার সাধ্য যথাস্থানে নিয়োগে আবার ?

৪৬

ছঃখের আবর্তশ্রেণী আসিতেছে বেগে
 ডুবাইতে জীর্ণ তরি ভীষণ প্রহারে ;
 ঢেকেছে হৃদয় কাল চিস্তারূপ মেঘে,
 নিশ্চয় উঠিবে ঝড় কে রাখিতে পারে ?
 ডুবাবে নিশ্চয় যদি, তবে কেন আর,—
 ডুবিব জাহ্নবি ! আজি সলিলে তোমার ।

৪৭

কোথায় জননী মা গো র'লে এ সময়ে,
 তব ক্রোড়ে এ অভাগা ফিরিবে না আর ;
 চিত্রিবে না দূর দেশে তোমারে হৃদয়ে,
 মা মা বলে মা তোমারে ডাকিবে না আর ।
 জননি ! জন্মের মত হইলু বিদায়,
 হৃদয় কাঁদিলে আর কি হইবে হায় !

৪৮

নিবিড় তমস মাঝে, নিরখি তোমায়
কাঁদিতোছে, অয়ি মাতঃ। লইয়া হৃদয়ে
কোমল কনিষ্ঠ শিশু ; ভাবিতেছে, হায় !
কত দিনে বাছা তব ফিরিবে আলয়ে ;
এত যত্নে নারিলাম করিতে উপায়,
কি স্থখে ফিরিব ঘরে ? আবার বিদায়।

৪৯

আঁধার আলয়ে তুমি, অয়ি অভাগিনি !
কি স্বপ্ন দেখিছ, প্রিয়ে। বল না আমায়,
যে একটি আশা জ্যোতিঃ দিবস যামিনী
জ্বলিত হৃদয়ে, এবে নির্বাপিত প্রায় ;—
কুক্ষণে এ অভাগারে করিয়ে বরণ,
জানিলে না স্থখ প্রিয়ে ! যাবত জীবন।

৫০

স্থখ আশে অভাগার প্রেম সরোবরে
প্রবেশিলে যবে তুমি, জানিতে না হায় !
দীনতাভুজঙ্গ তার নিবসে অন্তরে,
এখন শুকাবে পাপ বিষের জ্বালায়।
অকৃত্রিম প্রণয়ের থাকে পুরস্কার,
যাই এবে, পরকালে মিলিব আবার।

৫১

হৃদয় ! কেমনে তুমি বিদাইলে তারে,
 প্রেমের প্রতিমা আজি দিলে বিসর্জন ?
 নয়নের মণি মম, আলোক আঁধারে,
 কাঙ্গালিনী ক'রে তারে ত্যজিলে এখন ?
 এ জীবনযন্ত্রে ওই কুসুম রতন,
 ছিঁড়িলে যুগল পদ্য বাঁচে কি কখন ?

৫২

প্রাণের প্রথম মম ভ্রাতা ভগ্নীগণ,
 অভাগা তোদের কাছে লইল বিদায়।
 মরিতাম যদি হেরি তোদের বদন,
 চুশ্বি, হাসি “দাদা” বলে ডাকিতে আশ্রয়,
 কালের কবল হতো কুসুমের হার,
 শমনভবন হতো স্মৃতির আধার।

৫৩

বয়সের ফুল যদি ফুটে দৈববশে,
 বলিও লোকের কাছে চিন্তার অনলে
 জ্বলি জ্যেষ্ঠ সহোদর, নবীন বয়সে
 ত্যজিলেন প্রাণদাদা জাহ্নবীর জলে।
 মিছে আশা হয় ! এই অন্ধুর জীবন,
 স্নেহজল বিনে কি গো বাঁচিবে কখন।

৫৪

দীননাথ ! তুমিমাত্র অনাথ আশ্রয় !
তব প্রেমকোড়ে নাথ করিনু অর্পণ
পিতৃহীন, ভ্রাতৃহীন, দীন, নিরাশ্রয়,
প্রাণের অধিক মম ভ্রাতা ভগ্নীগণ ।
বল নাথ ! ইহাদের কি হবে উপায়,
অভাগার পরকালে কি হইবে হায় !

৫৫

এই তো জীবনরবি অন্তমিত প্রায়,
অপ্রভাত বিভাবরী আসিছে এখন,
সংসারের শোভা যত তাহার ছায়ায়
লুকাইবে, ঠিক যেন মায়ায় সৃজন ।
কিন্তু হায় ! কিছু মাত্র না জানি এখন
কিরূপ সে বিভাবরী, অনন্তজীবন ।

৫৬

সেখানেও সহি যদি চিন্তার দংশন,
যদি এ দুঃখের নাহি হয় উপশম ;
কি ফল তোমার আজ্ঞা করিয়া লঙ্ঘন,
পাপে কলুষিত হয়ে ত্যজিয়ে জীবন ?
কিন্তু ভবিষ্যত ভয় ভাবি মনে মনে,
সংসারের এত জ্বালা সহিব কেমনে ?

৫৭

তাজিব জীবন, আর যা থাকে কপালে ;
 হৃদয়ের দাবানল নিবাব এখন ;
 প্রজ্বলিত পুনর্ব্বার হ'লে পরকালে,
 কাতরে তোমাকে নাথ ! ডাকিব তখন ।
 দয়ার সাগর ভুমি, স্নেহের আসার
 বরষিয়া, ষুড়াইবে যন্ত্রণা আমার ।

৫৮

প্রিয়তম সঙ্গিগণ ! রহিলে কোথায় ?
 নিকটে থাকিতে যদি হয় ! এ সময়,
 একে একে সবাকার লইয়া বিদায়,
 যাইতাম,—আহা ! এই বিদরে হৃদয়—
 সখাগণ ! অশ্রুগবিন্দু করিও পতন,
 স্মরি অভাগার খেদপূর্ণ বিবরণ ।

৫৯

জনক উদ্দেশে আমি করি নমস্কার,
 জানি না মিলিব কি না আবার দুজন ;
 সাধ ছিল চিহ্ন কিছু রাখিব তোমার
 স্মরণার্থ, কিন্তু আশা হলো না পূরণ ।
 তরল না হতো যদি নয়নের নীর,
 ছুঁইত আকাশ তব সমাধিমন্দির ।

৬০

কোথা মাতা, কোথা ভ্রাতা, না দেখিনু হায়
দ্বাদশবর্ষীয়া সেই চির বিরহিণী ;
অশ্রুবিन्दু ! কেন তুমি নয়নসীমায়
ছলিতেছ ? এই বেলা পরশ ধরণী ।
নাহি দেরি, ছিঁড়িয়াছে মায়া'র বন্ধন,
জীবনের অভিনয় ফুরাবে এখন ।

(ধরাতেলে পতন)

৬১

(নদীরব শ্রবণ করিয়া গাত্ৰোত্থান)

কলকল রবে তুমি, অগ্নি ভাগীরথি !
কি কহিছ ভাল করে কহ না আমারে ?
দেখেছ কি তুমি সেই দুঃখিনী যুবতী
ভাসিতে নয়নজলে, যথা পারাবারে
ভাসে কর্ণধারহীন বিপন্ন তরুণী ?
শুনেছ কি তুমি তার রোদনের ধ্বনি ?

৬২

ধীরতাপাষণ বালা করিয়া অন্তর,
উন্মুক্ত করেছে কিহে শোকপ্রবাহিনী ?
সেই স্রোত অশ্রুজলে হয়ে উষ্ণতর
মিশেছে কি তব নীরে অগ্নি মন্দাকিনি !



সে দুঃখের কথা কিহে, আইলে হেথায়,
উচ্চ বীড়িরে কঁাদি কহিতে আমায়।

৬৩

ভূধরসন্তবা তব মহোদরাগণ,
বেড়াইছে অনিবার অভাগার দেশে,
দুঃখিনীর প্রতিবিম্ব, হইয়া পতন
তাদের হৃদয়ে, আহা ! এসেছে কি ভেসে
ভাগীরথি ! তব কাছে ? দেখি তার মুখ,
মনোদুঃখে তোমারও কি বিদরিছে বুক !

৬৪

কিন্মা শুনি অভাগার নিশীথবিলাপ,
মলিন মনের ভাব, বিরহযন্ত্রণা,
বাড়িল কি অগ্নি গঙ্গে ! তব মনস্তাপ ?
সত্য বল দুঃখী আমি করো না ছলনা।
সব্ সর্ব শব্দে কিলো কহিছ আমায়,—
“যাও যারে ফিরে, কেন উন্মত্তের প্রায় ?”

৬৫

কিন্মা নিজচিন্তামগ্ন আমি তুরাচার !
মন্মথিলে তরুরাজি নৈশসমীরণে,
আমি ভাবি শুনি শাখী দুঃখ অভাগার,
নিখাসিছে ধীরে ধীরে বিষাদিত মনে।



নিশির শিশির পড়ে, আমি ভাবি মনে,
কাঁদিয়ে নক্ষত্রাবলি দুঃখিত গগনে ।

৬৬

ছিলে তুমি, অয়ি গঙ্গে ! হিমাচলশিরে,
তরল রজতাসনে, রাজরাণী প্রায় ;
ভূতলে পতিত এবে, তাই ধীরে ধীরে
কাঁদিতেছ মনোদুঃখে একাকিনী হায় !
আমি ভাবি শুনি মম দুঃখের কাহিনী,
কাতরে কাঁদিয়ে আহা ! নগেন্দ্রনন্দিনী ।

৬৭

অনন্ত সাগরমুখে মাইতেছ বত,
ততই বাড়িছে তব রোদনের ধ্বনি ;
পারাবারে মেই দণ্ডে হবে পরিণত
ভীষণ প্রলয়ঝড়ে কাঁপিবে ধরণী ।
তরঙ্গে কারবে রঙ্গে বেগম আলিঙ্গন,
উঠিবে যে কলরব, ফাটিবে গগন ।

৬৮

তেমতি এ অভাগার অস্তিম জীবন,
অনন্ত জীবনে তার পাইবে যখন,
শত গুণ বাড়িবে কি শোক ছতাসন,
পাপে কলুষিত আত্মা করিতে দহন ?

কি ফল জীবনবৃত্ত ছিঁড়িয়া অকালে ?
বরঞ্চ শুকাক শোককণ্টকম্বুধালে ।

৬৯

সামান্য শরীরক্লেশ সহ্য নাহি যায়,
আত্মার অশেষ দুঃখ সহিব কেমনে ?
কিস্তি ভাবী দুঃখ ভাবি কোন ভরসায়,
ফিরিব আবার মম দুঃখের ভবনে ?
জননীর হাহাকার, প্রিয়ার রোদন,
সহিব কেমনে আহা ! যাবত জীবন ।

৭০

নাহি কাজ এ জীবনে, পুনঃ এ সংসারে
পশিব না, ভ্রমিব না অর্থ অন্বেষণে,—
ভ্যজিয়া আহার নিদ্রা, ভাসি নেত্রাসারে,
পথে পথে, দ্বারে দ্বারে, নগরে, প্রাক্ষণে ।
বিদায় সংসারসুখ, বিদায় মায়ায়,
বিদায় প্রণয়ে, শেষে জীবনে বিদায় ।

(ভূতলে পতন এবং নীরবে অবস্থিতি)

(চন্দ্রোদয় হইতে দেখিয়া)

৭১

এস এস শশধর ! রজনীরঞ্জন !
বারেক মনের সাথে নিরখি তোমার

মনোহর শাস্ত্র মূর্তি, রক্তত কিরণ,
জন্মের মতন যাহা দেখিব না আর ।
এস শীত্রে, এ সংসারে কেহ নাহি আর,
শুনিতে এ অভাগার দুঃখসম্ভাচার ।

৭২

তোমার উদয়ে, দেব ! বহুধা কামিনী,
কি সুন্দর বেশে মরি ! শোভিছে এখন;
সহস্র তরঙ্গকর প্রসারি তটিনী,
তোমাকে প্রণয়ভরে করে আলিঙ্গন ।
সর্বরো ত্যজিয়া তার মলিন বসন,
কৌমুদীবসনে ধনী হাসিছে এখন ।

৭৩

যে দিকে কিরাই আঁখি, শোভিছে সকল
অভিনব বেশে, মরি ! এ আর কেমন ?
নিশানাথ ! অভাগার হৃদয় কেবল,
এখনো বিষাদে পূর্ণ তখন যেমন ।
দরিদ্রের হৃদয়ের চিন্তা অন্ধকার,
বিনাশিতে, নাহি কিহে শক্তি তোমার ?

৭৪

উচ্চ সিংহাসনে বসি, তারাদলপতি !
মুহূর্তে দেখিতে পার, সকল সংসার,

বল দেখি, বিনে সেই দুঃখিনী যুবতী,
 অভাগার মত আহা ! কে জাগিছে আর ?
 এই অর্দ্ধ নিশাকালে, আমার মতন,
 দুঃখিনী জননী বিনে কে করে রোদন ।

৭৫

এখনও তারা, শশি ! আছে কি বাঁচিয়া ?
 এতই কঠিন কি হে মানবজীবন ?
 দুর্ভাগ্যের অস্ত্রাঘাত অক্লেশে সহিয়া,
 আছে কিহে এত দিন মম পরিজন ?
 কুসুমকলিকা মম চিন্তার অনলে,
 বিশুদ্ধ হইয়া বুঝি পড়েছে ভূতলে !

৭৬

প্রসারি স্তম্ভিষ্ঠ কর, কুমুদরঞ্জন !
 ধরিয়া চিবুক তার কহ কাণে কাণে,—
 “ভূতলশয্যায় মন্দ-ভাগিনী এখন,
 চেয়ে আছ এক দৃষ্টি যে তারার পানে,
 উদিলাম যবে আমি আকাশমণ্ডলে,
 ডুবিল সে তারা ওই জাহ্নবীর জলে !”

৭৭

শশধর !

তব প্রেমালোকে বসি, নিশীথ সময়ে,

ভূতলে রক্ষিত কর. করেতে বদন,—

এই ভাবে বসি দক্ষ মলিন হৃদয়ে,

বলিয়াছি কত কথা হয় না স্মরণ ।

জীবনের কাহিনীর এ উপসংহার

করিলাম ; এই শেষ, বলিব না আর ।

(চক্ষু নিম্নলিত করিয়া নীরবে অবস্থান ।)

৭৮

(চমকিতভাবে)

এ ———একি !!

কে আমার কাণে কাণে বলিল এখন—

“যুবক ! নিরাশ এত বল কি কারণ ?

জান না কি সুখ দুঃখ নিশার স্বপন ?

সুখ চিরস্থায়ী কবে ? দুঃখ বা কখন ?

এই দেখ এই ছিল তিমিরা রজনী,

আবার এখন দেখ হাসিছে ধরণী ।”

৭৯

হাসিছে ধরণী ? আহা ! আমি কেন তবে,

মজিয়া মনের দুঃখে, বসি নদীতীরে,

ভাবিতেছি এই দুঃখ চিরদিন রবে,
কাদিতেছি অনিবার ভাসি নেত্রনীরে ?
আমার অধিক দুঃখী কত শত জন,
পর্ণকুটীরেতে স্থগে করেছে শয়ন ।

৮০

মানুষের ধর্ম এই । আশা লতা তার
আজি পল্লবিত হয়, কালি মুকুলিত ;
সলজ্জ কলিকা করে সৌরভ বিস্তার,
অভাগ্যে একেবারে করিয়া মোহিত ।
মনে করে বিকাশিবে বাসনাকমল,
সৌভাগ্যের পূর্ণজ্যোতিঃ হতেছে উজ্জল ।

৮১

তৃতীয় দিবসে হিম—নিধন কারণ—
তাহার অজ্ঞাতে হয় ! এসে আচম্বিত,
না জানি কি বিষবারি করি বরিষণ,
বিনাশে কুশুম কলি লতার সহিত ।
তখন অভাগা হয় ! হয়ে অচেতন,
ভূতলে পতিত হয় আমার মতন ।

৮২

কেবল আমি তো নহি; সকল সংসারে
সুখ দুঃখ ক্রমাগত চক্রেয় মতন

ঘুরিতেছে অনিবার, কে রাখিতে পারে ?
কমলা অচলা হয়ে রয়েছে কখন ?
কি সুখ বিষয়ে ? কত নৃপতি বিরলে
এ ঘোর নিশীথে ভাসে নয়নের জলে ।

৮৩

বিবেক ! নিশ্চয় আমি জেনেছি তোমায়,
কহিয়াছ উপদেশ মম কাণে কাণে ;
তোমার গম্ভীর বাক্য করিয়া সহায়,
ফিরিব সংসারে পুনঃ, পশিব সংগ্রামে ।
কাপুরুষ প্রায় কেন তাজিয়া জীবন,
দয়া ধর্ম একেবারে দিব বিসর্জন ।

৮৪

কি ছার বিষয়চিন্তা, কি ছার সংসার,
কি ছার সন্তোষ সুখ, অর্থই কি ছার !
মরিব কি তারি তরে, করি হাহাকার ?
নিশ্চয় লজ্জিব এই দুঃখপারাবার ;
কি ভাবনা,—গেছে সুখ, ফিরিবে আবার ;
কিবা চিন্তা,—আছে দুঃখ, রহিবে না আর ।

৮৫

নাহি কি ধৈর্য্যের অস্ত্র হৃদয় ভাঙারে ?
যুঝিব একাকী আমি, তাজিব না রণ ।

দেখিব নিষ্ঠুর ভাগ্য কি করিতে পারে,
 পাষাণে হৃদয় এই করিছু বন্ধন ।
 এই চলিলাম গৃহে করিলাম পণ,—
 “মস্তকের সাধন কিম্বা শরীরপতন” ।

পতিপ্রেমে দুঃখিনী কামিনী ।

কবিতা পাঠ কালে স্থানে স্থানে অসঙ্গত বোধ
 হইতে পারে, এই জন্য এই কামিনীকে, প্রথমে
 তাহার কি অবস্থা ছিল, তাহা পাঠকবর্গকে সংক্ষেপে
 বলিতে হইল। এই যুবতী কোন এক পার্শ্বতীয়
 প্রদেশের ভাগ্যবানের ছুহিতা। তাহার ঠৈশব কালে
 জনক জননী অসভ্য জাতির অত্যাচার ভয়ে পলায়ন
 সময়ে অনাহারে মুমূর্ষুপ্রায় তৃতীয় বর্ষীয়া
 বালিকাকে অর্থ প্রলোভনসহ এক জন কৃষকের হস্তে
 সমর্পণ করিয়া যান। পরে তাঁহাদের কুি হইল, কেহই
 বলিতে পারে না। সকলের অনুভব, তাঁহারা অসভ্য-
 দিগের খড়্গে নিহত হইয়াছিলেন। এই হতভাগিনী
 কৃষকগৃহে পালিতা। এক দিন এক যুবকের সহিত
 তাহার সাক্ষাৎ হয়, তৎসঙ্গে সঙ্গে পরস্পরের চিত্ত
 বিনিময় হয়। যুবক কৃষকের কাছে সর্বিশেষ অবগত
 হইয়া জানিতে পারিলেন, এই যুবতী তাঁহার পিতার
 পরম বন্ধুর কন্যা। পিতৃসমক্ষে আপন মনোগত ভাব

প্রকাশ করিলেন । পিতা শাস্ত্রসম্মত প্রায়শ্চিত্ত করাইয়া
উত্তরের পরিণয় বিধাম করিলেন । পরিণামে সেই
পরিণয় বৃক্ষের কি ফল ফলিয়াছিল, পাঠকবর্গ অমুগ্রহ
করিয়া কবিতাটি পাঠ করিলে জানিতে পারিবেন ।
প্রত্যুত হতভাগিনী ভাহার প্রকৃত জীবনসম্বন্ধে সম্পূর্ণ
অনভিজ্ঞ ছিল ।

(জ্যোৎস্নাময়ী নিশীথে গবাক্ষধারে একজন
পতিপ্রেমি দুঃখিনী কামিনী ।)

১

অনন্ত সমুদ্র প্রায় মানুষের মন !
নিরাশার ঝড় যবে প্রবাহিত হয়,
উৎক্ষিপ্ত, উন্মত্ত, নীল তরঙ্গনিচয়
কে গণিতে পারে আহা ! কে গণে কখন ?
কে গণে কখন, যবে প্রভঞ্জন বলে
বাতাহত পাদপের ঝরে পত্রগণ ?
নিদাঘবাতাসবেগে আকাশমণ্ডলে
বায়ুখিত বালিবৃন্দ, কে করে গণন ?

২

অকস্মাৎ কি অনল পশিয়া অন্তরে,
পোড়াইল দুঃখিনীর প্রেমতরুবরে ?
বহিছে বিচ্ছেদঝড় তাহে নিরন্তর,
ঝরিছে পত্রিকাবৃন্দ হৃদয়কন্দরে ।

ফুটিতেছে শুষ্কপত্র কণ্টকের প্রায়,
 প্রণয় দুর্বল, ক্লান্ত, বিষন্ন অন্তরে ;
 অচিরাৎ হবে তরু উন্মূলিত হায় ।
 ফাটিবে হৃদয়, প্রাণ যাইবে সহরে ।

৩

কি কায পরাণে, যদি হারানু প্রণয় ?
 অবলার একমাত্র প্রণয় জীবন ।
 প্রণয় জীবনরস্তু, সংসারবন্ধন,—
 ছিঁড়িয়াছে সে বন্ধন জেনেছি নিশ্চয় ।
 ভূষিত যে এ জীবন কুসুমের প্রায়,
 শীতল স্নেহের জল বর্ষি অনিবার ;
 সে যদি সঁপিল তারে অনলশিখায়,
 কে রাখিবে, কে সহিবে অবলার ভার ?

৪

প্রাণনাথ ! অবলারে কোন্ অপরাধে,
 অতল বিশ্বৃতিজলে করিলে মগন ?
 কমলকলিকা কালে করিয়া গ্রহণ,
 প্রস্ফুটিত না হইতে, বল কি বিষাদে
 তেয়াগিলে,—হায় ! তব নিদারুণ মন ?
 শতেক পাষাণে বাধা হৃদয় তোমার,—

দুঃখিনীরে যে অনলে করেছ অর্পণ,
দিম দুই বই নাথ বাঁচিব না আর।

৫

মরি কিন্না বাঁচি নাথ ! কি ক্ষতি তোমার ?
শুকাইলে বাসি পদ্ম অলির কি দুখ ?
কিন্তু হায় ! না দেখনু তব প্রেমমুখ
মৃত্যুকালে, এই দুঃখে কাঁদি অনিবার।
সেই দিন দুঃখিনীরে করিয়া চুম্বন,
চলি গেলে যবে, যদি বলিতে আশ্রয়—
“বিদায় জন্মের মত,” ভরিয়া নয়ন
দেখিতাম মুখশশী ধরিয়া গলায়।

৬

সুনীল নয়ন পটে নয়নের জলে
লইতাম প্রতিবিম্ব ; পরম যতনে
রাখিতাম সেই চিত্র হৃদয় সদনে,—
একটী নক্ষত্র যেন আকাশমণ্ডলে।
সেই মূর্তি নিরখিয়া প্রতিমা সুলভ
সৃজিতাম ; মাখি তার অধরযুগল
কালকূট বিধে, নাথ ! চুম্বি সে অধর
তাজিতাম এ পরাগ খাইয়া গরল।

৭

দরিদ্রসম্ভবা আমি সামান্য রূপনৌ,
 ছিলাম প্রাস্তরে ক্ষুদ্র কুসুমের প্রায়।
 এইরূপ কোন চিন্তা দিবানিশি হয় !
 দংশিত নী কীটপ্রায় অন্তরেতে পশি।
 সামান্য রূপেতে মুগ্ধ হইবে না মন,
 জেনেছিলে যদি, তবে বল না আমায়
 বনফুল রাজোর্দ্বারানে করিয়া রোপণ,
 কেন দহিতেছ তারে নিদাঘজ্বালায় ?

৮

ছিল যেই কুরঙ্গিণী নির্জজন কাননে,
 আপন মনের স্তখে শীতল ছায়ায়;
 জলআশা দিয়ে এনে যুগতৃষ্ণিকায়,
 কেন অকারণে তারে বধিলে জীবনে ?
 কাননকপোতী ছিল বসি তরুডালে ;
 ছলজ্য প্রণয়ফাঁদে বাঁধি বিহগীরে,
 সোণার পিঞ্জরে রাখি, এ যৌবনকালে
 ভুজঙ্গের দন্তে কেন সঁপিলে তাহারে ?

৯

পিতা মম চিরদুখী জননী দুখিনী,
 রূপেগুণে দোনা আমি, দুখিনী মহিলা ;

পর্ণকুটীরের দ্বারে, সরলা, সুশীলা,
ছিলাম উজ্বলি (যেন স্থলকমলিনী)
প্রাঙ্গণের মধ্যস্থল ; ভেবেছিলাম মনে
দরিদ্র যুবক কেহ তুলিয়া আশ্রয়
পরিবে কোমল কণ্ঠে, পরম যতনে
দুর্লভ রতন সম । তা হইলে হয় ।

১০

দুঃখিনীর এই দশা ঘটিত না আর ;
দহিত না দিবানিশি এটির অনলে ;
কপোল বিন্যাস করি দুই করতলে
কাঁদিতে হত না , অশ্রু ঝরি অনিবার
ভিজিত না রজনীর রজতবসন ।
শোভিতাম প্রাণেশের হৃদয়মণ্ডলে,
চন্দ্রের কিরণতলে শোভিছে যেমন
নিশির শিশিরবিন্দু শ্যাম দুর্বাদলে ।

১১

উষার মুকুটজ্যোতিঃ সুনীল গগনে
প্রকটিত হলে ; তৃণশয্যা তেয়াগিয়া,
উষার প্রসাদে নব জীবন লভিয়া,
মেঘপাল লয়ে সুখে প্রাণপতি সনে

যাইতাম ধীরে ধীরে কোমল চরণে ।
 শীতল দক্ষিণানিল প্রভাতে প্রান্তরে
 চলে যবে, নাহি নমে মন্দ পরশনে
 তৃণদল, নমিত না মম পদভরে ।

১২

ছাড়িয়া প্রান্তর প্রান্ত, চঞ্চল চরণে
 অলক্ষিত পদক্ষেপে পর্বতশিখরে
 উঠিতাম সমীরণে পরাস্তব করে ।
 নিরখি হৃদয় মম নাচিতে সমানে,
 হাসিতেন পতি মম, বিকাশি দশনে
 সরল প্রণয় হাসি ; প্রতিবিম্বচ্ছলে,
 হাসিত সে হাসি মম হৃদয় দর্পণে,
 উষার রক্তিম। যথা সরসীর জলে ।

১৩

বিদ্যুতপ্রতিম অশ্বি নিবিড় কাননে
 পশিতাম, ভ্রমিতাম নাচিয়া নাচিয়া,
 (কাননদুহিতাপ্রায়, উল্লাসে মাতিয়া)
 বনে বনে অঙ্কে অঙ্কে প্রাণেশের মনে ।
 দেখিতাম প্রকৃতির অকৃত্রিম শোভা
 জৈবদচঞ্চল মরি সুমন্দ অনিলে,

দূরে স্বচ্ছ নিৰ্বরিণী শব্দ মনলোভা,
স্নকোমল কলরবে জাগাত কোকিলে ।

১৪

গাইত কোকিলগণ স্নললিত স্বরে ;
মিলাইয়া সেই স্বর “বউ কথা কহ”
গাইত শ্রবণে ঢালি মধুর আবহ,
হাসিতাম পতিমুখ চেয়ে লাজভরে ।
কাননগায়ক, বনগায়কীর সনে
আরম্ভিত এক তানে রবির আরতি ;
নাচিত শিখিনী পুচ্ছ প্রসারি গগনে,
নাচিতাম ছুই কর তুলিয়া তেমতি ।

১৫

মনস্থখে পতিপাশে বসি তরুতলে,
গাইয়া পঞ্চম স্বরে কোকিলার সনে
মোহিতাম বনরাজী ; প্রভাত গগনে
বিরাজিত সেই স্বর ; নিৰ্বরিণীজলে
কল্লোলিত ; মস্মরিত শ্যাম পত্রদলে ।
কুসুমসৌরভ সহ বহিত পবন,
গাইতেন বনদেবী প্রতিধ্বনি ছলে—
কুরঙ্গ ভাঙ্গিত নৃত্য করিয়া শ্রবণ ।

১৬

বাজিত অমৃতপ্রায় প্রাণেশের কাণে,
 কহিতেন প্রেমভাষে ধরিয়া আমায়—
 “শুনি লো সঙ্গীত তোর অমৃতধারায়
 নীরবিল পিকবর ; নীরবে বিমানে
 উঠিলেন দিনমণি ত্যজিয়া উষারে ;
 নীরবে কুসুমকলি ফুটিল কাননে ;
 নীরবে ভাসিছে দেখ নয়ন আসারে
 হিরনেত্রা কুরঙ্গিনী, অয়ি স্নলোচনে !”

১৭

মধুময়ী প্রেমকথা শুনি পতিমুখে,
 পুলকে নাচিত প্রেম-পূরিত হৃদয়,
 বিকাশি অধরে আহা ! চারু শোভাময়
 মধুর ঈষদ্ হাসি । প্রাণেশের বুকে,
 —গলিয়া লজ্জায়, স্নখে ধরিয়া গলায়,—
 রাখিতাম মুখশশী । বহিত মলয়
 চুম্বিয়া কুসুমকুঞ্জ, প্রভাত সময়ে,
 চুম্বিতেন প্রাণনাথ আদরে আমায় ।

১৮

খুলিত স্বর্গের দ্বার । বহিত অন্তরে
 কি স্নুথের স্রোত আহা ! বলিব কেমনে ?

সেই ভুঙ্গ শৃঙ্গে, সেই নির্জন কাননে,
সেই তরুতলে, সেই প্রভাকরকরে,
লুভি নাই সেই সুখ । হেন মনে লয়,
তুচ্ছ করি রাজ্যভোগ, তুচ্ছ করি ধন,
ঘদি পাই প্রিয়তম পতির প্রণয়ে,
সরল বিমল সেই প্রণয়চূষন ।

১৯

ক্রমশঃ বাড়িত বেলা ; ফিরিয়া কুটীরে,
কলসী লইয়া কক্ষে, সমানবয়সী
যত সঙ্গিনীর সঙ্গে, যেতেম সরসী-
তীরে, মানস-সরসে যেন ধীরে ধীরে
কনক হংসিনী—মালা । হাসিতে হাসিতে
কহিতাম, শুনিতাম, কত শত কথা !
করিতাম জল-ক্রীড়া, নীল সলিলেতে
শোভিতাম, নীলাকাশে তারাগণ যথা ।

২০

রন্ধন-শালায় স্থখে, অঞ্চল পাতিয়া
ধরাতলে শুইতাম, বিমুক্ত বসনে ;
গাইতাম শূন্য মনে, শূন্য দরশনে,
বঁধুর প্রণয়-গীত, অন্তর খুলিয়া ।

অন্যমনা দেখি মোরে নিবিত অনল,
 ধূমেতে আধারি মম যুগল নয়ন ;
 জ্বালাইতে পুনর্ব্বার, নয়নের জল
 ঝরিত, শুকাতো সেই অনলে তখন ।

২১

কভু যদি মনোদুঃখে, অবনত মুখে
 বসিতাম, নিরখিয়া অবনীর পানে ;
 প্রাণের পুতলী মম, কোমল সন্তানে
 মাথা তুলি, “মা মা” বলি মাথা দিয়ে বুকে,
 কোমল মধুর স্বরে ডাকিত যখন ;
 কিস্বা যবে প্রাণপতি গলায় ধরিয়া
 কহিতেন “কেন প্রিয়ে ! মলিন বদন ?”
 হৃথের সাগরে আহা ! যেতেম ভাসিয়া

২২

কল্পনে ! এ চিত্র কেন করি প্রদর্শন,
 বাড়াইছ দুঃখিনীর বিরহসস্তাপ ?
 তুষায় কাতরা আমি, আমায় এ পাপ
 মরীচিকা দেখাইয়া, বধ কি কারণ ?
 অন্ধকারে পথ-হারা যেই অভাগিনী,
 ভৌতিক আলোকে কেন, প্রতারিছ তারে ?

ছঃখের সময়ে কহি স্নেহের কাহিনী,
অনুতাপানলে কেন দহিছ আমারে ?

২৩

আগ্নি অভাগিনী, এই নিশীথ সময়ে,
গবাক্ষের কাষ্ঠোপরি রাখিয়া বদন,
করিতেছি মনোহুঃখে নীরবে রোদন ;
বিষাদস্রোতের বেগে বিদরে হৃদয় ।
এই পৃথিবীতে আছা ! কে আছে আমার
মুছবে নয়নে মম, নয়নের জল ?
প্রেমভরে তুলি মুখ, চুম্বি বারম্বার
বাঁচাইবে এই শুষ্ক অধর যুগল ?

২৪

প্রাণনাথ ! অশ্রুবারি পড়ি ধরাতলে,
শোভিছে শিশিরসম ছুর্বার আগায় ।
আর কত বিন্দু নাহি পড়িতে ধরায়,
কোথায় উড়িয়া দীর্ঘ নিশ্বাসের বলে
যাইতেছে নাহি জানি ; হেন মনে লয়
পতির উদ্দেশে তারা করিছে গমন ।
নিরেট পাষণময় যাহার হৃদয়,
নয়নের জলে সে কি দ্রবাবে কখন ?

২৫

কেমনে হৃদয়নাথ ! জীবনজীবন
 ভুলিয়া রয়েছ এই দুঃখিনী তোমার ?
 কেড়ে নিয়ে অবলার পরিণয়হার,
 কেমনে বিশ্বাস-জলে দিলে বিসর্জন ?
 কেমনে কাটিয়া দৃঢ় উদ্বাহ-বন্ধন
 শুকাইলে দুঃখিনীর সুখ প্রবাহিণী ?
 কেমনে ভুলিলে তব বিগত জীবন,
 বিগত প্রমোদক्रीড়া, প্রণয়কাহিনী ?

২৬

এক দিন, হায় নাথ ! পড়ে কি হে মনে
 সেই দিনে ? এক দিন নিৰ্বরিণীপাশে,
 যথায় নির্গত বারি তুষিতে সম্ভাষে
 ভাসায়ে প্রণালি-শিলা স্ফটিকজীবনে,
 বসিয়াছিলাম নাথ ! শীতল ছায়ায়;
 মধ্যাহ্নরবির করে, সলিলশীকর
 পতিত হইতে ছিল ইন্দ্রধনু প্রায়,
 বিকাশি কিরণছটা, মরি, কি সুন্দর !

২৭

প্রথর ভানুর করে তাপিত অবনি ।
 মণ্ডিত আতপতাপে প্রশস্ত প্রাঙ্গণ

অদূরে জ্বলিতেছিল ধাঁধিয়া নয়ন,
বিহঙ্গ বসিয়া ডালে নীরবে অমনি ।
কেবল বায়সগণ কখন কখন
কাতরে ডাকিতেছিল তৃষ্ণাভগ্নস্বরে ;
গাভিগণ তরুতলে মুদিয়া নয়ন,
রোমস্থ করিতেছিল ক্লাস্ত-কলেবরে ।

২৮

সর্ সর্ স্বরে শান্ত নিঝরসলিল
পতিত হইতেছিল রজত-ধারায় ।
ফাল্গুনে পল্লবে পূর্ণ অটবীছায়ায়,
ভীততাপে ভীত মন্দ মধ্যাহ্ন অনিল
বেড়াইতেছিল ধীরে, চুম্বি পত্রদল,
নাচাইয়া ছিন্ন বেণী অলকাকুস্তল,
দোলাইয়া কর্ণদোল, কলিকাকমল,
উড়াইয়া ধীরে ধীরে স্ফুরত অঞ্চল ।

২৯

শিলাতলে বসে স্থখে, বালনিবন্ধন
অনার্যত দেহ-লতা নবমুকুলিত,
অতি মুকুলিত নহে, নহে বিকসিত,—
প্রাণনাথ ! সে মূর্তি কি হয় না স্মরণ ?

মধুর অক্ষুট স্বরে, গাইতে গাইতে,
 অন্যমনে, অধোমুখে, কুসুমের হার
 গাঁথিতেছিলাম নাথ ! হরষিত চিত্তে,
 সেই চিত্র, এই চিত্র, দেখ একবার ।

৩০

কেমনে না জানি হয় । বিধির বিধান,
 কোথা হতে আচম্বিতে পান্থ এক জন,
 বলিল মধুর স্বরে, মোহিয়া শ্রবণ—
 “সুন্দরি ! তুষিত পান্থে কর জলদান” ।
 চমকি, চমকে যথা স্তম্ভ কুরঙ্গিনী
 শুনিয়া, শিয়রে ব্যাধবংশীর সংঙ্গীত,
 চাহিনু কুক্ষণে হয় ! আমি অভাগিনী,
 পথিক নয়নপথে, হইল পতিত ।

৩১

কে সে পান্থ, প্রাণনাথ ! পড়ে কি হে মনে ?
 পড়ে কি হে মনে সেই নবীনা রমণী ?
 দ্বাদশ বৎসর গত, তবু অভাগিনী
 তুলিতে চিত্রিতে পারে; নিরখে নয়নে
 সেই চিত্র ; পারে নাথ ! বলিতে এখন
 করে গণে কত দিন হইয়াছে গত ।

সেই দিন প্রবেশিলে জীবনের ধন,
অবলার হৃদয়েতে ভুজঙ্গের মত ।

৩২

আর এক দিন নাথ ।—সেই দিন হায় !
পড়ে যবে মনে, এই বিষম অন্তর
হাসে, যথা হাসে শাস্ত্র সুনীল সাগর,
ভাসে যবে পূর্ণশশী শারদ নিশায়,—
“অপ্সরাপর্বত” শিরে শিলার উপরে,
চক্রাকারে বেষ্টি যারে ঝাউ গীত রত,
দাঁড়াইয়া এই চিত্ত-মোহিনী শিখরে,
দূর হতে শোভা পায় কিরীটের মত,

৩৩

অঞ্চল পাতিয়া স্তম্বে করিয়া শয়ন;
বালিশ দক্ষিণবাহু; শাস্ত্র দু নয়নে
চেয়ে আছি এক দৃষ্টে একতান মনে ।
অন্ত যায় দিনমণি, লোহিত বরণ
বিতরি অলঙ্কার কাস্তি পশ্চিম গগনে;
কনককিরীট শিরে পাদপনিচয়
প্রণমিছে প্রভাকরে সায়াক্রপবনে;
হাসিছে প্রকৃতি মরি ! চারু শোভাময় ।

৩৪

সুদূরে তরঙ্গ-মালা, বঙ্গ-পারাবারে
 তুলিয়া তরল শিরঃ, নীল কলেবর,
 দেখিছে কেমনে অন্ত যায় প্রভাকর;—
 সে নীল সলিল-লীলা কে বর্ণিতে পারে ?
 অদূরে সুবর্ণরৈখা শাস্ত্র স্রোতস্বতী,
 সন্ধ্যালোকে শোভে যেন রজতের হার;
 শোভে তীরে তরুরাজী শ্যামরূপবতী;
 ভাসে নীরে ক্ষুদ্রতরী পক্ষীর আকার।

৩৫

গাভিগণ অগণন চরিতেছে মাঠে;
 ছুটিতেছে বৎসগণ উচ্চ পুচ্ছ করে;
 নীড় অশ্বেষণে এবে দিগ-দিগন্তরে
 উড়িতেছে পক্ষিগণ; সরোবরঘাটে
 শোভিতেছে দীনহীনা কুলনারীগণ,—
 কলসী কোমল কক্ষে, বক্র কলেবর;
 বহিতেছে ধীরে ধীরে সন্ধ্যাসমীরণ,—
 কাঁপে লতা, কাঁপে পাতা, কাঁপে সরোবর।

৩৬

মরালের কলরব, বিহঙ্গকুজন,
 তরুতলে শূন্যমনে রাখালের গীত,

বালকের ক্রীড়া-ধ্বনি, শৈশবসঙ্গীত,
গ্রামবাসি-কোলাহল, সাগর গর্জন,—
দূরবহু সঙ্ক্যানিলে মধুর হইয়া,
বিমোহিত করিতেছে শ্রবণবিবর ;
একতানে ঝাউগণ শুনিয়া শুনিয়া
গাইতেছে সুললিত সঙ্গীত সুন্দর ।

৩৭

দেখিয়া শুনিয়া হলো উচাটন মন ;
ঢাকিল ভাবনা-মেঘে হৃদয় আকাশ ;
বহিল পাষাণভেদী সুদীর্ঘ নিশ্বাস ;
হইল পদ্মিনী-প্রায় মলিন বদন ।
তুই এক অশ্রু বিন্দু পাষাণে ঝরিয়া
শোভিল পঙ্কজভ্রষ্টনীর হার পাতায় ;
কি ভাবনা ? কেন অশ্রু ? কাহার লাগিয়া ?
আছে কিহে মনে নাথ ! বলেছি তোমায় ?

৩৮

মনোদুঃখে আলাপিয়া মধুর মূলতান,
গাইতেছি উচ্চস্বরে মুদিত নয়ন ;
ভাবিতেছি হবে মম অরণ্যে রোদন,
শুনিছে নির্ঝাক তরু নিরেট পাষাণ ।

নীরবিনু ঘবে ধীরে সাজিয়া সঙ্গীত,
 ফুটিল কপালে এক সুখদ চুম্বন,
 মেলিনু নয়ন ভয়ে হয়ে চমকিত,
 যে মূর্তি ভাবিতেছিল দেখিনু তখন ।

৩৯

উঠিতে দুর্বল-ভাবে করে ভর করি
 অমনি ছু হাতে নাথ ! ধরিলে আমায় ;
 তব বাম অঙ্গসোপরে, গলিয়া লজ্জায়,
 রাখিনু বদন মম, মরি মনে করি !
 শিহরিল অঙ্গ মম, চঞ্চল হৃদয়
 নাচিতে লাগিল দ্রুত না জানি কারণ ;
 নিশ্বাস হইতে ছিল সেই তালে লয় ;
 নীরবে নয়ন-নীর, হইল পতন ।

৪০

পাষাণের পানে প্রাণ ! ছিলাম চাহিয়া,—
 তখন তা জানি নাই, জানিনু এখন ;
 পাষাণে নয়ন মন না হলে পতন,
 নাহি কাঁদিতাম এবে বিষাদে মজিয়া ।
 প্রাণনাথ ! প্রেমভরে চিবুক ধরিয়া
 করিলে “প্রেমসি !” বলি প্রিয় সম্বোধন ;

চাহিলু সজলনেত্রে, ঈষত হাসিয়া,
রুমালে অমনি নাথ ! যুছিলে নয়ন ।

৪১

সেই শিলাতলে বসি, সেই সন্ধ্যালোকে,
মোহিয়া মোহন স্বরে মোহিলার মন,
বলেছিলে কত কথা, হয় কি স্মরণ ?
স্মরিলে সে সব কথা, পাসরিয়া শোকে,
পাসরিয়া নাথ ! তব নিষ্ঠুর যন্ত্রণা,
আনন্দে অচল হয় অন্তর আমার ।
ইচ্ছা হয় তাজি এই ধনবিড়ম্বনা,
স্নান বেশে শিলাতলে বসিগে আবার ।

৪২

রাজার নন্দিনী সেই রাজার গৃহিণী,
জানিত কি বনবাস, ললাট লিখন ?
জানিত কি নিরাশায় যাইবে জীবন ?
আয়েষা অবলাকূলে চির অভাগিনী ?
শ্মশানে কাটিতে হয় । নেবে প্রাণপতি,
জানিত কি তপস্বিনী কপালকুণ্ডলা ?
দুঃখিনীর পরিণামে এই হবে পতি,
জানিত কি প্রাণনাথ ! অবোধ অবলা ?

৪৩

এত যত্নে পঙ্খী-ভাবে করিয়া গ্রহণ,
কোন দোষে বিসর্জিলে বিস্মৃতি অনলে ?
অবলাজীবনতরি, প্রেমসিন্ধুজলে
ভাসাইয়া কেন নাথ ! করিলে গমন ?
যদি দাসী কোন দোষে দোষী ও চরণে,
আমূল ছুরিকা কেন বসালে না বুকে ?
তা হলে তো অনুতাপ অনন্ত দংশনে
দহিত না, যাইত না, আজীবন দুঃখে ।

৪৪

বিদ্বান্ আদর্শ তুমি ; বীর অলঙ্কার ;
সঙ্গীত-সুধার সিন্ধু ; শিল্পির মোহাগ ;
দয়ার দক্ষিণ-হস্ত ; দেশ অনুরাগ
প্রজ্বলিত ছিল নাথ ! হৃদয়ে তোমার ।
যশের আকর-তুমি ; গান্ধীর্ঘ্যে জলধি ;
পরদুঃখে দুঃখী মন আর্দ্র মিরন্তর ;
স্নেহ-জলে নেত্রদ্বয় সিক্ত নিরবধি,
গৌরবব্যঞ্জক তব ললাট সুন্দর ।

৪৫

পবিত্র ঈশ্বর প্রীতিপূর্ণ কলেবর
পুলকে পূর্ণিত হতো, যবে একাঙ্গনে

চন্দ্রালোকে বসি ছাতে অবিচল মনে
উপাসনা করিতাম, ত্রাণিত অন্তর
দহি অমুতাপানলে ; সলিলসীকর
পতিত করিত তর নর নয়নযুগল ;
গাইতে গম্ভীর স্বরে, সঙ্গীত সুন্দর,
আনন্দে অন্তর তব হইত অচল ।

৪৬

কেমনে সে ধর্মজ্যোতিঃ পাপ অন্ধকারে
নিবাইলে প্রাণেশ্বর ! বল না আমায় ?
কেমনে ভুলিয়া সেই জীবনসখায়,
ডুবিলে জঘন্য এই পাপ পারাবারে ?
পবিত্র প্রণয়রূপা ধর্ম প্রণয়িনী,
পরিণয় পাশে যারে করেছ বন্ধন,—
কেমনে ত্যজিয়া সেই জনমদুঃখিনী,
ভুজঙ্গিনী প্রেমে নাথ ! হইলে মগন ?

৪৭

ছিল না কি বারি মম প্রেম সন্দেশবরে ?
নিবিত না তৃষ্ণা কি হে শুশীতল নীরে ?
তাজি এ নির্মল জল, ত্যজি দুঃখিনীরে,
কেন বাঁপ দিলে হায় ! পাপের সাগরে ?

যৌবন ভাঙারে নাথ ! রূপের রতন
 ছিল না কি ? ছিল না কি মাধুরী তাহায়—
 চিত্তমুগ্ধকরী শক্তি ? তবে কি কারণ
 সঁপিলে জীবন মন পাপের শিখায় ?

৪৮

প্রণয় অমূল্য নিধি সতীর সম্পদ ;
 রাখে পতিপ্রাণা নারী পরম যতনে,
 প্রদানিতে প্রিয়তম পতির চরণে,—
 সতীত্বমুগ্ধালে প্রেম, ফুল্ল কোকনদ ।
 পরিণয়কালে কলি হ'য়ে বিকশিত,
 পরিমল দান করে যাবত জীবন ;
 দেবের দুর্লভ আহা ! অমরবাহিত,—
 পারে কি পাপিনী দিতে এমন রতন ?

৪৯

বিকচ কমল আশে কোন মৃঢ় জন,
 ঝাঁপ দেয় বেগবতী স্রোতস্বতী-জলে ?
 মধুলোভে মত্ত হয়ে ত্যজিয়ে বমলে,
 ভুজঙ্গিনী ওষ্ঠাধর কে করে চুম্বন ?
 স্রুশীতল জল লাগি তৃষিত হৃদয়ে,
 বাড়ব অনলে বল, কে হয় মগন ?

বারান্ধ নাহুদয়েতে যে চাহে প্রণয়,
মৃগতৃষ্ণিকায় তার, নীর অন্বেষণ ।

*

৫০

সোণার সংসার তব ডুবাইয়া জলে,
তাজিয়া অচল বৃদ্ধ জনক জননী,
তাজিয়া কনিষ্ঠা পতিবিহীনা ভগিনী,
কেমনে ভুলিলে সেই পাপিনীর ছলে ?
আজন্ম রোপিত তব প্রণয়ের লতা
কেমনে অকালে তারে করিয়া ছেদন ?
কেমনে পাষণ মনে, তাজিয়া মমতা,
প্রেমের প্রতিমা তব দিলে বিসর্জন ?

৫১

দিবানিশি কাঁদি নাথ। বসিয়া বিরলে,
পশিনা সশ্মিতমুখে সঙ্গিনী-সমাজে ।
প্রবেশি কখন যদি, মরি খেদে, লাজে,
যারে চাহি বোধ হয় সেই যেন বলে
মনে মনে,—“ইনি কেন এলেন হেথা,
পতিহারা কুব্যতাস লাগাইতে গায় ?”
অমনি মলিন মুখে নিরখি ধরায়,
ঝরে নয়নের জল, না দেখি কোথায় ।

৫২

খেলিত সতত যেই হাসি মনোহর,
 প্রণয়পীযুষে মাখা, সুন্দর, সরল,
 তরল সুবর্ণপ্রায়, নয়ন যুগল
 উজ্জলিয়া নীলালোকে, রঞ্জিয়া অধর,
 ঢেকেছে বিষাদ-মেঘে বদনমণ্ডল,
 লুকায়েছে সেই হাসি ; জলদনয়ন
 বর্ষিতেছে অনিবার, বরিষার জল ;
 কেমনে বিদ্যুত হাসি ভাসিবে এখন ?

৫৩

তেয়াগিতে শরশয্যা নাহিক শক্তি,
 উঠিতে দুর্বল দেহ কাঁপে থর থর,
 দীন নেত্র, হীন চিত্ত, ক্ষীণ কলেবর,
 নিদাঘ অনলে শুষ্ক লতিকা যেমতি ।
 মাটিতে রাখিয়া বুক, রাখিয়া বদন,
 কহি বসুধার কাণে ছুঃখ সমাচার ;
 সমুদ্র সমান মম মনের বেদন,
 ধরা বিনা কে ধরিবে ? কে শুনিবে আর ?

৫৪

বয়সেতে শ্বেতকেশা শাশুড়ী আমার,
 প্রাণের অধিক ভাল বাসেন আমার ;

নীরবে ভাসেন তিনি নয়নধারায়,
নিরখিয়া দুঃখিনীর মলিন আকার ।
“আ মা” বলি অতিবুদ্ধ স্বশুর যখন
ডাকেন আমারে আহা ! স্করুণ মনে ;
দেখি অশ্রু’ ঘোমটায় ঢাকিয়া বদন :
নয়নের বারি নাথ ! নিবারি নয়নে ।

(নিকটস্থ শয্যার প্রতি চাহিয়া)

৫৫

এই যে রয়েছে শুয়ে চির অনাথিনী
সহোদরা স্নেহনেত্রে নিরখে আন্মায় ;
ভুলাইতে দুঃখ মম, ধরিয়া গলায়,
বলে কত শত কথা দিবসযামিনী ।
প্রবোধ না মানে যদি আপনার মন,
দেবের অসাধ্য তারে, করে নিবারণ ।
মানে কি জ্বলন্তানল তৈলাক্ত বসন ?
নদী-স্রোত মানে কবে বালির বন্ধন ?

৫৬

ছায়ারূপে থাকি সদা নিকটে আমার,
ডুবাইতে চাহে তার আনন্দ হিল্লোলে
বিষাদ-লহরী মম । ধরিয়া কপোলে
একেবারে দ্বিগুণ হাসি-মাগরে সাঁতার,

কত মত রঙ্গ করে ; ভাবে মনে মনে
বিকাশিবে হাসিরাশি অধরে আমার ;—
নির্ব্বাপিত দীপে যথা দীপ-পরশনে
পুনর্ব্বার হয় পূর্ণ আলোক সঞ্চার ।

৫৭

কভু যদি অন্য মনে ভাসি নেত্রনীরে,
কঁাদি আমি, শূন্যপানে করি নিরীক্ষণ,
নিরখিয়া হয় ! মম মলিন বদন,
দাঁড়াইয়া পাশে মাথা রাখিয়া প্রাচীরে
কঁাদে ধনী ; ভাঙ্গে যবে জাগ্রতস্বপন,
আপন বৈধব্যদশা সকাতরে কয় ;
কি অধিক ক্লেশকর জানে নি এখন,
হতাশ বৈধব্য, কিবা নিরাশ প্রণয় ।

৫৮

সখি ! তুমি'যে নিদ্রায় শায়িত এখন,
পোহাইলে বিভাবরী জাগিবে আবার ;
কিন্তু যেই নিদ্রা আজি হইবে আমার,
শত বিভাবরী-শেষে হবে না চেতন ।
প্রভাতে স্নগন্ধবহ মন্দ সমীরণ
সঞ্জীবনী সুধারাশি করি বরিষণ,

কোকিল-কাকলি, কিবা বিহঙ্গ-কূজন,
ভাঙ্গিবে না নিদ্রা মম, তোমার যেমন ।

৫৯

নাথের নিষ্ঠুর ভাব, বিরহযন্ত্রণা,
নিরাশ প্রণয়দুঃখ, চিন্তার দংশন,
দহিবে না, সহিব না এখন যেমন ;
কিন্তু ছাড়িব না পতি প্রণয়বাসনা ।
ধর্ম্ম-পরিণয়রূপ দুর্লভ্য বন্ধন
দিয়াছেন বিধি সখি ! আদরে আমায় ;
অনন্ত জীবন আমি পাইব যখন,
অনন্ত বন্ধনে সখি ! বাঁধিব সথায় ।

৬০

কালি “দিদি দিদি” বলি ডাকিবে যখন,
কাতরে “কি দিদি” আমি বলিব না আর ;
জীবনযামিনী আজি পোহাবে আমার,
ভাঙ্গিয়াছে প্রিয় সখি ! প্রণয়স্বপন ।
অরুণ খুলিবে যবে পূর্ব্বাশার দ্বার,
অনন্ত জীব-দ্বার খুলিব তখন ;
জানি আমি কত দুঃখ হইবে তোমার,
কিন্তু সখি ! কি করিব ললাট-লিখন ।

৬১

সখিরে !—

পরম আদরে, অন্তরে আমার,

রোপিনু প্রণয় লতা ;

বিষময় ফল, ফলিল এখন,

বাসনা হইল বৃথা ।

যুড়াতে জীবন, শীতল ছায়ায়

বসিনু মনের স্নখে,

কে জানিত হয় ! কোটর হইতে

ভুজঙ্গ দংশিবে বৃকে ?

সখিরে ! কি কব করম কথা ?

প্রণয় ভাবিয়া, পাষণ হৃদয়ে

চাপিয়া, পাইনু ব্যথা ।

কুসুম-কলিকা, জিনিয়া বালিকা

ছিলাম যখন সই !

প্রণয় কেমন, জানি নাই আমি,

শৈশব আমোদ বই ।

মধুকর ভ্রমে, বিকাশিনু দল,

ভাসিয়া যৌবন জলে;

নিদারুণ কীট, পশিয়া মরমে

শুকালো ঝিকচ-দলে ।

সখি !—

যায় প্রাণ যায়, দংশন-জ্বালায়
বাঁচিলে পরাণে আর ;

জীবন-মৃণাল, এই ছুরিকায়,
কাটিব করেছি সার ।

আমার লাগিয়া, কাঁদিওনা সখি !
ভাসিয়া নয়ন জলে ;

কপাল-লিখন, কে মুছিতে পারে,
কে জিনে অদৃষ্টবলে ?

কেন অশ্রু তুমি, কর বিড়ম্বনা,
ভূতলে হও পতন ;

অভাগীর মুখ, বারেক নিরখি,
নিরখি প্রেমনয়ন ।

সখি রে ।—

কালি যদি পতি, ফিরেন আলয়ে,
বলিও তাঁহার কাণে ;

গত প্রেম স্মরি, হত দুঃখিনীরে
পবিত্রা প্রেয়সী জানে,

লইতে হৃদয়ে, তা হলে নিশ্চয়,
বাঁচিবে দুঃখিনী প্রাণে ।

পালিও যতনে তাকে ।

আর একটা কথা—

এই যে অঙ্গুরী, রহিয়াছে করে,
যে করে দিলেন পতি,
প্রেম-নিদর্শন, প্রথম-মিলনে,
রেখেছি করে তেমতি ।
দেখিলে অঙ্গুরী, প্রাণেশের মনে,
পড়িবে বিগত কথা,
পাইবেন দুঃখ, কি কাজ, স্বজন,
মনে তাঁর দিয়ে ব্যথা ?
রকতে লিখিয়া হৃদয়ে আমার
পতির পবিত্র নাম,
চিন্তা-দঙ্ক-হিয়া, চিতায় দহিও,
প্রণয়ের পরিণাম ।

৬২

বিগত নিশীথে সখি ! শুয়েছি শয্যায়
তব পাশে, গবাক্ষের অনর্গল দ্বার
অতিক্রম করি ধীরে বহে অনিবার
নৈশ সমীরণ-স্রোত ; কচিৎ তাহার
কাঁপিছে অলকাবলী, কাঁপিছে অঞ্চল ;
চেয়ে আছি এক দৃষ্টে আকাশের পানে,—

ভাসিতেছে পূর্ণশশী, নক্ষত্রমণ্ডল
কাঁপি চল-সমোরণে, সুনীল বিমানে ।

৬৩

নীরব নিদ্রিতা ধরা, হাসিছে রজনী ;
তরুণগণ একেবারে সহস্র দর্পণে
দেখাইছে প্রতিবিশ্ব কোমুদীরঞ্জে,
নাচিয়া উল্লাসে যথা নর্তকী রমণী ।
একটা বিমল জ্যোতি, গবাক্ষের দ্বারে
পতিত হইল সখি ! হৃদয়ে আমার,
ঘুড়াইতে বুঝি চিন্তা-দগ্ধ-অবলারে,
অমনি খুলিল সখি ! স্মৃতির দুয়ার ।

৬৪

স্বথের শৈশব কাল, কৈশোর প্রমোদ,
প্রেমের সঞ্চার স্বথ, পতির মিলন,
সেই নির্ঝরিতীর্থ, সেই সম্ভাষণ,
পর্বত শিখরদেশ, পাষাণে আমোদ,
পরিণয়, ভালবাসা, দম্পতি-প্রণয়,
পতির বিচ্ছেদজ্বালা ছুরিকার প্রায়—
একে একে সব মনে হইল উদয়,
ঝরিল একটা অশ্রু না জানি কোথায় ।

৬৫

কেন যে ঝরিল অশ্রু বলিতে মা পারি ।
কে বলিবে সুখ দুঃখ যুগল মিলনে
কি ভাব উদয় হলো দুঃখিনীর মনে ?
কে ভুগেছে বিনে এই অভাগিনী নারী ?
অবসন্ন হলো দেহ চিন্তার দাহনে,
আবেশে মুদিল সিক্ত নয়নযুগল,
আইলেন স্বপ্নদেবী হৃদয় সদনে,
অমনি স্মৃতির দ্বারে পড়িল অর্গল ।

৬৬

অপূর্ব স্বপন সখি ! দেখিছু তখন ।
দেখিলাম এসেছেন প্রাণেশ আমার,—
সখি ! সেই শান্তমূর্তি মোহিনী আকার,
হয়েছে কঙ্কালশেষ বিকটদর্শন ।
সাহসে দক্ষিণ কর, কাতর নয়নে
প্রসারিছু প্রিয়সখি ! প্রাণেশ আমার
দিলেন ছুরিকা করে নিদারুণ মনে,—
দুঃখিনীর প্রণয়ের শেষ পুরস্কার ।

৬৭

কম্পিত হৃদয়ে সখি ! খুলিছু নয়ন,
দেখিছু জলদারূত পূর্ণ শশধর ।

শূন্যাসনে বসি মাতা তিমির-ভিতর,
 —সজল নয়ন তাঁর মলিন বদন—
 কহিলেন, “বাছা ! তোরা এতেক যন্ত্রণা
 না পারি সহিতে আমি এলেম হেথা,র,
 আয় বাছা, আয় ছাড় প্রণয় বাসনা” ।
 যাইতে চাহিলু, তুমি ধরিলে আমায় ।

৬৮

আজিও জননী মম বসিয়া বিমানে,
 ওই দেখ ডাকিছেন আদরে আমায় ।
 মুহূর্ত্তেক ক্ষম, ওমা, ছুঃখিনী কন্যায়,
 বারেক নিরখি এই ছুঃখিনীর পানে ।
 যাই-সখি ! যাই তবে ডাকিছেন মায়,
 কেঁদো না আমার লাগি, মোর মাথা খাও,
 গ্রাসিছে জীবন-শশী, কাল রাহুপ্রায়,
 একটা সঙ্গীত সখি ! এই বেলা গাও ।

(চক্ষু-মুদ্রিয়া)

৬৯

কোথায় অনাথনাথ ! পতিতপাবন !
 ছুঃখিনী অবলা বাল্য ডাকিছে তোমায় ।
 তুমি বিনা ছুঃখিনীর নাহিক সহায়,
 এস নাথ ! পাতিয়াছি হৃদয় আসন ।

না জানি কি পাপে সহি এতেক যন্ত্রণা,
না জানি কি পাপে আজি ডুবির আবার ;
কিস্তি আজীবন মম ও পদবাসনা,
ও পদে যাইব নাথ । বাসনা আমার !

৭০

কোথায় প্রাণের পতি জীবনজীবন,
উদ্দেশে তোমার মুখ করিনু চুম্বন ;
স্বপনে ছুরিকা নাথ ! করেছ অর্পণ,
কাটিলাম ছুরিকায় জীবনবন্ধন ।
শাণিত ছুরিকা দিয়া হৃন্দর গ্রীবায়,
ছিন্ন স্বর্ণলতা আহা ! হইল পতন ।
নিঃসৃত শোণিতস্রোত, পড়িয়া শিখায়,
গৃহদীপ, প্রাণদীপ নিবিল তখন ।

বিধবা কামিনী ।

[২ লি কাতা—১৮৬৪]

১

আসিয়াছি দেশান্তরে ছাড়িয়া তোমায়,
তথাপিও পুড়িতেছে এ শোড়া পরাণ ।
কাদিছে নয়ন, কিন্তু নয়নধারায়
মনের অনল মম হয় না নির্বাণ ।

২

তুলিব না এ কমল ছিল যদি মনে,
শ্রেমসরোবরে কেন দিলাম সঁতার ?
কেন সহি এত জ্বালা বিরহদংশনে ?
কেন ছিঁড়িলাম আহা ! মৃণাল তাহার ?

৩

কে জানে চঞ্চল এত মানুষের মন !
দেখিতে দেখিতে হয় পরেতে মগন ।
নাহি মানে পাত্রাপাত্র, অবস্থা কেমন,
ফুলমালা-জমে করে ভুজঙ্গ গ্রহণ ।

৪

কে জানে মানস-বৃত্তি এত ছুনিবার,
বুঝাইলে তবু নাহি বুঝে পাপ মন ?

গোপনে, অজ্ঞাত, ছুঁক করে অত্যাচার,
ইচ্ছার বিরুদ্ধে পাপ করে আচরণ ?

৫

ইচ্ছা হয় গত কথা হই বিন্মরণ,
সঁপি অনুতাপানলে বিগত বাসনা ।
তবু স্মৃতি চিত্রপটে চিত্রিছে এখন,
যেই দৃষ্টি অনিবার বাড়ায় যন্ত্রণা ।

৬

এখনও দেখি যেন নয়নের কাছে,
দীনভাবে, স্নান মুখে, বসিয়া ছুঃখিনী ।
ভাবিতেছে এ সংসারে কার ভাবে বাঁচে,
নীরবে বিরলে বসি, কাঁদে অনাধিনী ।

৭

অশ্রুজলে ছল ছল নয়নের তারা,—
অকালে শিশিরে কেন সিক্ত কমলিনী ?
নীলোৎপল হতে ঝরে মুকুতার ধারা,
কাহার লাগিয়া আহা ! দিবস-যামিনী ?

৮

মলিন বদন আহা ! মলিন বসন,
মলিন রূপের আভা মলিন বরণ,

চন্দ্রমুখ হইয়াছে কালীর বরণ,
এতই নিষ্ঠুর কি হে বিধাতার মন ।

৯

দেবের ছলভ এই কুসুম রতন,
মুনির মানস টলে ধরিতে গলায় ।
দিন দিন বিমলিন শুকায় এখন,—
পশেছে অন্তরে কীট কে রাখে ইহায় ?

১০

অরণ্য-কুসুম-প্রায় ফুটিয়া কুস্থলে,
সৌরভে পূরেছে দেশ যৌবনের ভরে ;
নাহি অলি আর কেবা বিরাজিবে দলে,
অলি বিনা কমলের কে আদর করে ?

১১

নিশ্বাস মনের ভাব করিছে প্রকাশ,
কি ভাব সে ছুঃখো বিনা কে বলিতে পারে ?
বহিছে সঘনে যেন নিদাঘবাতাস,
পুড়িয়া বাঁধুলৌদল,—ধিক বিধাতারে !

১২

নিরাশার কাল মূর্তি স্থাপিয়া অন্তরে,
অশ্রুজলে প্রক্ষালিছে তাহার চরণ ।

সংসারের সুখ যত প্রদানে ছু করে,
অবশেষে দিবে বৃষ্টি আহুতি জীবন ।

১৩

মুকুতা-ঘোবন-হার দিয়ে তার গলে,
বলিতেছে—এস নাথ ! এস প্রাণপতি !
নিশ্চয় জীবন যদি যাইবে বিফলে;
তোমাকেই এই বেলা দিব প্রেমারতি ।

১৪

দেশাচার রাক্ষসীর বিকট দর্শন,
দেখিয়া ভয়েতে কঁপু কহিছে কাঁদিয়া—
“নাহি কি সুহৃদ হেন এ তিন ভুবন,
বাঁচাইতে অভাগীরে রাক্ষসী নাশিয়া ।”

১৫

এখনও দেখি যেন কাতর নয়নে,
দুঃখিনী চাহিয়া আছে এ দুঃখীর পানে ।
কথা নাহি মুখে, কিন্তু যুগল নয়নে
বলিছে, লজ্জায় যাহা মুখে নাহি আনে ।

১৬

নিষ্ঠুর আশ্রয় প্রিয়ে ! ভেবো নাকো মনে ।
ভেবেছ কি দেখি তব সজল নয়ন,

কাঁদি নাহি বিরলেতে ভাবি মনে মনে ?
এমত পাষণ নহে পুরুষের মন ।

১৭

তব চারু চন্দ্রানন দেখেছি যে দিন,
সেই দিন হতে মন আপনার নয় ;
অস্তরের ভাব যত হয়েছে নবীন,
নবীন ভাবেতে দেখি ধরাতলময় ।

১৮

কি নিশীথে, কি দিবসে, আলোকে আঁধারে,
তব প্রেমময়ী মূর্তি করি দরশন ;
সদা দেখি ভাসিতেছে নয়ন আসারে,
শশিঝুখে হাসি তব দেখি না কখন ।

১৯

বাম করে বাম গণ্ড করিয়া স্থাপন,
ভাবিতেছে এক মনে অবনত মুখ ;
অশ্রুপাতে করিতেছ ধরা বিদারণ,
পশিবে তাহাতে বুঝি নিবারিতে দুঃখ ।

২০

অমনি কাতর ভাবে হৃদি ছু নয়ন,
মনে করি, হবে তাতে অন্তর অন্তর ;

না বুঝি মনের তবু প্রবৃত্তি কেমন,
সেই চিত্র স্মৃতিপটে দেখায় সত্বর ।

২১

সরে না বচন আহা ! কি বলিব আর ?
কবি নহি মনোভাব চিত্রির কথায় ,
নাহি সাধ্য খুলি এই হৃদয়ের দ্বার,
দেখাই কেমনে তুমি বিরাজ তথায় ।

২২

ভুলেছি কি সেই বাণী শ্রবণমোহিনী,
বহিত মলয় যায় অনুরাগভরে,
তুচ্ছ করি কোকিলের স্তমধুর ধ্বনি ?
হইত যাহার লয়, এ মুগ্ধ অন্তরে ?

২৩

এখনও বোধ হয় শুনি এ শ্রবণে,
রক্ততসন্তবা ধ্বনি, অমৃত সমান,
কহিছে করুণ স্বরে, গলিত বচনে,—
“হে নির্দয় এতই কি হৃদয় পাষণ” ।

২৪

নহি আমি অভাগিনি ! নির্দয়হৃদয় ।
পাষণহৃদয় যদি জেনেছ আমায়,

গলিয়াছে সে হৃদয়, দেখ এসময়,
তব মূর্তি রহিয়াছে অক্ষিত তথায় ।

২৫

দ্রবিয়া পাষণ দেখ, নয়নের পথে,
ঝরিতেছে অনিবার যুগল ধারায় ;
জলে যদি তব জ্বালা নিবে কোন মতে,
এস তবে, দিব প্রাণ বাঁচাতে তোমায় ।

২৬

নিরাশ্রয় অবলার জীবনের তরী,
পড়ে দেশাচার ঝড়ে নিরাশা-মাগরে,
বিনা কর্ণধার আছা ! বাঁচিবে কি করি,
নিশ্চয় ডুবিবে পূর্ণ-যৌবনের ভরে ।

২৭

ইচ্ছাইয় এই দণ্ডে ঝাপ দিতে জলে,
বাঁচাইতে প্রাণপণে করিয়া যতন ;
কিস্তি মিথ্যা এই ঝড়ে পড়িলে অতলে,
কার্যসিদ্ধ না হইবে, যাইবে জীবন ।

২৮

হা নাথ ! তবে কি বালা ছুঃখপারাবারে,
অসহায় অনাধিনী হইবে মগন ?

হেন সাধু নাহি কি-যে নিস্তারে ইহারে ?
নয়নের শত ধারা করে বিমোচন ?

২৯

আর কত দিন আহা ! আর্ধ্য-স্মৃতিগণ,
ভুলিয়া থাকিবে পাপ-মোহের ছলনে ?
কত দিন দেশাচার দুর্লভ্য বন্ধন,
পবিত্র মানিয়া তারা রাখিবে যতনে ?

৩০

ইচ্ছা করে একেবারে জ্ঞান অসি ধরি,
দাসত্ব-শৃঙ্খল একা করে বিমোচন ;
কিন্তু আমি অসহায়, তাহে শত অরি,
একেশ্বর কে কোথায় জিনিয়াছে রণ ?

৩১

তবে কি হইবে আর নিশীথ সময়ে
ভাসিয়ে নয়নজলে কপোল, হৃদয় ?
কি কায করিয়া মন পরদুঃখময় ?
কার্য্যে যাহা পরিণত হইবার নয় ?

৩২

তবে অগ্নি অনাথিনি ! সতৃষ্ণ নয়নে,
কৃতপ্নের পানে মিছে চাহিও না আর ;

পরস্পর রাখিও না, রাখিব না মনে,
হবে না আমার তুমি, হব না তোমার ।

৩৩

প্রদোষ সময়ে তুমি দেখিবে না আর,
দাঁড়াইতে সেতুপাশে চিন্তিত অন্তরে,—
নিশ্বাসে অনলকণা করিতে বিস্তার,
নিরখিতে তব মূর্তি জলের উপরে ।

৩৪

বাড়াইতে নদীত্ৰোত নয়নধারায়,
দেখিবে না; শুনিবে না কহিতে ধাতারে,—
“দীননাথ ! পতিহীনা, লীনা, নিরুপায়,
বারেক করুণা নেত্রে দেখ অবলারে” ।

৩৫

কিন্মা তরুতলে স্থির পুতলিকাপ্রায়,
নবীন তপস্বী তব দেখিবে না আর;
কহিতে মনের ভাব জীবনসথায়,
অথবা ভাবিতে—“কিবা বিধি বিধাতার !”

৩৬

কিন্মা বসি তব পাশে তাপিত হৃদয়ে,
লিখিতে মনের ভাব, দেখিবে না আর ;

চাহিতে তোমার পানে সময়ে সময়ে,
ভাসিতে নয়নজলে, দেখিবে না আর ।

৩৭

কিন্তু মিছে ভূত ভাব করিয়া স্মরণ,
নিস্তেজ অনল কেন করি উদ্দীপন ।
যা দেখেছ, যা শুনেছ, হও বিস্মরণ;—
ফুরাইল, যবনিকা এখানে পতন ।

৩৮

যাই এবে—

বিধাতার বিড়ম্বনে মিলিলু ছুজনে,
বিধাতার বিড়ম্বনে বিচ্ছেদ আবার ;
কাঁদাইতে অজানিত বন্ধু দুই জনে,
নিদারুণ বিধি বিনে এ কুবিধি কার ।

৩৯

কেঁদেছি কাঁদিব আহা ! যাবত জীবন,
তব কথা যখনই হইবে স্মরণ;
কিন্তু তুমি দেখিবে না আর সে রোদন,
সে অশ্রুতে তব অশ্রু হবে না পতন ।

৪০

স্বপনেও জানি নাই দৈবাত মিলনে,
ফুটিবে কণ্টক তব কোমল হৃদয়ে ;

ফুটে থাকে যদি, তবে সঙ্করণ মনে,
ক্ষমিও, ক্ষমিব নিজে পাপিষ্ঠ নির্দয়।

৪১

জানি আমি অগ্নি মুক্কে ! দুরাশার লতা,
কুস্কণে মানসক্ষেত্রে করেছ রোপণ;
বিষময় ফল তাহে ফলিবে সর্বথা,
জীবনের সুখ যত হবে বিসর্জন।

৪২

দোষী আমি ; প্রায়শ্চিত্ত করিব স্বীকার।
একাকী যুক্তিব আমি ত্যজিব না রণ;
যদবধি হইবে না হত দেশাচার,
ভাসিব নয়ন জলে উষার মতম।

৪৩

যাই তবে—কিন্তু আহা ! রহ এক পল,
দেখিব বারেক স্নান বদন তোমার;
দেখিব শিশিরসিক্ত বিকচ কমল,
বারেক দেখিয়া পুনঃ দেখিব না আর।

৪৪

যাও তুমি হৈ স্তভগে ! হৃদয় ছাড়িয়া,
অভাগার এ যাতনা বাড়ায়ো না আর;

জন্মেছ কাঁদিতে তুমি মরিবে কাঁদিয়া
আমা হতে শশিমুখি ! হবে না উদ্ধার ।

৪৫

আলো স্মৃতি ! আর কেন ? নয়ন-আসারে,
প্রেমের স্রবণ রঙে, চিত্রেছ যে ছবি,
অতল বিস্মৃতি-জলে ডুবাও তাহারে,—
দেখিব না আর তারে সাক্ষী শশী রবি !

৪৬

আর কেন অনুতাপ গুধিনীর প্রায়,
খাইছে অন্তর মম মানে না বারণ ?
কিসে নাথ ! পাপিষ্ঠের এ জ্বালা যুড়ায় ?
“যুড়াইবে”, কবি কহে “হও বিস্মরণ” ।

চট্টগ্রামের সৌভাগ্য ।

(“কন্ভোকেশন” ধর্শনানন্তর)

১

উঠ উঠ জন্ম ভূমি উঠ এক বার !
বসি অবনত মুখে, মজিয়া মনের দুখে,
বিরস বদনে মাতা কেঁদো না কো আর ।
কি ছুঃখে কাঁদিছ এত বল না আমায়,—
তব মুখ দেখি, বুক বিদরিয়া যায় ।

২

বিগলিত অশ্রুধারা কর সম্মরণ;
মাথা তোল জন্ম ভূমি, বল মা ! আমায় ভূমি,
এমন মলিন বেশ কিসের কারণ ?
মা ! তোমার অশ্রুবারি ঝরি অনিবার,
বহিতেছে “কর্ণফুলী” শ্রোত দুর্নিবার ।

৩

সৌভাগ্যের সিংহাসনে প্রফুল্ল বদনে,
সহোদরা ভগ্নীগণ, বিরাজিছে অনুক্ষণ,
নিরখিয়া ব্যথা কি গো জনমিল মনে ?
রমণী-স্বলভ ঈর্ষ্যা প্রচণ্ড তপন,
তাহাতে কি মা ! তোমার দহিছে জীবন ?

৪

কিন্মা হেরি সভ্যতার বিমল কিরণে,
হাসিতেছে ভগ্নীগণে;— যেমন কুমুদ বনে,
হাসে ফুল্ল কুমুদিনী কোমুদী-মিলনে,—
পর্বত বাঁধিয়া বুকে হইলে মগন,
বঙ্গ পারাবারে কি গো ত্যজিতে জীবন ?

৫

উঠ মাতঃ ! চেয়ে দেখ মেলিয়া নয়ন,
সৌভাগ্যের দিনমণি চেয়ে দেখ মা জননি !
উজ্জ্বল করেছে তব শ্যামল বরণ ।
ওই দেখ গিরিশৃঙ্গ নয়ন-রঞ্জন,
কনককিরীটে মরি ! শোভিছে কেমন ।

৬

প্রথর কিরণরাশি করিতে দর্শন,
তেজে যদি বরাননে ! ধাঁধা লাগে ছু নয়নে,
প্রতিবিন্দু সাগরেতে কর বিলোকন ।
কি দুঃখে পর্বত বুকে কাঁদিছ জননি,
পোহাইল দেখ তব বিষাদ-রজনী ।

৭

এত দিনে আশা তব হল ফলবতী,
ভয়ানক সংস্কার, হইবেক ছারখার,

অজ্ঞান-তিমির নাহি পাইবে বসতি ;
ধর্মের আলোকে আলো হইবেক দেশ,
অন্তরে বাহিরে হবে সুখের আবেশ ।

৮

জননি ! সমস্ত বসে, তব যশঃধ্বনি
হইতেছে প্রতিশ্রুতি, তুমি কেন মনোদুখে,
কাদিতেছ একাকিনী দ্বিবসরজনী ।
জনরবে শত মুখে তব গুণ কয়,
বিশ্ববিদ্যালয় ঘোষে মা ! তোমার জয় ।

৯

কুসুমমুকুট যাছা রচিয়া যতনে
বিশ্ববিদ্যালয়-দেবী, ভারতীচরণ সেবি,
অর্পিবেন এইবার শ্বেত বরাননে;
সর্বোপরে তাহে দেখ শোভে নিরমল,
মা ! তোমার প্রিয়তম “প্রসূন যুগল” । *

১০

যেমতি অদৃশ্য লক্ষ্য বিঁধি পার্থ বীর,
লভিয়া দ্রৌপদী সতী, আনন্দেতে মহামতি,

* শ্রীযুত অখিলচন্দ্র সেন চট্টগ্রামের প্রথম এম, এ,
বি, এল, এবং জগদ্বন্ধু দত্ত আর চন্দ্রকুমার রায়
১৮৬৮ সনের বি, এ, পরীক্ষাতে প্রথম ও দ্বিতীয়
হইয়াছিলেন ।

ভেটিলেন পঞ্চ জন চরণ কুস্তীর ;
তেমতি কুমারতর লক্ষ্য সিদ্ধি করি,
আসিছেন সঙ্গে লয়ে কীর্তি সহচরী ।

১১

এস দাদা !—মা ! তোমার প্রাণের “অধিন”
আসিছেন দেখ চেয়ে, উন্নতির ধ্বজা লয়ে,
যশের সৌরভ তাঁর বহিছে অনিল ।
কোলে তুলে লও তব প্রাণের কুমার,
যোড়করে মাগ্ন্যমাতা কল্যাণ তাঁহার ।

১২

ভগীরথ ভাগীরথী এনে ধরাতলে,
উদ্ধারিল পিতৃগণে জাহ্নবীর পঙ্কশনে,
তেমতি এ পুত্রে তব তনয়বৎসলে !
বিদ্যার বিমল-শ্রোত এনেছেন যবে,
অজ্ঞান-পঙ্কিল দেহ তব নাহি রবে ।

১৩

জান না কি অগ্নি মাত ! তব এ কুমার
সাহসে করিয়া ভর, লজ্জি বঙ্গ-রত্নাকর,
উন্নতির সূত্রপাত করেম তোমার ?
ছায়ারূপে তাঁর সঙ্গে যশের বসতি,
কপালে কমলা তাঁর কণ্ঠে সরস্বতী ।

১৪

এস দাদা ! প্রীতি সহ নমে দীন জন,
 এস হে দেশের তারা, তোমার আশ্রিত যারা,
 সম্ভাষ সকলে করি স্নেহ বিতরণ।
 হৃদয়ে দয়ার ঔৎস করিয়া স্থাপন,
 দীনের দীনতা-তাপ কর বিমোচন।

১৫

মাশিয়া তিমিররাশি অরুণ যেমন,
 প্রকাশিলে পথ, রবি ধরিয়া ভীষণ ছবি,
 আসেন আলোকে পূর্ণ করিতে ভুবন,
 তেমতি এ পুত্রে, পথ হইলে মোচন,
 পশ্চাতে আসিছে দেখ, যুগল তপন।

১৬

আইস “জগতবন্ধু” দেশের গৌরব,
 এস “চন্দ্র” প্রিয় ভাই, আনন্দের সীমা নাই,
 ছুঃখিনী মায়ের তোরা অমূল্য বিভব।
 দশ দিক উজ্জলিয়া এস ভ্রাতৃগণ,
 নিরখিয়া যুড়াউক মায়ের জীবন।

১৭

নেত্র যদি থাকে তবে দেখ মা ! খুলিয়া,

যেই দুই জ্যোতির্মান, হৃদয়ে বিরাজমান,

প্রীতিবিস্ফারিত নেত্রে আছে নিরখিয়া,
মা তোমার পানে,—আহা ! দেখ এক বার,
শত শত দুঃখ মাতা ঘুচিবে তোমার ।

১৮

ওই শুন ! অতিক্রমি বঙ্গ পারাবার,
তাহাদের যশোধ্বনি, আসিছে গো মা জননি !
শুনিয়া পবিত্র হবে শ্রবণ তোমার ।
অনন্ত সাগর গায় তাহাদের জয়,
কিবা গিরি, কি গংহ্বর, প্রতিধ্বনিময় ।

১৯

এস এস ভ্রাতৃগণ ! প্রসারিয়া কর,
তোদের দুঃখিনী মায়, রয়েছে চাতক প্রায়,
তোদের করিয়া কোলে যুড়াতে অন্তর ।
শৈশব স্মৃতি আমি, করহ গ্রহণ
অভাগার প্রীতিপূর্ণ স্নেহসস্তাষণ ।

২০

ভ্রাতৃগণ ! আজি অতি সুখের সময় !
মনে বড় সাধ আছে, বসি তোমাদের কাছে,
গুটি কত মনকথা খুলিয়া হৃদয়,
শুনাইব, রেখো মনে যদি মনে লয়,—
বিমলআনন্দ-রসে ভিজিছে হৃদয় ।

২১

কথা এই—

ঈশ্বরের কৃপাবলে সহোদরগণ !
 পূরিয়াছে মনোরথ, পরিষ্কার আশাপথ,
 জ্ঞানের আলোকে পূর্ণ মনের নয়ন,
 এ সময়ে এক বার কর নিরীক্ষণ,
 জন্মভূমি দুঃখিনীর অবস্থা কেমন ।

২২

এই দেখ এই খানে শত ভয়ীগণ,
 বিরহ-বিধুর কায়, শুষ্ক স্বর্ণলতা প্রায়,
 পতিহীনা, অতি দোনা করিছে রোদন ।
 দেখি তাহাদের অশ্রু শুনি হাহাকার,
 পাষণ ছদয় কার না হয় বিদার ।

২৩

শত শত নবজাত কোমল কুমার,
 বিধবা জননীগণ, পাষণে বাঁধিয়া মন,
 লোক অপবাদকুণ্ডে করি পরিহার
 দয়া, ধর্ম, মাতৃস্নেহ—নিষ্ঠুর এমন,—
 অনায়াসে বাচ্চাদের বধিছে জীবন !

২৪

আবার এ দিকে দেখ কুলনারীগণ,
অজ্ঞান-তামসকূপে, নৃশংস পশুর রূপে,
ডুবিয়া অবলা আহা ! যাবত জীবন,
কামিনী-কোমল-কর অমৃত-সদন,
সে করে করেছে স্বীয় স্বামীর নিধন ।

২৫

কুৎসিত উদ্ধাহ-দোষে শতেক যুবতী,
মুকুতায়োবনধন, করিয়াছে সমর্পণ
অযোগ্য পাত্রের করে,—নিষ্ঠুর নিয়তি !
পবিত্র উদ্ধাহসূত্র হয়েছে এখন,
অর্থগ্রাহীপিতৃদোষে বিষের বন্ধন ।

২৬

বিষময়ী স্ত্রী সখে ! কি বলিব হায় !
ভীষণ প্রবাহ প্রায়, দিন দিন বেড়ে যায়,
বিদারিয়া জন্ম ভূমি বিস্তারিয়া কায় ।
তটস্থ শৈলের ন্যায় কত পরিবার,
সবাক্ষবে পড়ে তাহে হলো ছারখার ।

২৭

ভয়ানক তাস্ত্রিকতা ! তুই পাপিয়সী,
কাল জলধর প্রায়, প্রসারিয়া ভীম কায়,

আবরিবি কত কাল সত্য ধর্মশশী ?
যত দিন এ রাক্ষসী না হবে নিধন,
কার সাধ্য সুরা-শ্রোত করে নিবারণ ।

২৮

দরিদ্রতা দাবানল ভীম-দরশন—
এ পাপ অনলে জ্বলি, জননী'র আশাকলি,
শুকাইল কত শত, দেখ ভাতৃগণ ;
অর্থ-অপ্রতুলে কত দীন বাছাধন,
অজ্ঞান-আধারে বসি কাটিছে জীবন ।

২৯

ভাতৃগণ ! ইহাদের কি হবে উপায়,
কেমনে অভাগাগণ, বিদ্যার বিনোদ বন,
অবস্থা-শৃঙ্খল-ছিড়ি প্রবেশিবে হায় !
দয়ার দক্ষিণ হস্ত করিয়া বিস্তার,
তোমাদের সঙ্গে কর তাদের উদ্ধার ।

৩০

বিধবার অশ্রুধারা কর বিমোচন,
ধর্মবলে তিন জন, করিয়া ভীষণ রণ,
দেশাচার রাক্ষসীর বধিলে জীবন,
কামিনীহৃদয় হবে জ্ঞানে আলোকিত,
সত্যের জ্যোতিতে হবে দেশ পুলকিত ।

৩১

ঈশ্বরের পুত্র তোরা কারে তবে উর,
সাজ সাজ ভ্রাতৃগণ ! কর কর কর রণ,
উঠুক সত্যের ধ্বজা গগণ উপর ।
এ হেন সংগ্রামে যদি হারাও জীবন,
পূর্ণ আলোকেতে সখে ! পশিবে তখন ।

৩২

কি ভয় কি উয় তবে কি ভয় মানবে,
কি ভয় হারাতে প্রাণ, স্বদেশের পরিত্রাণ,
থাকে যদি পুরস্কার ? কি কায বিভবে ?
কি কায সংসারে যশে ? ত্যজিব সকল,
কি ভয় নশ্বরে ? আমি ঈশ্বরে সবল ।

৩৩

আহা !—

কল্লনার শৃঙ্গোপরি বসিয়া এখানে,
অকস্মাৎ মনে লয়, অভিনব শোভাময়,
দেখিতেছি জন্মভূমি । বিবিধ বিধানে
সাজিয়াছে গিরিচয়, এ আর কেমন,
এমন অপূর্ব শোভা দেখিনি কখন ।

৩৪

বিধবার দেখিতেছি প্রফুল্ল বদন,
 কামিনী বিদ্যায় রত, দরিদ্র-সন্তান যত,
 পরেছে গলায় বিদ্যা অমূল্য-রতন।
 শিহরে শরীর মম হয়ে পুলকিত,
 সূদূর সমাজে শুনি ব্রহ্মের সঙ্গীত।

৩৫

ভুলিয়াছি আমি কি হে মায়ার স্বপনে ?
 অথবা ভবিতব্যতা, দূর ভবিষ্যত কথা,
 কি হইবে, কি না হবে, বলিব কেমনে ?
 নহে কিছু অসম্ভব ফলিবে স্বপন,
 বিশ্ববিদ্যালয়-বৃক্ষে ফলেছে যেমন।

ভগ্নাশ বিদেশী ।

পোহাইল বিভাবরী ; প্রকৃতি সুন্দরী
 ধরেছেন কিবা বেশ, চিত্তমুগ্ধকরী !
 পুলকে বিহঙ্গকুল বসিয়া কুলায়,
 সঙ্গীত সুধায় মরি । জগৎ জাগায় ।
 ভাসিছেন বসুন্ধরা আনন্দ-সাগরে,
 কেবল অভাগা কেন বিষন্ন অন্তরে ?
 নিশিশেষে কেন এত বাড়িল যাতনা ?
 কেন বহে অশ্রুধারা, বল না কল্পনা ?
 বৎসরেক যে বাসনা জাগিত অন্তরে,
 কাঁদিতাম, হাসিতাম, যাহা মনে করে,
 সে আশা-কুসুমকলি শুকায়ে এবার,
 ঝরিল দীনতা-তাপে কে রাখিবে আর ?
 কি সে আশা, কি বাসনা, বলিব কাহারে ?
 অভাগার মত দুঃখী কে আছে মংসারে ?
 জননীবিরহে যার দহিছে হৃদয়,
 জন্ম ভূমি । নিদারুণ পাপিষ্ঠ নির্দয়,
 যদি কেহ থাকে আহা ! আমার মতন,
 সে বুঝিবে অভাগার যন্ত্রণা কেমন ।

আশা ছিল অয়ি মাতঃ ! বৎসর অন্তরে,
 প্রতিবিন্দু নিরখিব দুর্লভ্য সাগরে ।
 মোহন শ্যামল মূর্তি নয়নরঞ্জন,
 নিরখিয়া যুড়াইব তাপিত জীবন ।
 বসি তব প্রেমকোড়ে ধরিয়া গলায়,
 কাতর করুণ স্বরে বলিব তোমায়
 দুঃখের কাহিনী যত ; নয়ন-আসারে
 চিত্র করি দেখাইব সকলি তোমারে ।
 খুলিয়া হৃদয় এই দুঃখের সদন,
 দেখাব ভাগ্যের অস্ত্রে অঙ্কিত কেমন ।
 সাধ ছিল, আশাফুল ফুটিবে যখন,
 তব রাঙা পায়ে সব করিব বর্ষণ ।
 সৌভাগ্যের স্মৃদুল কিরণ বিহনে,
 শুকায়েছে সব আশা ! বাঁচিবে কেমনে ?
 বিধিছে হৃদয় এবে কণ্টকের প্রায়,
 দ্বিগুণ বাড়িছে দুঃখ তাদের জ্বালায় ।
 স্মৃতিপটে যেই সব প্রতিমা হৃন্দর—
 ভেবেছিছু একবার যুড়াব অন্তর,
 নিরখিয়া সেই সব নয়নের কাছে,—
 এত দুঃখ সহে তারা বেঁচে কি না আছে ?
 বলনা জননি ! তুমি বল না আমায় ?

কেমনে মা অভাগিনী দিবস কাটায় ?
 স্নান শিশুগণ স্বর্ণলতা প্রায়,
 বেঁচে আছে এত দিন কাহার ছায়ায় ?
 কুসুমযৌবনা ধনী বল না কেমনে
 কাঁদিতেছে একাকিনী পতির বিহনে ?
 কেমনে মলিন বেশে রক্তনশালায়,
 নিশ্বাসে অনলতাপ দ্বিগুণ বাড়ায় ?
 বিরহ-উত্তপ্ত অশ্রু ঝরি অনিবার,
 শুকায়েছে বুঝি যুগ্ম কপোল তাহার ?
 নিরাশ-ভুজঙ্গ তার পশিয়া অন্তরে,
 থাইছে হৃদয় বালা বাঁচিবে কি করে ?
 আঁধার আলয়ে বসি দীনা-হীনা বেশে,
 সেও কি আমার মত কাঁদে নিশিশেষে ?
 যে একটি তারা ছিল হৃদয় আকাশে,
 বিপদে আচ্ছন্ন দেখি মরিছে হতাশে ।
 সহজে অবলাজাতি কোমলহৃদয়,
 এত জ্বালা, কিসে বালা, অনিবার সয় ?
 এত নিদারুণ কিহে বিধাতার মন ?
 কোমল কলিকা করে অনলে দাহন ?
 অয়ি স্মৃতি ! আর কেন ? মুদ হু নয়ন,
 হৃদয় ! এখানে তুমি হও বিদারণ ।

আর কেন—

জীবনের সব সাধ ঘুচেছে আমার,
কালি যেন নাহি দেখি দিবস আবার ।

আকাঙ্ক্ষা ।

কোমল প্রণয়-বৃন্তে, কুসুম-যৌবনে,
ফুটিয়াছে যেই ফুল সাধ ছিল মনে,
নিরখিয়া যুড়াইব তৃষিত নয়ন,—
দেখিয়াছি, কিন্তু আশা হলো না পূরণ ।
নাহি জানি কি কৌশলে বিধি বিচক্ষণ,
সৃজিলেন তব সেই চারু চন্দ্রানন;
নয়ন ভরিয়া যত করি নিরীক্ষণ,
ইচ্ছা হয় আর বার করি দরশন ।
কিন্তু মিছে আশা হয় ! সরলে তোমার,
দেখিব কি প্রেমফুল্ল বদন আবার ?
আবার কি আশামত্ত নয়ন যুগল,
নিরখিবে প্রিয়ে ! তব নেত্রনীলোৎপল ?
অভাগার ক্রোড়ে গণ্ড করিয়া স্থাপন,
স্মৃতিবিকসিত নেত্রে করি নিরীক্ষণ,

প্রেমবিগলিত স্বরে বলিবে কি আর,
 মধুমাখা কথাগুলি শ্রবণে আমার ?
 বীণা-বিনিন্দিত ধ্বনি করিয়া শ্রবণ,
 নিবিবে কি দুঃখানল, যুড়াবে জীবন ?
 এই রূপ কত আশা নক্ষত্র যেমন,
 ফুটিবে নিশীথে হবে দিবসে নিধন ।
 সে সকল সুখ আহা ! কপালে আমার,
 ফলিবে না এই জন্মে ; তবে কেন আর,
 চিত্র করি এই চিত্র, ভাসি অশ্রুজলে,
 মরিয়া মনের দুঃখে বসিয়া বিরলে ?
 কেন স্মৃতি-পথে তব, প্রণয়-ভুলিতে,
 চিত্র করি তারে, যারে দেখে আচম্বিতে
 ভুলিয়াছ এত দিনে ; বল না কেমন,
 তুমি কিলো অভাগারে ভুলনি এখন ?
 মম দীন হীন মূর্তি ভাসে কিলো আর
 তব চিত্র-সরোবরে, বল এক বার ?
 স্মৃতির সাগরে প্রিয়ে ! ডুবিয়া কখন
 দেখ কি হে বিদেশীয় বন্ধু এক জন !
 দেখ কি না দেখ, কিন্তু আমি অনিবার,
 নিরখি সরলে ! তব মোহিনী আকার ।
 সুনীল উজ্জ্বল দুই নয়ন তোমার,

মানস-সরসে মম দিতেছে সাঁতার ।
 কোমল কাঞ্চনকান্তি, রূপের কিরণ,
 হাসিছে আলোকি মম হৃদয়-গগণ ।
 যুকুতার হারে গাঁথা অধর যুগল,
 সুন্দর গোলাপি রসে করে টলমল ।
 মধুর তরল হাসি সতত তথায়
 বিরাজিছে যেন স্থির বিজলীর প্রায় ।
 এখনও দেখি যেন ধরিয়া গলায়,
 প্রেমভরে কত কথা কহিছ আমায় ।
 ছলিছে সৌন্দর্য্য তব, স্মৃতির গলায়,
 দোলে যথা নব লতা সহকার গায় ।
 কিন্তু আহা ! সে সকল করিয়া স্মরণ,
 নিস্তেজ অনল কেন করি উদ্বোধন ?
 এক দিনতরে মাত্র দেখিয়াছি যারে,
 খুলিয়া হৃদয়দ্বার, কি ফল তাহারে,
 শুনাইয়া অভাগার মনের বেদন ?
 সে আমার দুঃখে দুঃখী হবে কি কখন ?
 যাই প্রিয়ে ! যত দিন থাকিবে জীবন,
 প্রণয়-কমলাসনে করিয়া স্থাপন,
 রাখিব তোমারে সখি ! হৃদয়ে আমার,—
 দুঃখী আমি, আর কিবা দিব পুরস্কার ?

প্রেম-বিকাশিত নেত্রে দেখেছ যখন,
হৃদয় তখন আমি করেছি অর্পণ ।
মন প্রাণ অভাগার করিয়া হরণ
সুখে থাক বিধুমুখি ! বিদায় এখন ।
তুলিয়া কমলমুখ দেখ, এক বার,
মনে রেখো দুঃখী বলে বিদায় আবার !

প্রীতি-উপহার ।

(কোন বন্ধুর বিবাহ উপলক্ষে ।)

সংসার সংসার নহে মরুভূমি প্রায়,
যতদিন প্রেমে তার শোভা না বাড়ায় ।
এত দিন এ অরণ্যে করিয়া ভ্রমণ,
স্থানে স্থানে মরীচিকা করি দরশন,
বেড়ে ছিল তৃষ্ণা তব—সুখের কারণ—
যুড়াও, পেয়েছ এবে অমৃত-সদন ।
বিরহ-আধার-নিশি ঘুচিল এখন,
প্রেমপূর্ণ শশধর কর দরশন ।
প্রণয়-কৌমুদীময় হলে চরাচর,
সকল প্রকৃতি তুমি দেখিবে সুন্দর ।

আশার স্বপনে ভুলি বলো না কখন,
 দুঃখের আবহ শুধু মানব-জীবন ।
 উদ্বাহ-বন্ধন-সূক্ষ্ম-সূত্র বিধাতার,
 হউক তোমার পক্ষে কুস্মের হার ।
 এ বন্ধনে স্থখে বাঁধা রবে চির দিন,
 যুগল হৃদয় রেখো ঈশ্বর-অধীন ।

প্রতিমা বিসর্জন ।

যখন নিরখি তব কোমল অধর,
 বিমোহিত মন-অলি কাঁপে থর থর
 কিন্তু তারে প্রবোধিয়ে করি নিবারণ,
 কি কায সে স্থখে, যাহা দুঃখের কারণ ?
 যুগল কমল-কলি, প্রণয়-কিরণে,
 ফুটাইতে কর-ব্রহ্মে সাধ হয় মনে,
 কিন্তু পুন ভাবি যদি হৃদয়ে তোমার,
 এ পাপ পরশে হয় দুঃখের সঞ্চার ।
 এই ভয়ে মনোভাব মনেতে লুকায়,
 যথা ক্ষুদ্র বারিষিষ সাগরে মিশায় ।
 যবে তব তীক্ষ্ণতর কটাক্ষ বিষম,
 অন্তর অশ্বেষি, পদে বিধে এ মরম,

আশা-পুলকিত মন নাচে বা কখন ;
 ভয়ে ভীত করে কঁড় অশ্রু বিসর্জন ।
 তথাপিও বলি নাই তোমায় কখন,—
 কি স্থখ নিরখি তব সজল নয়ন ?
 যে অনল জ্বলিতেছে অন্তরে আমার,
 বলি নাই বটে আমি কত জ্বালা তার,
 বলিব না মনে ছিল কি করি এখন,
 পাপ কিবা প্রেম কভু থাকে না গোপন ।
 আমার অজ্ঞাতে খুলি হৃদয়ের দ্বার,
 দেখায়েছে শিখা তার, এ মন তোমার ।
 সেই আলোকেতে যদি তোমার মতন,
 দেখে থাক কোন মূর্তি হও বিস্মরণ ।
 যদি তুমি কোন কথা করেছে শ্রবণ,
 মনে কর সে কেবল নিশার স্বপন ।
 স্বরগ-সমান প্রিয়ে ! হৃদয় তোমার
 কি কায করিয়া তারে দুঃখের আধার ?
 ভাঙ্গিয়াছে আশানিদ্রা জানিয়াছি সার,
 হবে না, হবে না তুমি, হবে না আমার ।
 উদ্বাহ-বন্ধনে (কিবা বিধি বিধাতার)
 হবে না আমার তুমি, হবে না তোমার ।
 তথাপিও চিরদিন প্রণয়-নিগড়ে,

বাঁধা রব দুই জন অন্তরে অন্তরে ।
 আর কেন ? যবনিকা এখানে পতন,
 সংসারের স্তম্ভসাধে দিনু বিসর্জন ।
 যে গুপ্ত অনল জ্বলে অন্তরে এখন,
 জ্বলুক জ্বলুক দিব আহুতি জীবন ।
 যা আছে কপালে এবে ঘটুক আমার,
 তোমাকে এ পাপ তাপে দহিবে না আর ।
 আমার দুঃখের স্রোত করি বিমোচন,
 ভাসাব না তব শান্ত স্তম্ভের সদন ।
 বরঞ্চ স্তম্ভের আশা, দুঃখের জীবন,
 একেবারে এই স্রোতে দিব বিসর্জন ।
 আর কেন ? এলে মক্ষ্যা ফুটিলে বাঁধুলি,
 চাহিবে না মুগ্ধ মন সুখ আশে ভুলি ।
 নহ দোষী, নহি দোষী, সাক্ষী মনমথ ;
 এখন বিদায় হই জনমের মত ।
 কলঙ্কে না ডরিলাম যাহার লাগিয়া,
 দেশাচার হায় তারে নিল কি কাড়িয়া ?
 ছিঁড়িল বন্ধন যদি পড়িব এখন,
 যথা নদীজলে উপকূলের পতন ।
 নিরাশ-ভুজঙ্গ এবে করুক দংশন,
 সহিব অনন্ত জ্বালা যাবত জীবন ।

তবু তুমি স্থখে আছ করিলে শ্রবণ,
শব দেহে সব সবে, বিদায় এখন ।
কল্পনা-বিমল-জলে, প্রতিবিশ্বে প্রতিপলে,
যেই তারা দেখিতাম হয় !
বিশ্ব্‌তির অন্ধকারে, কেমনে লুকাই তারে,
অনুতাপ সহন না যায় ।
নিরাশার কাল ছুরি হানিলাম বুকে,
যায় যায় যাক প্রাণ কায কি এ দুখে ।

হতাশ ।

১

অকস্মাৎ কেন আজি জলধর-প্রায়,
 বিষাদে ঢাকিল মম হৃদয়-গগন ?
 দুর্বল মানসতরী, ছিল আশা ভর করি,
 চিস্তার সাগরে কেন হইল মগন ?
 দুঃখের অনলে বুঝি আবার জ্বালায় ।

২

কেন কঁাদে মন আহা ! কে দিবে বলিয়া ?
 কে জানে এ অভাগার মনের বেদন ?
 অন্তরে আছেন যিনি, কেবল জানেন তিনি,
 যে অনলে এ হৃদয় করিছে দাহন,
 কেমনে বাঁচিবে প্রাণ এ তাপ সহিয়া ?

৩

কেন কঁাদে মন আহা! ভাবি মনে মনে,
 অমনি মুদিয়া অঁাখি নিরখি হৃদয়,
 চিস্তার অনল তায়, জ্বলিতেছে চিতা প্রায়,
 দীনতা পবনবেগে প্রবাহিত হয়,
 দ্বিগুণ আগুণ জ্বলে বাঁচিব কেমনে ?

৪

অমানিশা কালে যথা শোভে নীলাম্বর
 খচিত-মুকুতাহারে, তারার মালায়,
 তেমতি এ অভাগার, হৃদয়েতে অনিবার,
 শোভিত শতেক আশা, নক্ষত্রের প্রায় ;
 আজি দেখি সকলই, হয়েছে অন্তর ।

৫

বিষাদ-জলদ-রাশি, আসি আচম্বিতে,
 ঢাকিয়াছে আশা যত, দেখা নাহি যায়,
 দরিদ্রতা ভয়ঙ্কর, পিতৃশোক তছুপর,
 কেবল জ্বলিছে ভীম দাবানল প্রায়
 তারা সাজাইবে চিতা জীয়েন্তে দহিতে ?

একটী চিন্তা ।

এস এস প্রিয় সখি কল্পনে ! আমার,
 বহুদিন করি নাই আলাপ তোমার ।
 বারেক আইস প্রিয়ে ! ভ্রমি তব সনে,
 নিরখি প্রকৃতিমূর্তি মনের নয়নে ।
 কিন্তু আহা ! কে দেখিবে আমিও যেমন,
 শোকবাস্পে পরিপূর্ণ মনের নয়ন ।
 নীরবে কাঁদিছে মন বসিয়া বিরলে,
 অন্তরবাহিনী স্রোত বহে অশ্রুজলে ।
 কত করি বুঝাইলু মানে না বারণ,
 নিজে না বুঝিলে কেবা প্রবোধিবে মন ?
 কে কবে বেঁধেছে মন ধৈর্য্যের শৃঙ্খলে ?
 বসনে কে বাঁধিয়াছে জ্বলন্ত অনলে ?
 তাহে স্মৃতি পাপিয়সী ধরিয়া দর্পণ,
 বিগত-জীবন-চিত্র করে প্রদর্শন ।
 যখন আনন্দময়ী জননীর কোলে
 নাচিতাম, হাসিতাম, আনন্দ হিল্লোলে ।
 যবে স্নখে, প্রিয়তম সঙ্গিগণ লয়ে,
 নেচে নেচে বেড়াতাম পুলক হৃদয়ে ।
 কভু তুঙ্গ শৃঙ্গে উঠি প্রফুল্লিত মনে,

দেখিতাম বিশ্বছবি সায়াহ্ন-পথনে ।
 দোলায়ে বসন্ত-লতা বহিত পবন,
 মর্ম্মরিত পত্রকুল, যুড়া'ত জীবন ।
 গাইত বিহঙ্গকুল বসিয়া আবাসে,
 গাইতাম, তোমা নাথ ! মনের উল্লাসে ।
 দেখিতাম দূর নদী রবির প্রভায়,
 জন্মভূমি-কণ্ঠমূলে স্বর্ণ-রেখা প্রায় ।
 অতি দূরে আত্মবণ, স্রোতস্বতী তটে ।
 চিত্রবৎ দেখাইত আকাশের পটে ।
 যবে রবি শোভিতেন ভূধরকুস্তলে,
 কিন্না যবে শশধর আকাশমণ্ডলে
 হাসিতেন, হাসিতাম বসি নদীকূলে,
 শিক্ককের যত জ্বালা যাইতাম ভূলে ।
 নৈশ আকাশের মূর্তি অমল সলিলে,
 দেখিতাম কাঁপিতেছে মলয় অনিলে ।
 কত শত পূর্ণ শশী এলো-থেলো হয়ে,
 বিরাজিত স্তনীলান্ব-সরিত-হৃদয়ে ।
 কল্লোলিত যবে নীল তরঙ্গিণীচয়,
 নীরবে থাকিত কি হে এ পোড়া হৃদয় ?
 তা নয়, খুলিয়া আহা ! হৃদয়ের দ্বার,
 —তুই ধারে বিগলিত অশ্রু, তুই ধার,—

গাইতাম তোমা নাথ ! মনের হরষে,
 স্মরিলে, এখনো মন গলে ভক্তিরসে ।
 হা নাথ ! সে দিন মম ফিরিবে কি আর ?
 বসিবে কি নদীকূলে অভাগা আবার ?
 এবে কাঁদিতেছি বসে দুঃখনদীকূলে,
 সে সকল সুখ আমি গিয়াছি হেঁ ডুলে ।
 সে সকল সঙ্গী নাই নিকটে আমার ;
 আসিবে কি তারা কভু নিকটে আবার ?
 কেন বা আসিবে ? আহা ! কে আসে এখন
 অভাগার দীন ভাব করিয়া স্মরণ ?
 যত দিন ধরে তরু ছায়া স্নশোভিত,
 কে না হয় ছায়া আশে তাহার আশ্রিত ?
 নিদাঘ অনলে তারে পোড়ায় যখন,
 ছায়া আশে, তার কাছে, কে করে গমন ?
 ভগ্ন উপকূল যবে হয় নিমগন,
 কে যায় বল না তারে ধরিতে তখন ?
 নাহি মম সৌভাগ্যের ছায়াপরিসর ।
 শমিপ্রায় হৃদে অগ্নি জ্বলে নিরন্তর ।
 নাহি সেই দিন মম, নাহি ধন জন,
 কে আমাদের বন্ধু বলে ডাকিবে এখন ?
 হৃদয়ের বন্ধু যারা ছিলেন আমার,

আমার হৃদয়াকাশ করিয়া আঁধার,
 অন্তপ্রায় ; নাহি আর তোমেন এখন,
 করুণ-নয়নে নাহি করেন দর্শন ।
 হেন বন্ধু নাহি মম এই ধরাতলে,
 ভাসিবে আমার দুঃখে নয়নের জলে ।
 “ভাই” বলে “দাদা” বলে ডাকিনু যে সবে,
 গিয়াছে ছাড়িয়া তারা এ জীবিত শবে ।
 ওহে স্মৃতি ! এ সকল দেখায়ো মা আর,
 কাঁদায়ে এ অভাগারে কি ফল তোমার ?
 অন্তরে রাখিয়া সব করহ যতন,
 সুদিন হইলে তারা দিবে দরশন ।
 মরিয়া মরমে, জ্বলি চিন্তার অনলে,
 যাইতাম সুখ আশে সুহৃদমণ্ডলে ;
 ভুলিতাম যত দুঃখ কথায় কথায়,
 ইথেও বিধাতা বুঝি বিমুখ আমায় ।
 আমার জীবন-পথ করিয়া উজ্জ্বল,
 যে কয়টি তারা ছিল উদ্গিত কেবল,
 দুর্ভাগ্য-জলদারূত দেখিয়া আমায়,
 লুকায়েছে সব আর দেখা নাহি যায় ।
 হা বিধাতঃ ! এতই কি ছিল তব মনে ?
 কিন্তু আহা ! তোমারে বা দূষিব কেমনে ?

সংসারের এই গতি যেখানে সেখানে,
 ছুরদৃষ্ট যার আঁহা ! কে তাহারে মানে ?
 তবে কেন করি মিছে সংসার সংসার,
 সংসারের নহি, নহে সংসার আমার ।
 হা নাথ ! দুঃখীর সখা কেহ নাহি আর,
 একই স্নহদ তুমি জানিলাম সার ।

কে বলিতে পারে ?

১

মানুষের অদৃষ্টের বিষম দুর্গমে
 প্রবেশিয়া অনায়াসে কে বলিতে পারে
 বিপদ ভুজঙ্গপ্রায়, গরলমণ্ডিত কায়
 গরজিয়া আসিতেছে হায় ! অভাগারে
 দহিতে জন্মের মত দংশিয়া মরমে ?

২

কিন্ধা অন্তরালে বসি সৌভাগ্য-সুন্দরী,
 সাজিয়া মোহিনী সাজে, ফুলমালা করে,
 আসিতেছে ধীরে ধীরে, কনকমুকুট শিরে,

বরিতে আদরে, বরে যথা স্বয়ম্বরে
সলাজে কুসুমহারে নারীকুলেশ্বরী ।

৩

কে বলিতে পারে এই জীবন-মাগরে,
কখন উঠিবে ঝড় ভীম দুর্নিবার ;
বিপদনৌলোম্বিকুল, কাঁপাইয়ে উপকূল,
উঠিবে গগনপথে, ভেদি পারাবার ;
মগনিবে দেহতরী জলধি অন্তরে ?

৪

অথবা কখন পূর্ণ সৌভাগ্যের শশী
বিরাজিবে উজ্জলিয়া জলধি-হৃদয়,
চন্দ্রের কিরণতলে, হাসিবে তরঙ্গদলে,
চুম্বিয়া শতেক চন্দ্র স্নেহস্বধাময়,
বিনাশিবে দুঃখতম হৃদয়েতে পশি ?

৫

পাঠক !—

আজি তুমি অবনীর রাজরাজেশ্বর,
আসীন হীরকময় স্বর্ণসিংহাসনে,
ভাবিতেছ মনে মনে, সামান্য অভাব সনে,
হবে না সাক্ষাৎ তব এ মর জীবনে,
—প্রণয়, বিষয়, স্নেহে প্রফুল্ল অন্তর !

৬

জানিলাম মৃত তুমি আমার মতন
 কি বিশ্বাস ভবিষ্যতে ? সম্পদে, সংসারে ?
 এই স্তূপাকার প্রায়, একটী তরঙ্গ ঘায়,
 কোথায় হইবে লয় কে বলিতে পারে ?
 রাজার ভবন হবে বিজন কানন ।

৭

কিস্বা যদি নিরাশ্রয়, দীন অসহায়,—
 কেন কাঁদিতেছ তুমি ভাসি অশ্রুণীরে ?
 এই চিন্তা-বিষধরী, এই দুঃখ-বিভাবরী,
 কত দিন রবে আর, পোহাবে অচিরে;
 দিবেন স্তুদিন, যিনি দিলেন আমায় ।

নিরাশ প্রণয় ।

১

ডুবিয়া সঙ্গীতসাগরে স্বজনি !
মজিয়া প্রণয়-পীযুষ-পানে,
লভিয়াছি সুখ দিবসরজনী,
প্রাণেশে পবিত্র প্রণয়-দানে ।

২

বাসিতাম কত ভাল প্রাণেশ্বরে,
কেমনে বলিব ? স্মরিলে মনে,
জনমে যে ব্যথা তাপিত অন্তরে,
বরে অশ্রুধারা যুগল নয়নে ।

৩

হৃদয়ের ভাব কথায় কেমনে,
প্রকাশিব বল স্বজনী-সকাশে ?
খেলে যে লহরী জলধিজীবনে,
সরসী সে লীলা কেমনে প্রকাশে ?

৪

ভালবাসা সখি সাগরের মত,
কত ভাব তাহে জনমে স্বজনি !

নহে যার মন পর-প্রাণ-গত,
কেমনে বুঝিবে সে স্ত্রী রমণী !

৫

হৃদে কখন বিলম্বে আলেয়ে,
আসিতেন যদি যামিনী-যোগে,
জাগিতাম নিশি, শঙ্কিত হৃদয়ে
হাসিতাম কভু স্বপন-সম্ভোগে ।

৬

নিদ্রাভঙ্গে, যবে পাতায় পাতায়,
শুনিতাম নিশির শিশির-পাত,
বসিতাম মানে মজিয়া শয্যায়,
ভাবিতাম বুঝি এলো প্রাণনাথ ।

৭

কপাটের পানে থাকিয়া থাকিয়া,
দেখিতাম সখি ! বঙ্কিম নয়নে ।
থেকে থেকে পুনঃ অবণ পাতিয়া,
শুনিতাম বাজে কি শব্দ অবণে ।

৮

প্রাতে সমীরণ চুম্বি পত্রদল,
বহিত স্বনিয়া স্বনিয়া অবণে,

কাঁপিত কপাট, কাঁপিত অর্গল,
ভাবিতাম নাথ এলো সদনে ।

৯

একদা এ ভাবে কাটিনু যামিনী,
বিষাদে সুদীর্ঘ, নাথবিহনে ;
নিরখিয়া উষা মধুর-হাসিনী,
বলিনু তাহারে লোহিত লোচনে ।

১০

আপনি অবলা, হায় ! একি জ্বালা,
অবলার জ্বালা তবু জান না,
কেন হেন কালে জ্যোতি প্রকাশিলা,
বাড়াইলা মম মন-বেদনা ?

১১

আর কি হৃদে আসিবে আলয়ে,
আর কি পাব রে প্রাণেশে আমার ?
নিশিযোগে আহা ! ছিনু যে আশয়ে,
নিবিল সে আশা, হৃদয় অঁধার ।

১২

ছি ছি ছি ছি উষে ! পাষণ-কামিনী,
স্বজাতি-যন্ত্রণা কেমনে সহ,

পতি-পাশে কাটে যে নারী যামিনী,
তুমি এসে তার ঘটাও বিরহ ।

১৩

অথবা তোমায় মিছে কেন বলি,
যেই সরোজিনী, ছিল বিরহিণী,
মিলাইলে অলি, না ফুটে কলি,
নিজ-কর্ম-দোষে আমি দুঃখিনী ।

১৪

নিশি হলো শেষ, উদিল দিনেশ,
জ্বলিল হৃদয়ে বিরহ-শিখা ;
স্নান কুমুদিনী এলো না প্রাণেশ,
কাঁদিল পিঞ্জরে শুক শারিকা ।

১৫

কি ভাবে স্বজনি । কাটাইলু দিন,
জানকী যেমন অশোক-বনে,
শুকাইল মুখ, হইল মলিন,
কি বিষম ব্যথা জনমিল মনে ।

১৬

চিত্রিয়া প্রাণেশে প্রণয় তুলিতে,
দেখাইলু চিত্রে বিচিত্র মান,

আবার সে ছবি চুম্বিতে চুম্বিতে,
নয়নের নীরে করাইলু স্নান ।

১৭

অপরাহ্নে সখি ! তাপিত হইয়া,
প্রবেশিলু মম প্রমোদবনে,
বহে সমীরণ স্বনিয়া স্বনিয়া,
বিকসিত-ফুল-সৌরভ সনে ।

১৮

ভ্রমিতে ভ্রমিতে সরোবরতীরে,
গেলাম স্বজনি ! মানসভ্রমে ;
দেখিলাম রবি সরসীর নীরে,
করিতেছে ক্রীড়া বিলাসবিভ্রমে ।

১৯

প্রাণেশের রূপ মনসরোবরে,
চকিতে ভাসিল ; ফিরাতে নয়ন,
দেখিস্নু অমনি মম প্রাণেশ্বরে,
তরুতলে বসে বিষাদিত মন ।

২০

নিষ্পন্দ শরীর, নয়ন স্থির,
অদৃশ্য জনে দৃষ্টি শূন্যপথে,

ঝরে ধীরে ধীরে নরনের নীর,
গত মন যেন কোথা মনোরথে ।

২১

দাঁড়ানু আড়ালে—দাঁড়াইনু পাশে—
দাঁড়াইনু সখি ! নাথের সম্মুখে—
দিনু করে কর প্রেম অভিলাষে,
তবু কথা নাহি সরিল মুখে ।

২২

এক্ বার, দু বার, সখি ! বহুবার—
“প্রাণেশ ! হৃদেশ ! নাথ ! প্রাণেশ্বর !”
ডাকিনু সলাজে হায় ! বারম্বার,
তবু চিত্ত-ভ্রম হলো না অন্তর ।

২৩

ধরিয়া গলায় চুস্বিনু অধর ;
চমকিয়া নাথ ধরিয়া হৃদয়ে,
কহিলেন সখি ! সকাতর স্বর,—
“আমাদের প্রতি বিধাতা নির্দয়,

২৪

“তব পরিণয় হইয়াছে স্থির,
মম সনে নহে” ক্ষণেক নীরব,

“বিড়ম্বনা প্রিয়ে ! দারুণ বিধির,
আজন্ম বাসনা ঘুচিল সব ।”

২৫

ঘুরিল কানন, তরু, সরোবর,
ঘুরিল রবি, পৃথিবী, আকাশ,
বাতাহত যেন ছিন্ন তরুবর,
“কি বলিলে প্রাণ ! একি সর্বনাশ ।”

২৬

বলিয়া, অমনি প্রাণেশের ক্রোড়ে,
মুচ্ছিত হইয়া পড়িলু স্বজনি ।
বাঁধা ছিল মন যেই আশা-ডোরে,
ডুবিল হৃদয় ছিঁড়িল অমনি ।

২৭

অন্ত গেল রবি জলধির জলে,
অন্ত গেল প্রেম নিরাশা-সাগরে,
সেই দিন হতে সন্ধ্যাসিনী ছলে,
করে কমণ্ডলু, পাষণ অন্তরে ।

সায়ং চিন্তা ।

১

হুশীতল সন্ধ্যানিলে জুড়াতে জীবন,
 ডুবাতে দিবস-শ্রম বিস্মৃতি-সলিলে,
 ভ্রমিতে ভ্রমিতে ধীরে, উঠিলাম গিরিশিরে,
 বাসনা, জুড়াতে স্রোতঃ-সমুদ্র অনিলে,
 কার্য্য-ক্লান্ত কলেবর, সম্ভাপিত মন ।

২

রজনীর প্রতীক্ষায় প্রকৃতি হৃন্দরী,
 ললাটে সিন্দূরবিন্দু পরিল তখন,
 রবি অন্তমিত প্রায়, সূর্য্যে মণ্ডিতকায়,
 উজলিয়া গগনের স্ননীল প্রাঙ্গণ,
 ভাসিতেছে স্থানে স্থানে রক্ত কাদম্বিনী ।

৩

রঞ্জিত আকাশতলে, নীলতরঙ্গিনী
 দেখাইছে প্রতিবিম্ব বিমল দর্পণে ;
 ভাসে তাহে মেঘগণ, কাঁপে তরু অগণন,
 নাচিছে হিল্লোলমালা মন্দ সমীরণে,
 বহিতেছে গিরিমূল চুম্বিয়া তটিনী ।

৪

মনের আনন্দে গায় বিহঙ্গনিচয়;
 সুন্দর শ্যামল মাঠে চরে গাভীগণ;
 নিরুদ্বেগে তরুতলে, তটিনীর কলকলে,
 গাইছে রাখাল শিশু মধুর গায়ন,—
 নাহি কোন চিন্তা, নাহি ভবিষ্যত ভয় ।

৫

নাহি জানে অভাগার অবস্থা কেমন !
 নেহে ভারতের ভাগ্যে বিষণ্ণ অন্তর;
 কেবা রাজা, প্রজা কেবা, নাহি জানে রাজসেবা
 নাহি জানে অধীনতা কেমন নিগড়,
 স্বাধীনতা কি রতন, ভাবে না কখন ।

৬

স্বদেশের রাজনীতি, শাসনপ্রণালী,
 কেবা রাজা, কিবা জাতি, কোথায় বসতি,
 কেমনে ভারতে পশি, দাসত্বে করিল মসি
 আৰ্য্য-সুত-বীৰ্য্য ভানু, পতঙ্গ যেমতি
 ভস্মিল যবন লক্ষ্মী কি অনল জ্বালি ।

৭

শিশুমতি এ সকল নাহি কিছু জ্ঞান,
 নাহি ভাবে কিসে হবে দেশের মঙ্গল,

বিধবাকুটুম্ব যারা, তাহাদের অশ্রুধারা ।
 নিরখিয়া কান্দে বাছা প্রণয়বৎসল ;
 কিসে দুঃখ দূর হবে চিন্তে না বিধান ।

৮

কেবা কৃষ্ণ, কেবা খৃষ্ট, কেবা রামমোহন,
 ধর্ম কার, কি প্রকার, কেন মতান্তর,
 কিছুই না ভাবে মনে, পুলকিত দরশনে
 অপূর্ব জগতশোভা অতীব মুল্লর,
 তথাপি অবোধ শিশু ধর্মের জীবন ।

৯

নাহি চাহে ধর্মনীতি ; কখন না যায়
 কেশবের সঙ্কীর্ণনে, দেবেন্দ্রসমাজে,
 করি নেত্র নিমৌলন, করি অশ্রু বরিষণ
 ডাকে না “দয়াল প্রভু”; কিম্বা দিব্য সাজে
 তুলিয়া ধর্মের ধ্বজা পথে না বেড়ায় ।

১০

ওই দেখ তরুতলে প্রফুল্ল হৃদয়ে
 গাইতেছে উচ্চৈঃস্বরে না জানে কি গায় ;
 লতা পাতা জড় করি, কভু ভাঙ্গি পুনঃ গড়ি,
 হাসিতে হাসিতে দেখ পড়িছে ধরায়,
 হয় রে শৈশবকাল স্মৃতির সময় ।

১১

চিন্তা কাল ভুজঙ্গিনী করে না দংশন ;
নিরাশ-প্রণয়-দুঃখে, দহে না জীবন ;
ছুরাকাজ্জ্বা পারাবার, বিশাল লহরী তার,
খেলে না হৃদয়ে ; আহা ! জানে না এখন,
মানব-জনম তার, দাসত্ব-জীবন ।

১২

হাস হাস হাস শিশু ! নহে দিন দূর,
সংসার-সাগরশ্যামে, বসিয়ে যখন,
বিষাদ-তরঙ্গমালা, গণিতে গণিতে কালা,
হইবে প্রফুল্ল মুখ ; জানিবে তখন,
নির্ম্মল শৈশবক্রীড়া স্নেহের স্বপন ।

১৩

আমিও ইহার মত ছিলাম নির্ম্মল,
ছিলাম পরম স্নেহে স্নেহপ্রসন্ন মনে,
আমার জীবন কলি, (দিতে স্নেহে জলাঞ্জলি)
কে ফুটা'ল, পোড়াইতে ভীম হুতাশনে ?
কে স্নেহ-সাগরে মম, মিশা'ল গরল ?

১৪

কেন বা ফুটিল মম জ্ঞানের নয়ন,
কেনই বিবেক-শক্তি হলো বিকসিত,

উথলিতে অভাগার, শোকসিন্ধু অনিবার,
নিজ হীন অবস্থায় করিতে দুঃখিত,
কেনই ভাস্কিল মম শৈশব স্বপন ।

১৫

পিঞ্জরে আবদ্ধ যেই বিহঙ্গশাবক,
যে বিধি ফুটায় তার যুগল নয়ন,
সে বিধি পাষণ-মনে, ভারত-সন্তানগণে,
দিলেন জ্ঞানের নেত্র, দেখাতে কেমন
দাসত্ব-শৃঙ্খলভার, অবস্থা-নরক ।

১৬

না জানি কি মন্ত্রে বিদ্যা করিল দীক্ষিত,
যত পড়ি ভুত বাড়ি মনের বিষাদ ;
ততই অসুখ মনে, বাড়িতেছে প্রতিক্রমে,
কেন পড়িলাম আহা ! এ কি পরমাদ !
ভাগ্যগুণে সকলি কি ঘটে বিপরীত ?

১৭

ভারতের ইতিহাস, শোকের সাগর,
কেন পড়িলাম ; আমি কেন পাইলাম
আপনার পরিচয় ; আর্য্যবংশ-কীর্তিচয়
কেন দেখিলাম, আহা ! কেন জন্মিলাম
স্বাধীন বংশেতে মোরা অধীন পামর ?

১৮

বল না ভারতভূমি বল না আমায়,
কোথায় তোমার সেই বীর পুত্রগণ ?
যাহাদের কীর্তিবলে, তব নাম ধরাতলে,
পূজ্যতম ছিল যেন অমরভবন,
সে সকল পুত্র তব বল না কেথায় ?

১৯

তাদের সন্তান কিগো আমরা সকল !
আমার দুর্বল ক্ষীণ পাপিষ্ঠ হৃদয় !
জননি ভারত-ভূমি, বীর-প্রসবিনী ভূমি,
কেমনে পুষিলে হেন ক্ষীণ জীবচয়,
শুকের কোঠরে যত সালিকের দল ?

২০

কোথায় তোমার সব দুর্লভ ভূষণ,
মুকুতা, প্রবাল, হীরা, স্বর্ণভাণ্ডার ?
কোথায় সে কহিনুর, কোথায় দরিন্দ্রানুর,
কোথায় প্রাচীরমালা, আলোক আগার,
রত্ন শিখি-রাজাসন কোথায় এখন ?

২১

কোথায় এ সব তব মোহাগের ধন ?
হরিয়েছে জেতুগণ সকল সম্বল ।

কেবল না পারে কাটি, হরিতে উর্বরা মাটি,
 আছে স্বর্ণ-প্রসূ ভূমি, আছে হিমাচল,
 তাই মানচিত্রে নাম রয়েছে এখন।

২২

সৌভাগ্যের উচ্চতম রত্নসিংহাসনে,
 বিরাজিত বীরদর্পে তব পুত্রগণ,
 আমরা অভাগাগণ, হারাইয়া সিংহাসন,
 হারাইয়া নৈসর্গিক স্বাধীনতা ধন,
 কাঁদিতেছি অনিবার বিদেশি-চরণে।

২৩

রোদনধ্বনিতে যদি বিদারি গগন,
 কাঁদে হিমাচল যদি কুমারী সহিত,
 অতিক্রমি পারাবার, আমাদের হাহাকার
 প্রতিধ্বনি করিবে না ইংলণ্ডে কখন,
 অরণ্য-রোদন তাহা হইবে নিশ্চিত।

২৪

রে বিধাতঃ !

কি দোষে ভারতভূমি দোষী ও চরণে ?
 কেন অভাগিনী সহে এতেক যন্ত্রণা,
 ভারত নিশ্বাসে ভার, দিয়ে যাও সিঙ্কুপার,
 রাণী যিনি, কহ তাঁরে এ সব যাতনা,
 কাঁদিবেন দয়াবতী ভারত-রোদনে।

অপ্রকৃত স্বপ্ন ।

বিদেশে, বিজনে, আহা ! নির্বাসিত প্রায়,
 দিবস রজনী জ্বলি' বিরহ-জ্বালায়,
 ভাসে যে অভাগা সদা নয়নধারায়,
 কল্পনা পাপিনী তা'রে প্রতারিতে, হায়,
 কতই মোহিনী মূর্তি করে প্রদর্শন,
 কতই কুহকে করে বিমোহিত মন ।
 কখন দুর্লভ্য সিন্ধু সুনীল লহরী,
 বিশাল পর্বতশ্রেণী স্বেপে পরিহরি',
 চিন্তাদগ্ধ এই চিত্র করিয়া হরণ,
 স্বদেশে, স্বজন-কাছে, করে বিচরণ
 বিরহে মলিন মম হৃদয়ের মণি,
 মাতৃপিতৃহীন ভ্রাতা, অভাগা ভগিনী,
 কেমনে কাঁদি'ছে তা'রা মা মা মা বলিয়া,
 কাতর নয়নে শূন্য গৃহ নিরখিয়া !
 একে একে সব চিত্র করি প্রদর্শন,
 একেবারে শোক-শিখা করে উদ্দীপন ।
 কখন বা ছায়া-পথে নন্দন কাননে
 ল'য়ে যায় করে ধরি', সঙ্গিনী কল্পনে ।
 পারিজাত-পরিমল, অমৃত-সিঞ্চনে,

আমোদি'ছে বহি চির বসন্ত পবনে ।
 ত্রিদিব সঙ্গীতে মোহে শ্রবণ-বিবর,
 অমর উন্মত্ত যাহে, কিবা ছার নর ?
 ভুলিয়া পিতার শোক, জননী-বিয়োগ,
 করে চিত্ত অনুভব অমর-সন্তোষ !
 কি বলিব গত নিশি মজিয়া চিন্তায়,
 শুইলাম মনোদুঃখে কণ্টক-শয্যায় ।
 দক্ষিণে গবাক্ষ দ্বার করি' অনর্গল,
 বহিতেছে মলয়ের স্রোত অবিরল ।
 একটা চন্দ্রের রশ্মি, ছাড়ি' বাতায়ন,
 পতিত হইল মম হৃদয়ে তখন ।
 মম দুঃখে শশধর হইয়া কাতর,
 জুড়াইতে চিত্ত যেন বাড়া'লেন কর ।
 কতই ভাবনা মনে হইল উদয়,
 ফুটিয়া কতই আশা পাইল বিলয় ।
 সরল শৈশব ক্রীড়া, কৈশোর প্রমোদ,
 পিতার বিয়োগ—(আহা ! হ'ল কণ্ঠরোধ)
 দরিদ্রতা-নিবন্ধন ভিক্ষা দ্বারে দ্বারে,
 জননী-বিরহানল, অভাগা ভ্রাতারে,
 একে একে সব কথা হইল স্মরণ,
 ভাবনায় ক্লান্ত নেত্র মুদিবু তখন ।

স্বপনের যবনিকা হ'ল উদঘাটন,
 দেখিলাম দিব্য এক আনন্দ ভবন
 শোভি'ছে ঝলসি' নেত্র রঙ্গভূমি প্রায়,
 আমোদ-লহরী তাহে ছুটিয়া বেড়ায় ।
 আমোদে খেলি'ছে শিশু হাসিয়া হাসিয়া,
 আমোদে জ্বলি'ছে আলো কাঁপিয়া কাঁপিয়া ;
 আনন্দে কাচের শাসি' প্রতিবিশ্ব তা'র
 দেখাই'ছে থেকে থেকে ; বাহিরে আবার
 হাসিতেছে চন্দ্রালোক নব দুর্বাদলে ;
 হাসে ধরা ঢাকি' মুখ কোমুদী-অঞ্চলে ;
 প্রাঙ্গণেতে ঝাউগণ স্বনিয়া স্বনিয়া
 গৃহস্থে কল্যাণ করে আনন্দে মাতিয়া ।
 যুগল রমণামূর্তি বিজলীর প্রায়,
 প্রবেশিল রঙ্গভূমে, রূপের আভায়
 লজ্জায় প্রদীপালোক হইল মলিন,
 প্রভাকর করে যথা শশধরে দান ।
 স্তম্ভ্যামল জ্যোতিঃপূর্ণ কোন ভাগ্যবান,
 ধরাতলে নাহি বুঝি তাহার সমান,
 বয়োজ্যেষ্ঠা রমণীর করেতে ধরিয়া,
 আনিলেন সগৌরবে ; ধনুক ভাঙ্গিয়া
 নৃপতি সমাজে, যথা জানকী-জীবন

আনিলেক জনকের চুহিতা রতন ।
 প্রাণেশের করে কর জানকী সুন্দরী
 লাজে অবনত মুখ অঞ্চল আবরি',
 হাসিলেন প্রিয়তম গৌরবের ভরে
 হাসিলেন এ রমণী প্রফুল্ল অন্তরে ।
 আবার নবীনা প্রতি করি নিরীক্ষণ,
 অপরূপ রূপকান্তি বসন ভূষণ,—
 মাতৃস্নেহপূর্ণ হাসি হাসিয়া আবার,
 নয়ন পল্লব ধীরে নামিল তাঁহার ।
 প্রাচীরের কাছে স্বর্ণ প্রতিমার প্রায়
 দাঁড়াইয়া, জগন্মাতা জিনিয়া উমায় ।
 নিরখিয়া চিত্রভ্রম জন্মিল অন্তরে,
 ভাবিলাম গৃহস্থামী বুঝি শ্রদ্ধাভরে
 চিত্রিয়াছে প্রাচীরেতে, প্রেমের বরণে,
 পূর্ণলক্ষ্মী প্রতিমূর্তি এ মর ভবনে ।
 মায়ের মমতাপূর্ণ বদন তাঁহার,
 ইচ্ছা হ'ল, নিরখিয়া ডাকি বারম্বার
 মা মা বলি; একবারে হই বিস্মরণ
 অভাগার মাতৃশোক, যুড়াই জীবন!
 অমনি দুঃখিনী মায়ে হইল স্মরণ,
 নীরবে নয়ন-নীর হইল পতন ।

শোকেতে কাতর হ'য়ে নবীনার পানে
 দেখিলাম, যেন শশী বিরাজে বিমানে,
 বিরাজি'ছে রূপবতী নবভূগা প্রায়,
 বারেক দেখিলে মূর্তি নয়ন যুড়ায় ।
 কোমল কনককান্তি, প্রসন্ন বদন,
 উজ্জ্বলিল দর্শকের হৃদয়-গগন ।
 কৌলিন্য-কালিমা কিন্তু প ড়য়া তথায়,
 বিধাতার নিদারুণ হৃদয় জানায় ।
 রূপরাশি প্রতিবিশ্ব পড়িয়া নয়নে,
 শোভিতেছে নেত্র শুভ্র স্ননীল বরণে ।
 পূর্ণচন্দ্র কররাশি জলদমালায়
 শরদে যেমন শুভ্র বর্ণ শোভা পায় ।
 কিম্বা যথা মরকত স্তবর্ণ পাতায়
 পরস্পরে সমধিক সৌন্দর্য্য বাড়ায় ।
 পরিধান পেশোয়াজ, খচিত কাঁচলি,
 নীলাম্বর শোভা পায় বরণ উজ্জ্বলি';
 কারুকার্য্য, দীপালোকে সহস্র নয়ন
 প্রকাশিয়া, দেখিতেছে অতুল বরণ ।
 নবীন প্রণয়বশে নয়ন চপল
 হাসি'ছে, হাসিতে পূর্ণ অধর যুগল ।
 তরল সে হাসি, আহা ! সতত তথায়"

বিরাজি'ছে যেন স্থির বিজলীর প্রায় ।
 আবার সে মুখশশী গম্ভীর কখন,
 ঝড়-প্রতীক্ষায় যথা জলধি-জীবন ।
 সরলে তুলিয়া মুখ, সরল নয়নে
 চাহিল সরলভাবে, বিকাশি' দশনে
 সরল সুন্দর হাসি ; এ চিত্ত-দর্পণে
 প্রতিবিশ্ব ছলে হাসি হাসিল তখনে ।
 চারি চক্ষু মুহূর্ত্তেক হইল মিলন,
 আবেশে সে পদ্মনেত্র মুদিল তখন ।
 এই দৃষ্টি প্রবেশিয়া হৃদয়ে আমার,
 খুলিল এ অভাগার স্মৃতির দুয়ার ।
 স্বদেশে—স্ববাসে মন উড়িল তখন,
 প্রেমের প্রতিমা কত করিনু দর্শন ।
 কখন বা সহোদরা ভগ্নী চতুষ্কয়ে,
 কভু মম অভাগিনী এ পোড়া হৃদয়ে
 হইল উদয়, আহা ! কি বলিব আর,
 প্রণয়-পূরিত হ'ল হৃদয় আমার ।
 ঢাকিল ভাবনা-মেঘে হৃদয়-আকাশ,
 ঘূরিতে লাগিল ধরা, গগন, আবাস ।
 অমনি রমণীদ্বয় কোমল চরণে
 প্রবেশিল ধীরে ধীরে রজত-প্রাঙ্গণে ।

বহুক্ষরা প্রেমভরে চুম্বিয়া চরণ,
 বলিলেন ঝিল্লিরবে,—“সার্থক জীবন ।”
 কোমুদী সন্মোহে কর করি’ প্রসারণ,
 উভয়েরে শান্তভাবে দিল আলিঙ্গন ।
 মলয় ঘোমটা খুলি’ শর্ব্বরীসথায়
 দেখাইল মুখচন্দ্র, মলিন লজ্জায় ।
 দেখিয়া পাদপচয় স্বন স্বন স্বরে
 ধাতার কোঁশল তা’রা গায় প্রেমভরে ।
 চলিলেন মা আমার কোমল চরণে,
 যথা লক্ষ্মী তেয়াগিয়া জলধী-জীবনে ।
 চলিলা নবীনা গর্বে যৌবনে মাতিয়া,
 চলে যথা তরঙ্গিনী নাচিয়া নাচিয়া
 চন্দ্রের কিরণতলে, স্থনিল সাগরে,
 বহে যবে সমীরণ শান্তবেগ ধ’রে ।
 চলিছেন মহামতি সন্মুখে সবার,
 পত্নীভাবে প্রবীণায় দেখি বারম্বার ।
 নবীনা পশ্চাতে চলে লহরী-চলন,
 সেই ধন্য এই যা’র কণ্ঠের ভূষণ ।
 প্রেম-সুখে বুঝি তা’র হৃদয় অচল,
 না জানি কাহার এই পূর্ব পুণ্যফল !
 দেখিতে দেখিতে সব হ’ল অদর্শন ;—

আমার সুখের স্বপ্ন ভাঙিল তখন ।
 এমন প্রতিমা কি হে দেখিব আবার ?
 দেখি নাই এই জন্মে—দেখিব না আর !
 কি জাগ্রতে, কি নিদ্রায়, স্বপন-সময়ে,
 এই দুই মূর্তি মম জাগিবে হৃদয়ে ।

—

মুমূর্শুশয্যায় জনৈক বাঙ্গালী যুবক ।

১

প্রভাকর-অস্তকালে প্রকৃতি সুন্দরী
 যেমতি মোহিনী সাজে যুড়ায় নয়ন,
 মানব-জীবন-রবি দেহ পরিহরি
 অস্তমিত প্রায় যবে, সংসার তেমন
 বিমল অপূর্ব শোভা করে প্রদর্শন ।
 অগলক নেত্রে আজি যেই দিকে চাই,
 নিরখি প্রীতিতে পূর্ণ ভূতল গগন,
 প্রীতিশূন্য কোন স্থান দেখিতে না পাই ।

২

প্রেমের প্রতিমা পত্নী, প্রাণের সম্ভান,
 জননী আনন্দময়ী মায়ার আধার,

সন্তোষজনকমূর্ত্তি দয়ার নিদান,—
বোধ হয়, আজি যেন প্রেমপাক্ষাবার ।
বিষাদকণ্টকাকীর্ণ যে পাপ সংসার,
কাটানু একটি জন্ম ভাসি নেত্রনীরে
যেই খানে, আজি একি রূপান্তর তার—
পবিত্র প্রীতির শ্রোত পার্থিব মন্দিরে ।

৩

শত্রু মিত্র আত্ম পর নাহি কিছু জ্ঞান,
নাহি জ্ঞান ছোট, বড়, দুর্বল, দুৰ্জ্জয়,
জাতিভেদ, বর্ণভেদ, মান, অপমান ;
বিষয়ের বিষ-চিন্তা জুড়ায়ে হৃদয়
নিবিয়াছে ; যুচিয়াছে মর-আশা ভয় ;—
বোধ হয়, বিশ্ব যেন প্রীতিপারাবার,
শোভিছে তরঙ্গপ্রায় মানবনিচয়,
ঐশিক সূত্রেতে গাঁথা প্রীতি-পুষ্পহার ।

৪

কেন কঁাদ পিতঃ ! তুমি শোকে ত্রিরমাণ ?
কেনই জননী মম করে হাহাকার ?
কেন প্রিয়তমে ! পতি-প্রাণের সমান,
নীরবে ঝরিছে তব নয়ননীহার ?



প্রবেশিব যে জীবনে প্রতিবিশ্ব তার,
এত প্রীতিকর ! আহা ! না জানি কেমন
মধুরা যামিনী সেই, এই সন্ধ্যা যার
প্রীতিরসে যুড়াইল তাপিত জীবন ।

৫

কেনবা পিতৃব্য তুমি বিষাদে মজিয়া,
যাইতে মঙ্গল রাজ্যে কর অমঙ্গল ?
অবোধের মত বল কি হবে কাঁদিয়া,
মুছে ফেল বিগলিত নয়নের জল ।
আনন্দে বিভূর গান গাও অবিরল,
এমন সুখের দিন হইবে না আর,
জান না কি বাঙ্গালির মরণ মঙ্গল,
খুলিবে আমার আজি স্বাধীনতাদ্বার ।

৬

বৃদ্ধ তুমি, নাহি ধার সুশিক্ষার ধার ;
দরিদ্রতা নিবন্ধন মনের নয়ন
হয় নাই প্রস্ফুটিত ; কি বলিব আর,
পূজাহ্নিক, ভোগ, নিদ্রা তোমার জীবন ।
জবন্য দাসত্বপাঠ শিখেছ এমন,
উপাস্য দেবতা তব মানব সকল ;



শাকান্ত সম্বল তব ; অধীনতা ধন ;
অহঙ্কার, অলঙ্কার, দাসত্বশৃঙ্খল ।

৭

কাহার ভারতবর্ষ ? এবে কার করে ?—
পড়িয়াছ রামায়ণ, পড়েছ ভারত,
আর্য্যবংশকীর্ত্তিগ্রাম শ্রবণবিবরে
পশেছে পবিত্র করি শ্রবণের পথ,
জেনেছ কি কাহাদের ছিল এ ভারত ?
কি কাজ জানিয়া ? আহা জানিয়া সকল
ইচ্ছা হয় এই দণ্ডে ভুলি স্বপ্নবৎ,
না জানিলে স্মৃথ যদি জানিয়া কি ফল ?

৮

জন্মেনি তোমার পিতঃ ! এ সব কুজ্ঞান ।
জান নাহি বাঙ্গালির ছুরদৃষ্ট হায় !
অপমান মনে কর পরম সম্মান,
তুমি কেন না মজিবে সংসারমায়ায় ?
যে কার্য্যে আমার বুক বিদরিয়া যায়,
সে সব তোমার কাছে কর্তব্যে গণিত ।
স্বদেশের সমাজের নাহি কোন দায়,
নহ নিজ অবস্থায় কিঞ্চিৎ দুঃখিত ।

৯

সুশিক্ষিত বাঙ্গালির যতেক যন্ত্রণা,
 অভাগার যে অনলে দহিছে হৃদয়,
 কেমনে জানিবে তুমি কত বিড়ম্বনা
 সহিয়াছি প্রতিদিন, প্রাণে নাহি সয়
 অধীনতা অপমান, প্রাণে নাহি সয়
 স্বজাতির হীনাবস্থা, কি বলিব হায় !
 জাতীয় বিদ্বেষ-সৰ্প পাপী নৃশংসয়
 দংশিছে, জ্বলিছে বুক দংশনজ্বালায় ।

১০

সভ্যতার রঙ্গভূমে, কল্পনা উদ্যানে,
 বিদ্যার বিনোদ বনে, সর্ব্ব-অগ্রসর
 ছিল যেই জাতি শ্রেষ্ঠ ; সঙ্গীতে বিজ্ঞানে
 অকুপম, অদ্বিতীয় সংগ্রাম ভিতর ;
 শাস্ত্রে শাস্ত্রে শৌর্য্যে যার ছিল না সোসর,
 শিশু গ্রীষ্ম, শিশু রোম, যার তুলনায়,
 পার্থিব গৌরব এত অকিঞ্চিৎকর.
 সে জাতির শেষে এই ছুরবস্থা হায় !

১১

সে দিনের ইংলণ্ড, কি ছার বড়াই ।
 ভারতে দর্শন, শিল্প, সাহিত্য, সঙ্গীত,

পরাকার্তা পায় যবে, পঞ্চ ভাই
কুরুরক্তে কুরুক্ষেত্র করে প্রক্ষালিত,
সিজারের নেত্রপথে হয় নি পতিত,
অসভ্য ইংলণ্ড এবে—অদৃষ্ট এমন,
সে ভারত রসাতলে হয়েছে পতিত,
ইংলণ্ডের উন্নতির উচ্চ সিংহাসন ।

১২

কিসে পিতঃ ! ভারতের হলো অধোগতি ?
রহিয়াছে পূর্ববৎ হিমাঙ্গি, নাগর ।
বহিতেছে পূর্ববৎ দেবী ভাগীরথী ।
তবে যে গৌরব-রবি হইল অন্তর,—
নাহি সেই রাম, নাহি অযোধ্যানগর ।
কোথায় সে বীরগণ, পণ্ডিতমণ্ডল,
কোথায় তাদের কীর্তি গৌরব-আকর,
প্রতিধ্বনি মাত্র তার রয়েছে কেবল ।

১৩

গেছে বীর্য্য, কিন্তু পিতঃ ! জানিও নিশ্চয়,
ভারতবাসীর মন অমর অচল ;
কালে, বলে, ধ্বংসনে মরিবার নয় ।
যেই মানসিক শক্তি, যবন কবল,

শত বৎসরের পাপ দাসত্বশৃঙ্খল,
সহিয়াছে অনায়াসে, সেই বৃত্তিচয়
এখনো রহেছে পিতঃ । তেমনি সবল,
ধরিবে সতেজ মূর্তি পাইলে সময় ।

১৪—১৮

• • •
• • •

১৯

চিত্রের এ দিক্ এই—দেখ দিগন্তরে,
আমাদের ভয়ানক অবস্থা কেমন ।
স্বাধীনতা যেইরূপ পরিষ্কার করে
সমাজ-উন্নতি-পথ, ধর্ম্যও তেমন
আত্মার মুক্তির পথ করে উন্মোচন ।
অনিত্য সংসারে ধর্ম্য অমোঘ আশ্রয়,
হৃদয় বিশ্বাস সেই ধর্ম্মের জীবন,
বিশ্বাস হৃদয় করে পরমেতে লয় ।

২০

আশৈশব দৃঢ় ভক্তি পৌত্তলিকতায়
আছিল আমার, পিতঃ ! জ্ঞানের নয়ন
বিকসিত হলো যবে, সিহরিল কায়
ইহার বিকৃতভাব করি দরশন ।

আশ্রয়পাদপচ্যুত লতার মতন
প্রত্যেক বাতাসভরে বিশ্বাস আমার
কঁাপিতে লাগিল ; জ্ঞান আলোকে তেমন
মিশাইল অন্ধকার পূর্ব সংস্কার ।

২১

সন্মুখে দেখিনু দৃঢ় বিশ্বাস অচল ।
যুগল নির্মল নদী, পবিত্র শীতল,
হয়েছে নিঃসৃত বেগে ;—মানস চঞ্চল
দাঁড়াইয়া সন্ধিস্থলে ভাবিয়া বিকল ।
সন্দিহান কর্ণধার বিবেক দুর্বল ।
এই বহে খৃষ্টধর্ম বিস্তারিয়া কায় ;
এই হাসে ব্রাহ্মধর্মশ্রোত নিরমল ;
অবোধ বাঙ্গালি আহা ! কোন শ্রোতে যায় ?

২২

করিতেছি ইতস্ততঃ, অজ্ঞানে কেমনে
সনাতন ব্রাহ্মধর্মে করিনু প্রবেশ ।
নীরস সন্দেহ-মরু-তাপিত জীবনে
প্রথম পরশে হলো স্নেহের আবেশ ।
দেখিনু মানব জাতি ভ্রাতৃনির্বিশেষ ;
হৃদয় একত্বভাবে হইল পূরিত ;

দেখিনু সৃষ্টিতে স্রষ্টা পূর্ণ সমাবেশ,
মিশাইল আত্মা বিশ্ব আকাশ সহিত ।

২৩

সহিয়াছি কত ঝড় বলিতে না পারি ।
পাপে পূর্ণ ভারি তরি কত শত বার,
ছিঁড়িয়া স্নেহের পাশ, হৃদয় বিদারি,
চাহিয়াছে ডুবাইতে পাপ দেশাচার ;
চাহিয়াছে ফিরাইতে, কুহকী সংসার ।
এরূপে যাইতেছিলাম, কিছু দিন পরে,
হইল যুগল শাখা স্রোত ছুনিবার,
ছুটিল ভীষণ বেগে, ভিন্ন বেশ ধরে ।

২৪

সন্ধিস্থলে এবে পিতঃ ! আছি দাঁড়াইয়া,
না পারি করিতে স্থির যাই কোন পথে ।
ভাস তুমি প্রেমানন্দে পুতুল লইয়া,
স্বদৃঢ় বিশ্বাস তব নিবে মুক্তি রথে ।
নাহি হয় কোন ধর্ম্মে শ্রদ্ধা কোন মতে,
পরকাল, পরিণাম, ভাবি আপনার ;
ভাবি মনে মনে হয় ! এসেছি জগতে
কোথায় হইতে, কোথা যাইব আবার ?

২৫

যথায় বাইতে হবে, বাইতেছি হায় !
কিছু ক্ষণ পরে এই পার্থিব পিঞ্জর
তেয়াগিবে আত্মা ; দেহ রহিবে ধরায় ;
ছিঁড়িবে ভবের দুঃখ দাসত্ব নিগড় ।
আর দহিবে না এই তাপিত অন্তর,
শরীরজনিত যত পাপ-যাতনায় ;
মনের সন্দেহ যত হইবে অন্তর,
ঘুচিবেক অনিশ্চিত পরকাল দায় ।

২৬

যে আনন্দ রাজ্যে আজি করিব প্রবেশ,
পবিত্র মঙ্গল ধাম পূর্ণ জ্যোতির্ময় !
জিত জেতু সেই খানে এক নির্বিশেষ,
“চিহ্নিতাচিহ্নিত” কারো বিশেষণ নয় ।
একই পিতার পুত্র, এই পরিচয় ।
থাকিবে না বর্ণভেদ, কালবর্ণ-দায়,
ঘুচাবেন অধীনতা প্রভু দয়াময়,
দহিবে না দম্বপূর্ণ বাক্যের জ্বালায় ।

২৭

পূর্ণ আলোকেতে বসি পুলকিত মনে,
আনন্দে করিব সেবা, রাজার রাজার ;

কিবা কাল, কিবা ঋত, তাঁহার নয়নে
 তুল্যরূপ, বর্ণভেদে নাহি পুরস্কার ।
 সকলে সমান দয়া, সমান বিচার,
 সর্বত্র রাজ্যের বিধি সমান সরল,—
 মঙ্গল ইচ্ছায় পূর্ণ ! পাপী দুরাচার,
 পবিত্র হইতে দণ্ড পাইবে কেবল ।

২৮

যবনিকা ক্রমে ক্রমে হতেছে পতন,
 হইতেছে রঙ্গভূমি ক্রমে অলঙ্কিত ;
 অমর ত নহে এই মানব জীবন,
 যাইতেছি, সকলেই যাইবে নিশ্চিত ।
 পুনর্ব্বার পিতা পুত্র হবো একত্রিত,
 অনন্ত কালের তরে জানিও নিশ্চয়,
 পিতা মাতা পত্নী পুত্র হইয়া মিলত,
 আনন্দে গাইব জয় জগদীশ জয় ।

শশাঙ্কদূত ।

কোথা যাও শশধর ! ফিরিয়া দাঁড়াও,
 অভাগার গোটা কত কথা শুনে যাও ।
 এই “নব গঙ্গাতীরে”, এই তরুতলে,
 গাইব দুঃখের গীত ভাসি অশ্রুজলে ।
 উচ্চ সিংহাসনে বসি শর্ব্বরী-রঞ্জন,
 মুহূর্ত্তে দেখিতে পার সমস্ত ভুবন,
 চিত্রিত রয়েছে যেন জলধি হৃদয়ে
 মণ্ডিত কোমুদী বর্ণে, শ্যাম শোভাময় ।
 অভাগার অনুরোধ দেখ একবার,
 মিশা’য়ে আকাশ সনে বঙ্গ পারাবার
 হাসিছে ঈষদে যথা শীত সমীরণে,
 দেখাইয়া প্রতিবিন্দু স্নানীল দর্পণে ।
 তার প্রাচীতীরে, দেখা যায় কি না যায়,
 অনন্ত সমুদ্র সনে মিশাইয়া কায়,
 শোভিতেছে অশ্যামল পুরি মনোহর,
 অভাগার জন্মভূমি, প্রকৃতির ঘর ।
 এমন স্বভাবশোভা নাহি এ ধরায়,
 যাহা নাহি শশধর দেখিবে তথায় ।

সর সর স্বরে কত শত নির্ঝরিনী,
 বহিতেছে এক তানে দিবস যামিনী ।
 চক্রাকারে বেষ্টি তারে তরুলতাগণ,
 সে স্বর নিম্পন্দভাবে করিছে শ্রবণ ।
 কেবল নিকুঞ্জ-কবি ঝাউ সন মনে,
 প্রকৃতিকে ধীরে ধীরে নিদ্রায় মগনে ।
 সুবিস্তৃত শ্রোতস্বতী প্রসারিয়া কায়,
 শোভিছে রজতাকীর্ণ রঙ্গ-ভূমি প্রায় ;
 নাচিছে হিল্লোলমালা চুম্বিয়া রজনী,
 দুই তীরে তরুশ্রেণী হাসিছে অমনি ।
 প্রাচীর কিরীটশিরে উচ্চ গিরিগণ
 আনন্দে অপ্সরাপুরি করিছে রক্ষণ ।
 মনস্থখে প্রতিবাসী করে দিন ক্ষয়,
 নাহি সম্পদের চিন্তা, দরিদ্রতা-ভয় ।
 আলোকিত পর্ণগৃহ প্রদীপ শিখায় ;
 কিন্তু সেই ক্ষীণালোকে দেখা নাহি যায়
 আমোদের মূর্তি, কিবা দুর্ভিক্ষ অনল,
 আপন মনের স্থখে রয়েছে সকল ।
 যেই গৃহে নাহি আলো লোকের সঞ্চার,
 নিশানাথ ! সেই শূন্য গৃহ অভাগার ।
 অধিষ্ঠাতা, অধিষ্ঠাত্রী, যুগল ইহার;

বিসজ্জ্বল করিয়াছে কাল দুরাচার,
 অনন্ত জীবন জলে ; উপাসক দল
 অনাহারে, দেশান্তরে, মরিছে সকল ।
 পুণ্যবান্ গৃহস্বামী ছিলেন যখন,
 আনন্দে নাচিত এই আঁধার ভবন ।
 এবে যেই গৃহ যেন বিরল বিজন,
 টিক্‌টিকিপতন, কিন্না মূষীকপীড়ন,—
 এই দুই শব্দ ভিন্ন কিছু নাহি আর
 নির্জনতা বিঘ্ন রূপে, অদৃষ্ট দুর্ব্বার ।
 সেই গৃহ ছিল যেন উৎসব-আলয়,
 জনতায় পরিপূর্ণ, কত নিরাশ্রয়
 ইহার ছায়ায় লব্ধ হয়েছে জীবন !
 এবে তারা সৌভাগ্যের উচ্চ সিংহাসন
 করিয়াছে আরোহণ, গৃহস্বামী হায় !
 হারাইয়া প্রাণ, মান, সম্পদ, সহায়,
 পর-উপকার-ব্রতে, চিন্তার অনলে
 পড়িলেন শুষ্ক হয়ে কালের কবলে ।
 পৃথিবীতে চিহ্ন মাত্র আছে পঞ্চ জন
 হতভাগা, আর এই সমাধিভবন ।
 সমাজের শিরোমণি, সদ্‌গুণভাগার,
 বিপদে প্রসন্ন মুখ, মোহন আকার,

সরল হৃদয় পরদুঃখে ত্রিয়মাণ,
 প্রীতিরসে নেত্রদ্বয় সদা ভাসমান,
 চতুর, মধুরভাষী, সাহসে অতুল,
 এদেশে দুজন নাহি তাঁর সমতুল ।
 কিন্তু এই গুণরাশি নারিল রোধিতে
 করাল কালের গতি, এই অবনীতে
 দ্বিতীয় আশ্রয় মম কেহ নাহি আর,
 প্রদ্ধার আলয় মম হয়েছে আঁধার !
 কালে কালে এই গৃহ হবে ধরাশায়ী,
 হয়েছি অভাগা মোরা ভিক্ষাব্যবসায়ী ।
 জন্মভূমি মানচিত্রে এক বিন্দু আর
 চিহ্ন মাত্র না রহিবে এই অভাগার ।
 যদি অভাগার নাম করে কোন নর,
 প্রতিধ্বনি করিবেক সুধর সাগর ।
 যুগল স্নেহের তরী এই সিঙ্কুজলে
 হইয়াছে নিমগন মম কৰ্ম্মফলে ।
 জীবনের সুখ আশা অতল সলিলে
 ডুবিয়াছে সেই সঙ্গে । সমুদ্রে খুঁজিলে,
 হারায়েছি যেই রত্ন সদৃশ তাহার,
 নাহি সাধ্য রত্নাকর করে আবিষ্কার ।
 পিতৃ মাতৃ স্নেহ সুখ স্বর্গ অবনীর,

ঘুচেছে জন্মের মত ; দারুণ বিধির
 এমন নিষ্ঠুর বিধি, দেশে অভাগার
 কেহ নাহি যারে আমি বলিব আমার ।
 সম্পর্ক, সহৃদয়-বল, সৌভাগ্যে সকল,
 দুঃসময়ে স্মৃতি মাত্র বান্ধব কেবল ।
 এই সুবিস্তৃত দেশে, ওহে শশধর,
 আছে কত আশৈশব প্রিয় সহচর ।
 কিন্তু শশি ! তাহারা কি কথায় কথায়
 মনে করে হতভাগ্য শৈশব-সখায় ?
 প্রসারি কোমুদীকর ধরিয়া গলায়,
 জন্মভূমি জননীকে জিজ্ঞাসিও, হায় !
 ক্রোড়ভ্রষ্ট, দূরস্থিত, চিরদুঃখী তরে,
 কাঁদেন কি জন্মভূমি স্মরিয়া অন্তরে ?
 অভাগা যেখানে থাকে, দেখিবে তাঁহার
 জাগ্রতে কল্পনা-নেত্রে, স্বপনে নিদ্রায় ।

অবলা-বান্ধব ।

১

বঙ্গের অবলাগণ । এতদিন পরে,
 পোহাইল আমাদের বিজাদ-শর্বরী ;
 কি স্নেহের স্রোত আজি বহি'ছে অন্তরে,
 পুলকে কোমল অঙ্গ উঠি'ছে শিহরি' !
 ঘুচাইতে অবলার ছুরদৃষ্টি সব,
 মিলাইল বিধি এই অবলাবান্ধব ।

২

অবলা অদৃষ্টাকাশে এতদিন পরে,
 একটী নক্ষত্র এই হইল উদয় ;
 ইহার বিমলালোকে মন-সরোবরে,
 বিকসিত হ'বে নারী-জ্ঞান-কিসলয় ।
 বঙ্গের সমাজ-শোভা সৌরভে তাহার
 মোহিত হইবে, স্নেহে ভাসিবে সংসার ।

৩

ভগ্নীগণ ।

পিঞ্জরে আবদ্ধ যেন বনবিহঙ্গিনী,
 আর কাঁদিব না ছুঃখে বসিয়া বিজনে ;
 (অরণ্যে রোদন যেন), শোক-প্রবাহিনী
 উচ্ছ্বসিত হইবে না নির্গম বিহনে ।

কত আশা, কত ভাব, দিবস রজনী,
ফুটিয়া অজ্ঞাতে নাহি ঝরিবে অমনি ।

৪

খুলিয়া হৃদয়-দ্বার কল্পনা-অর্গল,
কহিব সকল কথা জলের মতন,
নবীন বান্ধবে; প্রতিদানে নিরমল,
জ্ঞানগব্ধ উপদেশ, মধুর বচন,
শুনিব অনন্যমনে; প্রতিলিপি তাঁ'র
রাখিব চিত্রিয়া চিত্ত-ফলকে আবার ।

৫

এস তবে, ভয়ীগণ ! মিলিয়া সকলে,
অবলা-বান্ধবে করি স্তখে সম্ভাষণ;
গাঁথি' কৃতজ্ঞতা-হার বসিয়া বিরলে,
এক সঙ্গে তাঁ'র করে করি সমর্পণ ।
এস, ভ্রাত ! এস, সখে ! এস, হে বান্ধব !
তুমি বঙ্গ-অবলার অমূল্য বিভব ।

৬

কল্পনা-কাননে পশি', কার্য্য-অবসানে,
গাঁথিয়া কোমল ফুলে কবিতার হার,
সাজাইব কলেবর, বিবিধ বিধানে,
বসন্ত সাজায় যথা বসন ধরার ।

দেখা'ব যতেক ফুল ফুটিবে হৃদয়ে,
প্রণয়-গোলাপ কিবা জ্ঞান-কুবলয়ে ।

৭

শারদ চন্দ্রমাতলে, সরোবর-তীরে,
বসি' প্রাণেশের কাছে পুলকিত মনে,
নাচিতে হিল্লোলমালা অতি ধীরে ধীরে,
নৈশ সমীরণ-স্রোতে নিরখি নয়নে,
শুনাইব পবিত্র প্রণয়-আলাপন,
দেখা'র প্রণয় বিশ্বমোহন কেমন ।

৮

কখন মলিন মুখে অবসন্ন মনে
পতির বিরহে জাগি' সুদীর্ঘ রজনী,
প্রভাতে পশ্চিমানীলে কোকিলার সনে
গাইব বিরহ-গীত, কুঁদাবে ধরণী ।
নিহার নয়ন-জলে তিতিবে বসন ;
স্বনিয়া স্বনিয়া তরু কঁাদাবে তখন ।

৯

কিন্ধা বসি' পতিসনে, অলিন্দ-আসনে,
নক্ষত্রখচিত নৈশ আকাশের তলে,
কিন্ধা চন্দ্রকরতলে শ্যামল প্রাক্ষণে,
প্রাণপতি-পাশে সুখে বসি' ধরাতলে,

নিরখিয়া বিশ্ব-শোভা, রচনা-কৌশল,
শুনা'ব সঙ্কীত, বর্ষি' নয়নের জল ।

১০

কাদম্বরী, শকুন্তলা, দুর্গেশনন্দিনী,
অক্ষয় ভাণ্ডার হ'তে করিয়া লুণ্ঠন,
সার্কহস্ত লক্ষ্যমান সমাস-বাঁধনি,
সাজা'য়ে বিজ্ঞানগর্ভ কৃত্রিম লিখন,
নাহি চাহি বাড়াইতে বিদ্যার গৌরব,
প্রতারিতে সহৃদয় অবলাবান্ধব ।

১১

কেবল কোমল কণ্ঠে তরল বচনে,
নিরখিয়া কমনীয় কুসুম-কানন,
নিরখি' বিকচ ফুল প্রীতিফুল্ল মনে,
ডাকিব করুণাময়ে মুদিয়া নয়ন ।
বিহঙ্গ কুজন শুনি', পবন স্বনন,
করিব প্রেমার্জ চিত্ত তাঁহাতে মগন ।

১২

মা মা বলি' গলা ধরি' কোলের বাছনি
মধুর অক্ষুট স্বরে ডাকিবে যখন,
আদরে কোমল মুখ চুম্বিতে অমনি
প্রীতিভরে পরমেশে করিব স্মরণ ।

পতির পবিত্র প্রেমে, মায়ের মায়ায়
নিরখিব দয়া তাঁ'র প্রতিবিশ্ব প্রায় ।

১৩

কেধল অনাথা যত বিধবা ভগিনী,
তাহাদের সমদুঃখে হইয়া দুঃখিনী,
কিস্বা পতিপ্রেমে দুঃখী যেই অভাগিনী,
তোমাকে শুনা'ব তা'র বিষাদ কাহিনী ।
কৌলিন্য-কবল কাল যেই অবলার,
শুনা'ব কাতর স্বরে তা'র হাহাকার ।

মহারাজীর দ্বিতীয় পুত্র ডিউক্ অফ্
এডিন্‌বারার প্রতি ।

১

যুবরাজ !

শত বৎসরের পরে দুঃখিনী কন্যায়
স্নেহময়ী মায়ের কি হয়েছে স্মরণ !
কিস্বা এত কাল পরে ঈশ্বর-কৃপায়,
গম্ভীর সমুদ্রের ব করি নিমগন,
অভাগীর রোদনের ধ্বনি হাহাকার,
পশেছে কি যুবরাজ ! অবগে তাঁহার ?

২

কেঁদেছে মায়ের মন, কোমল তরল,
শুনি হীনা ভারতের শোক-সমাচার,
তাই বুঝি মুছাইতে নয়নের জল,
পাঠালেন প্রিয়তম প্রাণের কুমার ।
এস তবে, এস ভ্রাত, দুঃখিনীর ঘরে
ভগিনী ভারতভূমি আশীর্ব্বাদ করে ।

৩

নিরাশ্রয়া অনাধিনী, যবনের করে,
সহি কত শত বর্ষ অশেষ যন্ত্রণা,
অবশেষে তোমাদেরে ডাকি সমাদরে
লইলু আশ্রয় যেন অনাথা ললনা ।
সে অবধি রহিয়াছি অধিনীর মত,
এইরূপে শত বর্ষ হইয়াছে গত ।

৪

কতবার রাজপুত্র, হয়েছে বাসনা,
মায়ের পবিত্র মূর্ত্তি করিতে দর্শন ;
তোমাদেরে ক্রোড়ে করি, হৃদয়-বেদনা
জুড়াইতে, নিবাইতে শোক-ছতাশন ;
আমার এমন কিন্তু অদৃষ্টের ফল,
হিমাদ্রি মাথায়, পায়ে দাসত্ব-শৃঙ্খল ।

৫

স্নেহের তো ধর্ম্য এই—ছুঃখে, অসহায়
 দূরদেশে থাকে যেই ছুঃখিনী নন্দিনী,
 সকল সম্ভান মাঝে জননী তাহায়
 স্নেহ করে সমধিক ; আমি সে ছুঃখিনী,
 তথাপি আমার প্রতি মায়ের তেমন
 নাহি স্নেহ, নাহি দয়া, নাহি সে যতন ।

৬

সহোদরা শ্বেতদ্বীপ সৌভাগ্য-মাগরে,
 মায়ের নয়ন-কাছে ভাসিছে সতত,—
 জননীর প্রিয়পাত্রী, মায়ের আদরে
 ধবল মস্তক তার সোহাগে উন্নত ।
 কেড়ে নিয়ে অভাগীর বসন ভূষণ,
 জননী সাজান তারে মনের মতন ।

৭

স্নেহে থাকে যেই কন্যা, জননীর প্রতি,
 কখন তাহার প্রত্যা থাকে না তেমন ;
 আমি অনাথিনী, মম মাতা ভিন্ন গতি
 নাহি আর, মাতৃস্নেহ আমার জীবন ।
 কত কষ্টে করি কর-উপহার দান,
 শ্বেত-দ্বীপ-স্নত করে মম স্তন পান ।

৮

হয়েছে কঙ্কাল শেষ যাতনা বিষম ।
শূন্য মম রাজ-কোষ ; দীন প্রজাগণ
কর-করাঘাতে প্রায় কণ্ঠস্থ জীবন ;
কি দেখিতে ভ্রাতৃবর আসিলে এখন ?
ছিল যে ভারত-ভূমি কুবেরভাণ্ডার,
এখন ছুর্ভিক্ষ বিনা কথা নাহি আর ।

৯

রাজপুত্র ভূমি ; রাজ অতিথির বেষে
আসিয়াছ দুঃখিনীরে দিতে দরশন ।
পূরাইল আশা যদি বিধি অবশেষে
কি দিয়া তোমায় আহা ! করি সম্ভাষণ !
ঐশ্বর্যের রঙ্গ-ভূমি ভারত-ভবন,
শুনে থাক যদি, তবে হও বিস্মরণ ।

১০

তেজঃপুঞ্জ আর্ঘ্যবংশ-প্রসূতি-ভারত ;
রামায়ণ, ভারতের অভিনয়-স্থান ;
আর আর বীরপনা, শুনিয়াছ যত,
সকলি বিস্মৃত হও, স্বপন সমান ।
গত বীর-কুলর্ষভ অভিনেতৃগণ,
বহু দিন যবনিকা হয়েছে পতন ।

১১

ভারতের নব রত্ন হরেছে শমন ;
 বিজ্ঞান, জ্যোতিষ, শিল্প, সাহিত্য, সঙ্গীত;
 যবনের যমদণ্ডে, হয়ে নির্যাতন,
 বিস্মৃতি-সাগরে সব হয়েছে পতিত ।
 রত্ন-গর্ভা সংস্কৃত-ভাষা স্থললিত,
 তোমাদের যত্নে পুনঃ হতেছে জীবিত ।

১২

ছিল যে ভারতভূমি কাব্যের উদ্যান,
 কল্পনা-নন্দন-বন, কবির মন্দির ;
 যাহার সঙ্গীত-স্বরে দ্রবেছে পাষণ,
 দিয়াছে গলায় মালা, বন-হরিণীর ;
 এবে সে ভারতে যত টিটিভ সারস
 ডাকিতেছে, ভগ্নস্বরে কাঁদিছে বায়স ।

১৩

কি কুগ্রহ ভারতের অদৃষ্ট আকাশে,
 কয়েক বৎসর হতে, হয়েছে সঞ্চার !
 ছুৰ্ভিক্ষ-অনল, আর মারিভয়-গ্রাসে
 মরেছে সহস্র প্রজা, তাহাদের হাড়
 একত্র করিলে হবে সমাধি-ভবন,
 “বিডনের,” “লরনুসের” কীর্তি-নিদর্শন ।

১৪

শূন্য এবে ভারতের রাজ্যের ভাণ্ডার ।
 খড়্গ-হস্তে ভাবিছেন রাজ্যী-প্রতিনিধি ।
 ভাবিছে বেতন-জীবী প্রজা অনিবার
 মৃতপ্রায়, দাসত্বও না মিলায় বিধি ।
 কেবল তোমারে আহা ! করি দরশন,
 ভুলেছে সকল দুঃখ, পেয়েছে জীবন ।

১৫

আনন্দে সকল দেখ হয়েছে মগন,
 সাজায়েছে কলিকাতা, গ্যাসের মালায় ।
 রাজভক্তিশ্রোতে আজি নাগরিকগণ
 মনের আনন্দে সবে ভাসিয়া বেড়ায় ।
 কিবা ধনী, মধ্যবিত্ত, দরিদ্র দুর্বল,
 আনন্দে গাইছে সবে তোমার মঙ্গল ।

১৬

ভাসিতেছে কলিকাতা আমোদ-সাগরে ;
 উঠিছে সঙ্গীত-স্বর লহরী যেমন,
 নীহারের ছলে আজি ওই শশধরে
 নিরমল স্মৃতিরাশি করে বরিষণ ।
 যামিনী ঝিল্লির রবে, গঙ্গা কলকলে,
 তোমাকেই আশীর্বাদ করিছে সকলে ।

১৭

ঐ শুন উপাসনা-গৃহে যুবরাজ !
 গম্ভীর সঙ্গীত-স্বর আবার আবার ;
 সমভাবে সর্বজাতি, সমস্ত সমাজ,
 ভক্তিভাবে মাগিতেছে কল্যাণ তোমার ।
 যথাসাধ্য প্রজাগণ, তোমার কল্যাণ
 কামনা করিতে দীনে, করে অর্থ দান ।

১৮

ছুঃখিনী ভগিনী আমি, দাসীত্ব-জীবন,
 যুবরাজ এতোধিক কি আছে আমার,
 ভূষিতে তোমার তুল্য রাজপুত্র-মন ?
 মায়ের কোমল করে দিতে উপহার
 কি দিব তোমারে ? আহা ! বিনা শ্রদ্ধা-ধন
 ছুঃখিনী কন্যার আর কি আছে এমন ?

১৯

আমার মনের ছুঃখ সমুদ্র-মত্তন,
 হবে না সময় তব শুনিতে সকল ;
 গোটা দুই কথা তাই বলিব এখন,
 বলিও মায়েরে, মাতা তনয়াবৎসল ।
 তুমি যদি এই সব হও বিস্মরণ,
 অভাগীর ছুরবস্থা থাকিবে এমন ।

২০—২৩

• * •
• • •

২৪

ভারতরাজ্যের তত্ত্ব, ভারতসম্ভান,
পুঙ্খ অনুপুঙ্খ রূপে বুঝিবে যেমন,
বিদেশী বুঝিবে কিসে সেই পরিমাণ ?
তথাপি মায়ের আহা ! বিচার এমন,
তাহাদের করে মম অদৃষ্ট অর্পণ,—
শার্দূলের ইচ্ছামত মেঘের শাসন ।

২৫

ভারতের সুখ দুঃখ করিতে বিদিত,
রাজ্যী-প্রতিনিধি-কাছে, উপায় এমন
নাহি কিছু, অণুমাত্র রাজ্যহিতাহিত,
না পারে ছুঁইতে প্রতিনিধির শ্রবণ ।
আমার এ রাজ্য ধন, আমার সকল,
অথচ আমার মাত্র দাসত্বশৃঙ্খল ।

২৬

ত্যজি বৃদ্ধ পিতা মাতা, রমণীরতন,
স্বজাতি-সমাজ-আশা জলাঞ্জলি দিয়ে
দুর্লভ্য সিন্ধুর জলে, মম বাছাগণ
প্রবেশে ইংলণ্ডে বৃকে পাষাণ বাঁধিয়ে ।

দেখিবে অদৃষ্টফল অন্তর বাসনা,—
তাহাদের প্রতি কেন এত বিড়ম্বনা ?

২৭

বলিও মায়েরে ভ্রাতঃ দুঃখিনী ভারত,
আছে সুখে বর্তমান প্রতিনিধি করে ।
ঈশ্বর করুন পূর্ণ তাঁর মনোরথ,
হইবেন দীর্ঘজীবী ভারতের বরে ।
একটি অস্থখ যদি হয় তিরোধান,
হইবে ভারতরাজ্য স্বর্গের সমান ।

২৮

বলিও গায়েরে আছা ! কি বলিবে আর ?
বলিও একান্ত মম মনের বাসনা,
মায়ের প্রেমের মূর্তি দেখি একবার ।
যেই মূর্তি অনিবার দেখায় কল্পনা,
ইচ্ছা হয় সেই মূর্তি নিরখি নয়নে,
প্রতিমূর্তি রাখি তার হৃদয়-সদনে ।

২৯

যাও তবে ভ্রাতৃবর ! মাতৃস্নেহনীড়ে,
ভাসিয়ে ভারতভূমি শোকের সাগরে ।
এই ইচ্ছা দুঃখিনীকে দেখা দিও ফিরে,
দুঃখিনী ভগিনী বলে রাখিও অন্তরে ।

যাও তবে, যাও ভ্রাতঃ ! যাও ফিরে ঘরে
আবার ভগিনী তব আশীর্ব্বাদ করে ।

হৃদয়-উচ্ছ্বাস ।

১

সখি রে !

কি আর বলিব আমি মরিতেছি মরমে,
বচন না সরে মুখে মরে আছি সরমে ।

দিন দিন, পল পল, জ্বলিছে বিরহানল
নিবিবে না আর তাহা বুঝি এই জনমে ।
প্রিয়সখি, মরিতেছি মরমে ।

২

সখি রে !

ওই দেখ ফুল কুল ফুটিতেছে কাননে,
নাচিতেছে অনুরাগে সমীরণ চুম্বনে ;
বিহঙ্গিনী ফুল্ল মনে, স্নানাত বিহঙ্গ মনে,
বরষা সঙ্গীতস্থধা মোহিতেছে শ্রবণে ;—
ফুল কুল ফুটিতেছে কাননে ।

৩

সখি রে !
 যে দিকে ফিরাই অঁখি হেরি তারে নয়নে,
 যেই দিকে কর্ণ পাতি শুনি তারে শ্রবণে ;
 নিত্য নয়নের কাছে, তার চিত্র ভেসে আছে,
 সে যেন রয়েছে সখি মিশাইয়া জীবনে,—
 প্রিয় সখি, মিশাইয়া জীবনে ।

৪

সখি রে !
 তারে যে পাবার নয় জেনেছি তা অন্তরে ;
 তবে কেন দিবা নিশি ভাসি দুঃখ-সাগরে ?
 ছাড়িয়া গিয়াছে যবে, আর কি আমার হবে,
 উড়ে গেলে পাখি পুনঃ ফিরে কি সে পিঞ্জরে ?
 ওলো সখি, জেনেছি তা অন্তরে ।

৫

সখি রে !
 গেলে এ বসন্তকাল আবার সে আসিবে,
 নীরবি বিহঙ্গকুল পুনর্ব্বার গাইবে ;
 ফুটিবে কুসুমগণ, বহিবে এ সমীরণ ;
 কিন্তু সেই পাখি পুনঃ পিঞ্জরে না ফিরিবে,
 প্রেম পাখি পিঞ্জরে না বসিবে ।

৬

সখি রে !

শুকাইবে এই ফুল ; কিন্তু পুনঃ দেখিবে,

এ ফুল ফুটিয়া পুনঃ স্রসৌরভে ভরিবে ।

এ হৃদয়ে পুনর্ব্বার, সেই প্রেম স্রুধাসার,

এই জন্মে প্রিয়সখি আর নাহি বহিবে,

এই জন্মে আর নাহি ফিরিবে ।

৭

সখি রে !

কিন্তু সেই প্রেমধারা যেই খানে বহেছে,

গভীর বিচ্ছেদরেখা সেই খানে রহেছে ।

এই রেখা চিরকাল, হইবে আমার কাল,

নদী সহ, নদীরেখা কোথা লুপ্ত হয়েছে,

সখি রে, যথা নদী বহেছে ।

৮

সখি রে !

জীবন যাইবে, এই যৌবন ত যেতেছে ।

ভস্ম হবে এ হৃদয়, এবে দগ্ধ হতেছে ।

ক্রমে ক্রমে এই সব, হবে স্বপ্ন অনুভব,

দেখিতে দেখিতে সখি অলঙ্কিত হতেছে ;—

প্রিয়সখি, সকলই যেতেছে ।

৯

সখি রে !

বিচ্ছেদ যাবার নহে, বিচ্ছেদ ত যায় না ।

প্রেম সহ এই পোড়া বিচ্ছেদ লুকায় না ।

জীয়ন্তে ত না ছাড়িবে, প্রাণান্তেও সন্তে যাবে,

বিচ্ছেদ যাবার নহে, বিচ্ছেদ ত যায় না,

প্রাণসখি, বিচ্ছেদ লুকায় না ।

১০

সখি রে !

যে বিধি চঞ্চল করি প্রেমনিধি গড়িল,

চঞ্চল করিয়া কেন বিচ্ছেদে না সৃজিল ?

লোকে বলে ফুলবাণ, সে কি এত খরশান ?

ফুলবাণ সখি মম মরমে কি পশিল ?

ফুলবাণে এত ব্যথা জন্মিল ?

১১

সখি রে !

কিসের সে ফুলবাণ, কবিদের কল্পনা !

ফুলবাণে হৃদয়ে কি জন্মে এত বেদনা !

নিরখি কুসুমবন, মনে পড়ে প্রিয়জন,

স্মৃতিবাণে হৃদয়েতে বাড়াইছে বেদনা,—

ফুলবাণ কবিদের কল্পনা ।

১২

সখি রে ।

দিবা নিশি তারি স্মৃতি হৃদয়েতে জাগিছে ;

অবলার মনোহুথ অনিবার বাড়িছে ।

যত চাহি ভুলিবারে, তত মনে পড়ে তারে

ততই বিচ্ছেদানল বেগে জ্বলে উঠিছে,

প্রিয়সখি, অবলারে দহিছে ।

বিষণ্ণ কমল ।

১

কল্পনে !

লও তুলি লও করকমলে,

চিত্র কর যাহে কুসুমদলে,

কিন্মা পূর্ণশশী আকাশমণ্ডলে,

কিন্মা কমলিনী সরসীর জলে ।

২

লও সেই তুলি চিত্র কর আজি,

[নহে বিকসিত সর-রুহরাজি,

যাহাতে বিহ্বল ভ্রমর বিরাজি,

রাখিয়াছে নীল সরোবর সাজি]

৩

চিত্র সেই ফুল, স্মিত বিকসিত,
 সৌরভেতে যা'র দিক আমোদিত,
 কিন্তু নাহি তাহে অলি বিরাজিত,
 নাহি মুখে হাসি—চিত্ত বিষাদিত ।

৪

চিত্র কর ওই করকমলিনী,
 'হারমোণিয়মে' নাচি'ছে যেমনি,
 নাচে যেই মতে ফুল্ল সরোজিনী,
 সমীরণ-ভরে সর-সোহাগিনী ।

৫

চিত্র কর ভূজ-মৃগাল তাহার,—
 বিমল কমল স্রবণের হার ;
 নিটোল, নিরেট, অথচ আবার
 পরশনে হয় শোণিত সঞ্চার ।

৬

চিত্র কর সেই বদন-চন্দ্রমা,
 ত্রিভুবনে যা'র নাহিক স্রবমা,
 অধরে নয়নে বর্ণে অনুপমা
 চিত্র কর সেই বিশ্বমনোরমা ।

৭

চিত্র কর যদি পার, সহচরী,
অনুপম সেই লাভ্য মাধুরী,
চিত্র কর সেই দৃষ্টিমুগ্ধকরী,
বিষণ্ণ, গম্ভীর, চিত্ত-দ্রবকরী ।

৮

কপোল-কমলে দিবস যামিনী
নিরাশার কীটে দংশি'ছে, স্বজনি !
বিষণ্ণ বদনে হাসিলে কামিনী,
শোভে মেঘমুক্ত হাসি মৌদামিনী ।

৯

এখনো সে হাসি নয়নে আমার
রয়েছে লাগিয়া ; কি বলিব আর
হৃদয় সরসে প্রতিবিন্ধ তা'র,
ভাসি'ছে উজলি' চিত্ত অভাগার ।

১০

পোড়া দেশাচার এমন রতনে,
অবতনে এত কিসের লাগিয়া ;
কিসের লাগিয়া সোণার যৌবনে
বিকচ নলিনী মরে শুকাইয়া ?

১১

ত্রিদিবে অতুল ইন্দ্রের নন্দনে
 এমন কুসুম দেখা নাহি যায় ;
 পূর্ণিমা নিশীথে শারদ বিমানে,
 এমন চন্দ্রমা শোভা নাহি পায় ।

১২

নিরখিলে ওই মলিন বদন,
 পাষাণ হৃদয় বিদরিয়া যায় ;
 নিরখিলে তার দীন ছনয়ন,
 পাষাণেও আহা করুণা জন্মায় ।

১৩

পাষাণ হইতে নিরেট, অধম,
 অসভ্য দেশের পাপাত্মা সকল ;
 নাহিক হৃদয়, নাহিক মরম,
 কাটিতে রমণী করাল কবল ।

১৪

এমন দেশেতে এমন রতন,
 না বুঝি কেমন বিধি বিধাতার !
 কারে বল দোষী ? শোভে কি কখন
 কাকের গলায় মুকুতার হার ?

বুড়া মঙ্গল ।*

১

ঢাল সুরা ঢাল, ঢাল গো ইয়ার,
ঢাল গো আবার, ঢাল পুনর্ব্বার,
দিব আজি স্ত্রুথ সাগরে সঁতার,
ঢাল সুরা ঢাল, ঢালগো আবার ।

২

লও গ্লাস করে লও সমুদয় ।
“বিজয়নগর-অধিপতি-জয়。”—
গাও এক স্বরে; গাও বন্ধুচয়,—
“জয় জয় কাশীনরেশের জয়” ।

৩

হাসে বারাণসী, নাচে ভাগীরথী,
মলয়মারুত দেয় প্রেমারতি,

* দোলের পনের মঙ্গলবার কাশিতে “বুড়া মঙ্গলের” মেলা হয় । সন্ধ্যার পর গঙ্গার অমল বন্ধ সুসজ্জিত তরণীসমূহে আচ্ছাদিত, তরণীস্থ আলোকমালায় আলোকিত, সঙ্গীতে নিনাদিত, এবং সুরাস্রোতে কলুষিত হইয়া থাকে । লেখক যে বৎসর এই জলোৎসব দেখেন সে বৎসর কাশির এবং বিজয়নগরের মহারাজা তাহাতে যোগ দিয়াছিলেন ।

বসন্তের রাজ্য, রাণী আজি রতি,
বুড়া মঙ্গলেতে সুরা ভাগিরথী ।

৪

ঢাল ত্রাণ্ডি ঢাল, দূর কর সেরি,
লও গ্লাস করে নাহি সহ্যে দেরি,—
বাহবা বাহবা এই কি গো হেরি
অগ্নিময়ী আজি স্রোতকুলেশ্বরী !

৫

যুঝি যত মূর্খ ধেনোমাতাল,
জাহ্নবীর জলে দিয়াছে অনল;
হবে আমাদের জলের অকাল,
ঢাল ত্রাণ্ডি ঢাল, দ্রুত হস্তে ঢাল ।

৬

কিবা শোভা আলো তরঙ্গে নাচিয়া,
প্রতিবিন্দু শত সহস্র হইয়া ;
যেন একগুণ্ড আকাশ খসিয়া,
বারাণসীঘাটে রয়েছে ভাসিয়া ।

৭

শতেক তরণী একত্রে গ্রথিত,
ফরাসে চেয়ারে ঝাড়েতে ভূষিত,

আতরে গোলাবে দিক্ আমোদিত,
বামাকণ্ঠস্বরে শ্রবণ মোহিত ।

৮

উঠিল সঙ্গীত-স্বর-লহরী,
এ পরাণ মন লইল হরি,
উঠিলাম বেগে লক্ষ্য ত্যাগ করি,
“বিজয়নগর”-তরঙ্গী উপরি ।

৯

সুবর্ণ-মণ্ডিত কৌচ-আসনে,
“বিজয়নগর” স্বয়ং আসীন,
গৌরাঙ্গ গৌরবে সোণার বরণে,
কারুকার্য্য সব হয়েছে মলিন ।
আশে পাশে গুটীকত ইংরাজ
মনের আনন্দে করিছে বিরাজ ।

১০

উত্তরে যতেক গায়িকার দল,
পেশোয়াজ অঙ্গে করে ঝল মল,
গোলাপ অপরাজিতা বিশ্বফল,
একাধারে যেন বিরাজে সকল ।
দক্ষিণে তেমনি মোসাহেব থানা
সাজায়ে রেখেছে চিড়িয়াখানা ।

১১

সম্মুখে সৈরিক্রী, ভ্রাতা পঞ্চজন,
বসে অপমানে বিষণ্ণ বদন ;
থেকে থেকে ভীম করিছে গর্জ্জন,
কাঁপিতেছে গঙ্গা, পৃথিবী, গগন ।
হতেছে বিরাটপর্ব অভিনয়
নিতান্ত অসভ্য কিন্তু সমুদয় ।

১২

ভীমের ভৎসনা শুনিয়া শ্রবণে
না জানি কি ভাব উথলিল মনে,
উড়িল মানস, স্থির নয়নে
চাহিয়া রহিনু শূন্য দরশনে ;—
তটিনীতরঙ্গী, আলো রাশি রাশি,
ঘুরিতে লাগিল, পুরী বারাণসী ।

১৩

না জানি এ ভাবে ছিনু কত ক্ষণ,
কাল পরিমাণ নাহিক স্মরণ ।
একটা বাসনা বিদ্যুত মতন,
উদয় হৃদয়ে হইল তখন ।
ইচ্ছা হলো বলি হাত দিয়া বুকে,
“বিজয়নগর” নৃপতি-সম্মুখে ।

১৪

ছি ছি মহারাজ, কি বলিব হায় !
 খেদে এই বুক বিদরিয়া যায়,
 তোমাকে নৃপতি কিসে শোভা পায়,
 এ সব আমোদ বলনা আমায় ?
 ও পাষণ মুখে হাসিছ কেমনে ?
 সহিছ কেমনে ও পাষণ-মনে ?

১৫

শুন মহারাজ ভীমের গর্জ্জন,—
 “দিব প্রতিফল কীচকে, রাজনু !
 মারিব পাপিষ্ঠে, বধিব জীবন,
 এত অপমান, পাণ্ডুর নন্দন !
 দাও অনুমতি, দাও মহারাজ,
 জ্বলিছে হৃদয় নাহি সহ্যে ব্যাজ ।

১৬

“দেখ পরাধীনা কৃষ্ণার বদন
 অপমানে আহা ! মলিন কেমন ।’
 দেখ দেখ তার সজ্জন নয়ন
 নিস্তেজ, নিরাভা, করুণদর্শন ।
 একে পরাধীনা তাহে অপমান,
 কত সবে আহা অবলার প্রাণ” ।

১৭

একে পরাধীন, তাহে অপমান,
কত সবে বল আমাদের প্রাণ !
একে পরাধীনা, তাহে অপমান,
কত সবে আহা, ভারতের প্রাণ !
নাহি ভীমসেন, হতভাগিনীর
করিতে উদ্ধার, নাহি কোন বীর !

১৮

কি ছাই দেখিছ ? কি ছাই হাসিছ !
কাহাদের এই বীরত্ব দেখিছ ?
এক বারও কি মনেতে ভাবিছ
কাহাদের এই বীরত্ব দেখিছ ?
ভারত এদের ছিল এক দিন,
ভারত তখন আছিল স্বাধীন ।

১৯

এদের সম্ভান তুমি মহারাজ ;
ইহাদের প্রজা ভারত-সমাজ ;
আজি সে ভারতে যবনের রাজ,
মোসাহেব রূপ তুমি মহারাজ ।
এই তুমি, ওই পঞ্চ সহোদর,
এ চিত্রে, ও চিত্রে, কতই অন্তর !

২০

ওই বীরমূর্তি ভীম দুর্বিজয়,
এই কাপুরুষ রমণী হৃদয় ;
ও হৃদয় হয় পাঞ্চজন্যে লয়,
বামাকণ্ঠ-স্বরে এই যুদ্ধ হয় ;
ঐ করে শোভে তীক্ষ্ণ অস্ত্রদল,
এই করে, মরি, ফর্সির নল !

২১

অপমানে ক্ষত শাদ্দূলের প্রায়,
তর্জনে গর্জনে পৃথিবী কাঁপায়,
তোমরা বসিয়া যবন-ছায়ায়,
শত অপমান সহ পায়ে পায় ।
সব ছেড়ে দিয়ে করেছ বিহিত,
সম্মানের যুদ্ধ জুতার সহিত* ।

২২

চিরপরাধীনা ভারত দুঃখিনী
ঢালিতেছে আহা ! দিবস যামিনী,
শ্রবণে তোমার, দুঃখের কাহিনী,
কেমনে শুনিছ বল নৃপমণি ?
ভারতের আহা ! এই হাহাকার
বারেক পশেনা শ্রবণে তোমার ?

২৩

কৃতল্প আমরা হবো না কখন,
কৃতজ্ঞতা এই ভারতজীবন ;
মাগিব সতত ঈশ্বর-সদন,
অথগু হউক ইংলণ্ড-শাসন ।
লুটাব পড়িয়া বিরাটের পায়,
কীচকাপমান সহ্য নাহি যায় ।

২৪

ফেল মুখনল, উঠ মহারাজ,
তাজে এ আয়াস, লও বীর-সাজ,
পশ গিয়া বেগে ইংলণ্ড সমাজ,
যথা মহারানী করেন বিরাজ ।
করি যোড় পাণি মহারানী কাছে,
বল গিয়া সব যাহা মনে আছে ।

২৫

বল গিয়া তাঁরে—“ভারত ভাণ্ডার,
উত্তর গোগৃহ হলো ছার খার,
সঙ্গে দেও এক কুমার তোমার,
পলকে অরাতি করিব সংহার ।
দেখাব এমনি মোহিনী কোশল,
মুচ্ছা হবে “মেও” “টেম্পলের” দল ।

২৬

দুঃখে কষ্টে গিয়া এই বার মাস,
 ঘুচিয়াছে এবে অজ্ঞাত নিবাস ;
 জ্ঞানের আলোকে, হৃদয় আকাশ,
 নাশিয়া অজ্ঞান করেছে প্রকাশ ;
 দেও অনুমতি শাসি নিজ দেশ,
 পারি কি না পারি দেখ সবিশেষ” ।

২৭

ঝন্ ঝন্ করি বেণুে যেমন,
 জয় “ভিকটোরিয়া” বাজিল তখন,
 উল্লুক আকৃতি ভল্লুক নয়ন,
 মোসাহেব-বেশী বিকটদর্শন,
 জনৈক বাঙ্গালি আসিল নিকট,
 অপমানভয়ে দিলাম চম্পট ।

২৮

হয়েছে তখন চন্দ্রের উদয়,
 নিশি শেষে ধীরে বহিছে মলয়,
 বামাকণ্ঠস্বর মধুরতাময় ;
 বহিতেছে গঙ্গা তানে হয়ে লয় ।
 শুনিতে হইল উদাসীন প্রাণ,
 কাশীর প্রসিদ্ধ “ময়নার” গান ।

২৯

নাচিছে “ময়না” মদন মোহিনী,
 আলোকিয়া কাশী-নরেশ-তরঙ্গী ;
 ওই কর পদ্ম বিকাশে এখনি,
 এই পেশোয়াজে চারুচন্দ্রাননী
 ঢাকিছে বদন, আবার এখন
 বিকাশিছে দেব-চুল্লভ-দশন ।

৩০

গাইতেছে, স্বর-লহরী চঞ্চল
 ব্যাপিতেছে নৈশ গগন, ভূতল ;
 কাঁপিতেছে ক্র, নেত্র অচঞ্চল ;
 নাচিতেছে নেত্র, স্থির ক্রযুগল ;
 এক নেত্রে অশ্রু-মুক্তা স্নশোভিত,
 অন্য নেত্র দেখ হাসিতে রঞ্জিত ।

৩১

কি আশ্চর্য্য মরি স্বর প্রকম্পন,—
 এই গর্জ্জিতেছে মেঘের গর্জ্জন,
 পরক্ষণে প্রেম কোমল তেমন,
 পরক্ষণে পুনঃ করহ শ্রবণ,
 আধ আধ স্বর, বিরহে কাতর,
 ছনয়নে অশ্রু ঝরে দর দর ।

৩২

কেমন সঙ্গীতে বিজলি দেখিয়া,
চিত্রবৎ আহা ! আছে দাঁড়াইয়া !
চিত্রকর হলে, তুলি ধরিয়া,
লইতাম এই মূরতি অঁকিয়া ।
না জানি কি হুথ, হায়রে, তাহার,
এমন ময়না পিঞ্জরে যাহার ।

৩৩

কত রাজার প্রেমের শিকল,
কেটে ফিরে এই ময়না চঞ্চল ।
পাছে বিধাতার সৃষ্টির কৌশল,
না দেখিতে পায় মনুজ সকল,
তাই এ ময়না উদ্যানে উদ্যানে
ব্যাধ বধে ফিরে কটাক্ষ বাণে ।

৩৪

নাচরে ময়না ! নাচরে আবার ।
ছুই কর তুলি নাচ আর বার !
চন্দ্রানন হতে ঢাল এক বার,
ঢালরে সঙ্গীত অমৃতের ধার !
কি কটাক্ষ ! হ'লো জেনেছি এবার,
কাশী-নরেশের হৃদয়বিদার ।

৩৫

কাশী-নরেশ ! এ পদ্ধতি হায় !
 বল মহারাজ কে দিল তোমায় ?
 যার ঈশ তুমি সে নর কোথায়,
 ইংরাজের রাজ্য কাশী সমুদয় ?
 অর্থহীন এই পদ্ধতি তোমার,
 মাথা নাহি যার মাথাব্যথা তার ।

৩৬

বাঁচলেম বাপ্ ! শূন্য সিংহাসন,
 যাহাতে স্বাধীন ছত্রধরগণ
 বিরাজিত, কাশানরেশে এখন
 কলুষিত করি নাহি প্রয়োজন ।
 এই সিংহাসন, সিংহের আসন,
 শৃগালেতে শোভা হবে না কখন ।

৩৭

বাসনা একটী পুতুল আনিয়া,
 শূন্য সিংহাসনে রাখি বসাইয়া ।
 তা হইলে গঙ্গা-সলিলে ভাসিয়া,
 তা হইলে এই আগুনে জ্বলিয়া,
 এত গুলি অর্থ বছর বছর,
 পূর্ণ করিবে না পাপের উদর ।

৩৮

কি বলিব এই অর্ধে, হে রাজন্ !
বাঁচিত সহস্র দুঃখীর জীবন ।
সহস্র দরিদ্র দীন বাছাগণ,
পেতো বিনিময়ে বিদ্যারূপ-ধন ।
কত অশ্রুধারা হইত মোচন,
কত শুভ কার্য্য হইত সাধন ।

৩৯

যেমতি ভারতে পুরাকালে হায়,
শোভিত আসর আলোক মালায়,^১
যেমতি গাইত গীত গায়িকায়,
পূরিয়া যামিনী সঙ্গীত সুধায় ;
সেই নৃত্য গীত রয়েছে সকল,
কিস্তু কোথা গেল সেই বীর্য্য বল ।

৪০

ঢাল সুরা ঢাল, ঢাল পুনর্ব্বার,
সে সব কথায় কাষ নাহি আর ;
আজি বারাণসী আমোদ বাজার,
ঢাল সুরা ঢাল, ঢাল আর বার ।

কি লিখিব ?

১

কি লিখিব ? আশৈশব যারে মনে প্রাণে
বাসিয়াছি ভাল, সেই কুসুম কামিনী
সহস্র যোজন দূরে, বিরলেতে অন্তঃপুরে,
স্মরণ করেছে আজি শৈশব সঙ্গিনী ।

২

কি লিখিব ? সুকুমার শৈশব সময়ে
নিরমল চিত্ত যবে, হৃদয় উদ্যানে
যে কুসুম সুকোমল, বিরাজিত অবিরল,
হেরে স্তম্ভুর হাসি, বাসিতাম প্রাণে ।

৩

নিদারুণ দেশাচার উপাড়িয়া বলে,
অপর অদৃষ্ট ক্ষেত্রে করিল রোপণ ;
এই জনমের মত, সে আশা হয়েছে হত,—
কি লিখিব ? আমার সে শৈশব স্বপন !

৪

স্থানান্তরে মনান্তর হইয়াছে তার
ভেবেছিলাম মনে, আমি পাইব না তারে ;
একি শুনি পুনর্ব্বার, এখনও সে আমার,
কি লিখিব আমার সে প্রেমপ্রতিমারে ?

৫

লিখিয়াছে—‘পার তুমি ভুলিতে আমার
আমি পারিব না কছু ভুলিতে তোমায়,’—
ঘুচিল সন্দেহ মম, আমার জীবন-সম
আছে মম ; তবে কেন কি লিখিব তারে !

৬

কি লিখিব ? এই লিখি,—জীবন প্রতিমে !
দীর্ঘকাল পরে আজি কি ভাবিয়া মনে
নিঃস্বপ্ন অনল মম, করিলে হে উদ্দীপন,
অমৃত সিঞ্জে কেন দহিলে জীবনে ?

৭

সময়েতে যে আঘাত সহেছিল প্রাণে,
আজি সে বেদনা মম হয়ে উত্তেজিত,
কি যন্ত্রণা মরমেতে, সেই অস্ত্র লিখা হ’তে,
ছুটিতেছে বেগ ভরে জীবন শোণিত ।

৮

কত দিন কত বর্ষ হইয়াছে গত,
এখনও বোধ হয় সকলি নূতন ;
যেই প্রেম স্রোতস্বতী, হয়েছিল স্বদুর্গতি,
আজি তার স্রোত বেগ দুর্ব্বার ভীষণ !

৯

না পারি সহিতে এই হৃদয় উচ্ছ্বাস,
 ছুনিবার স্রোতধারা, বিদারিছে বুক,
 কন্মনাশা* সেতুপরে, দাঁড়ানু বিবাদ ভরে,
 অধোদৃষ্টি, স্থিরনেত্র, অবনত মুখ ।

১০

স্মৃতি দূরবীক্ষণে, মানস-নয়নে,
 বিগত জীবন দৃশ্য সুদূর সুন্দর,
 দেখিলাম কিছুক্ষণ, কি হইল দরশন ?—
 কোমল স্রবণ অঙ্গ, পাষণ অন্তর !

১১

করাল কালের ঢেউ, অবস্থা তুফান,
 কত শত আশা-পোত বিস্মৃতি-সাগরে
 করিয়াছে নিমগন, নাহি তার নিদর্শন,
 কিন্তু সেই প্রেমমূর্তি রহেছে অন্তরে ।

১২

বিপদে, সম্পদে, কিবা স্তদূরে, নিকটে,
 রাজকার্য্যে, কি জাগ্রতে, শয়নে, স্বপনে,
 দেখিয়াছি অনিবার, নাহি জানি কত বার,
 বিসর্জন করে পুনঃ তুলেছি যতনে ।

* কন্মনাশা নদী ।

১৩

কোঁতুকে কল্পনা করে পরিণয় হার,
পূরিয়েছি কত বার গলায় তাহার ;
যথায় যে ভাবে থাকি, তাহারে হৃদয়ে রাখি,
বলেছি সতত এই প্রতিমা আমার ।

১৪

পূজিয়াছি চিরদিন সোণার মুরতি,
কোমল অন্তর তার, এই ছিল আশা,
এই প্রেম প্রবাহিনী, সুধাময় সুরধনী,
কে জানিত হবে শেষে নলী কস্মিনাশা ?

১৫

কিন্তু তারে মিছে দোষী, দোষী দেশাচার,
দোষী এ বাঙ্গালি জন্ম, দোষী এ ভারত ।
পিতামাতা অবিচারে, বিসর্জিল অবলারে
পাপের অনলে, আহা দেখালো কুপথ ।

১৬

দহিয়া দহিয়া সেই বিষম আগুনে,
তরল হৃদয় তার হয়েছে পাষণ,
কারো মূর্তি কদাচিত, হইবে না মুদ্রাক্তিত,
কোমল হৃদয় এবে বিকট শ্মশান ।

১৭

সুকুমার প্রেমলতা এমন পাষণে,
 জন্মিবে না কোন কালে ; হায় রে অবলা ।
 এমন অমূল্য ধন, কিসে দিয়ে বিসর্জন,
 রহিয়াছ স্তখে, পাপ-নেসায় বিহ্বলা ।

১৮

বল প্রিয়ে । এ জীবনে কি স্তখ তোমার ?
 এ বিস্তীর্ণ বিশ্বরাজ্যে নাহি এক জন,
 আমার বলিয়ে যারে, বরিবে প্রণয়-হারে
 প্রদানিবে যাহারে হৃদয়-সিংহাসন ।

১৯

ঊনবিংশতি বর্ষ প্রায় সমাগত,
 বল প্রিয়ে এ বয়সে ভ্রমেও কখন
 নিরমল ভালবাসা, বিশুদ্ধ প্রণয় আশা,
 দিয়াছে কি কোন জন, পেয়েছ কখন ?

২০

সংসার কুহক যদি সত্য বুঝে থাকি,
 “আমার” শব্দেতে সর্ব স্তখ পরিণত ;
 সে আমার, আমি তার, ইহা মনে আছে যার,
 আবির্ভাব স্বর্গ স্তখ চিত্তে অবিরত ।

২১

ছেড়ে দাও জীবনের শৈশব সময়,
যুবতী জীবন পেয়ে বল না আমায়,
প্রকৃত প্রণয় স্থখ, আনন্দে ভরিয়া বুক,
লভেছ কি এক দিন লইয়া কাহায় ?

২২

মনে কর বারেক সে শৈশব সময়,
শৈশব সথায় তব আছে কি হে মনে ?
কত কথা দুই জনে, প্রেম উচ্ছ্বাসিত মনে,
কহিয়াছি, শুনিয়াছি বসিয়া বিজনে ।

২৩

নহে এক দিন—কিবা নহে এক গাস,
এইরূপে কতবর্ষ হইয়াছে গত ;
এক দিন সে সময়, হতো না কি সুখোদয়,
ভুলেছ কি এবে সব স্বপনের মত ?

২৪

যে মনে তোমায় ভাল বাসিয়াছি আমি,
নিরমল, পাপশূন্য, পাপ আকাঙ্ক্ষায়
নহে কলুষিত তাহা, তুমি কি জান না আহা !
ভালবান, তব ভাল বেদেছি তোমায় ।

২৫

এমন সে ভালবাসা—প্রতিদান তার
চাহি নাহি, চাহিব না নিকটে তোমার ! ..
নিজ মনে নিজে স্থখী, কি বলিব শশিমুখি !
অবিচল প্রেম প্রিয়ে ! অন্তরে আমার ।

২৬

এই বহে কৰ্ম্মনাশা, ক্ষীণ-কলেবরা,
অত্যল্প জীবন, কিন্তু বন্ধ কর তারে,
আশু হবে সুগভীর, ভেসে যাবে দুই তীর,
ভেসে যাবে ধরাতল প্লাবন আসারে ।

২৭

তেমতি প্রণয় স্রোত কর অবিচল,
মুহুর্তে পূর্ণিত হবে হৃদয় ভাণ্ডার ;
প্রণয়ে পূরিবে ধরা, গগন হইবে ভরা,
অবিচল প্রেম স্বর্গ—কেন বলি আর ?

২৮

বিহ্বলা যুবতী-মূর্তি হক না যাহারা,
সরলা কোমলা সেই 'বালিকা' আমার ;
সেই মূর্তি চিরদিন, থাকিবে হৃদয়াসীন,
প্রদানিব চিরদিন প্রাতি উপহার ।

২৯

চাহি না যুবতী-মূর্তি, 'বালিকা' আমার ।
 সুন্দর সরল হাসি মাখিয়া অধরে,
 সুন্দর সরল দৃষ্টি, শীতল প্রণয়-বৃষ্টি,
 করে যাতে, সেই মূর্তি জাগিবে অন্তরে ।

৩০

সেই রূপে আজি মম চিত্ত পরিপ্লুত,
 এই কৰ্মনাশা-জলে দেখি পরিষ্কার,
 মনে রেখো প্রিয়তমে, আমি যে রাখিব মনে,
 তুফান বহিছে হৃদে, কি লিখিব আর ?

সম্পূর্ণ ।